

雅宜山人集一冊

王寵

雅宜山人集十卷
明王寵撰門人朱浚明刊

臺灣國家圖書館, NATIONAL CENTRAL LIBRARY, TAIWAN. R.O.C.

2106

王履吉文集序

文無論世代遠近人士先後惟雅爲至二典三
謨詞旨渾噩三百篇意興敦厚甚至矣哉先秦
郁郁西漢渢渢亡愧于三代後之工詩文者代
趨奇奧人務艱深而文不秦漢若矣纘宗前守
吳課士而見王子履吉作而嘆曰江左有奇士
若是是不可追軼秦漢乎而吳大夫士謂纘宗
曰吾吳有大雅士子得之乎曰得之矣信乎其
才不下徐昌穀盧侍御來校士纘宗進曰是吳
有大雅士公得之乎曰得之矣信乎其致不道

臺灣國家圖書館, NATIONAL CENTRAL LIBRARY, TAIWAN. R.O.C.

高季迪然復吉以文行重江左蓋自弱冠至于今矣纘宗與之友也益見其文渾類枚賦類司馬詩古體類曹近體類岑壁之蕭韶既陳琴瑟洋洋鸞鳳離離春容之聲和之容翕爾而作鏗爾而闋無復濃艷侈麗之態絢爛華靡之習風神氣格自爲虞廷一雅調是非天下士乎夫調難乎其雅也復吉大篇雋永短章麗則粹然金輝瑩然玉潤其于秦漢蓋已升堂矣加之以年不可進之以三代也哉初予行古鄉射禮舉以爲賓行古鄉飲禮約以爲贊復吉雍

雍肅肅咸中矩度望之者起敬惟養之厚造之深故澄之不見其淵探之不見其涯而出戶庭名動海陬也嗟乎有士如復吉乃不獲售一第以卒其命也夫古人以不顯仕爲百世士如孟浩然如陸龜蒙其名等山岳奚以售功名爲哉伯氏奉常復約輯其詩文若干卷門人朱浚明輩壽之梓曰知復吉者子也子其序之纘宗有感于復吉也不容辭

嘉靖戊戌至日通議大夫都察院右副都御史前翰林檢討國史官天水胡纘宗撰

雅宜山人集序

前進士承德郎兵部武選司主事翰林院僉事袁袞譏

雅宜山人集十卷文二卷詩八卷上海董宜陽
與其門人朱浚明校刊厥兄太常少卿王守選
友人袁袞序曰雅宜山人者名寵字履吉吳
人也自稱曰雅宜山人故以名集云山人負高
志逸材弱冠即博涉墳籍沉精篇翰下筆綺辭
壯思滔滔不休補郡學弟子貟督學者最其文
試必首山人然非其好也試于鄉輒弗利乃貢
入太學山人由是得北游燕趙觀廟朝制度與

臺灣省立圖書館 NATIONAL CENTRAL LIBRARY, TAIWAN: R.O.C.

四方薦紳先生游上下其論議而文益奇歸而

嘆曰夫神龍升于赤霄尺蠖伏于泥淖黃鸝一

息千里而斥鶴終日不過蓬蒿此其志大小懸

絕何如哉且夫屈信者時也利鈍者命也夫儒

者握寸管挾方牘而揚聲名於億載彼得志者

曳綬垂朱高爵豐祿以炫耀一時不知駒馳電

滅矣浮草腐後世無稱焉此其與蠖鶴何異哉

由是買田石湖之旁築室其上臨流賦詩益窺

古作者之興而山人病矣乃養痾于虞山之白

雀寺洩其精於聲詩而病乃大作歸不逾月竟

卒卒之前一日夢兩蝴蝶入袖寤而嘆曰吾殆

已矣夫莊叟之言殆謂我也嗟乎亦異矣山人

詩初宗李白既乃宗杜故其詩才力雄濶辭篇

麗贍去輕靡而就沉著尚鋪綴而略陶鎔及白

雀集諸篇則又興寄冲玄思調清逸遂窺陶謝

之堂幾入王孟之室矣惜乎天抑其進有志未

就故所著僅此然亦足傳矣山人長余八歲持

相友善自山人之亡而嘆古道之日替也憶與

山人兄弟嚙杯論文窮日達旦謂古人之庶幾

大雅之可作而竟已矣獨恨夫天之忌材不少

假也昔魏之文考唐之勃賀咸以才天近代如
姑蘇徐禎卿信陽何景明沁水常倫閩鄭善夫
亦不享年何天之忌材若斯豈天既畀之才乃
奪之年耶嗟乎山人古之稱不朽者不以年也
又何憾哉

雅宜山人集序

中憲大夫太常寺少卿前吏科都給事中王守撰

余弟履吉氏弱冠攻古文辭才情俊逸川至雲
起垂二十年著述蓋千餘篇余幼共席硯交師
友蓬蒿環堵彈琴咏歌响朝夕相樂也中歲
慕祿仕散遊四方嗟乎遽意遂棄余而逝耶余
悲夫才哲者之天傷顧余蹇劣以獨存每讀其
文未嘗不呼天而泣也乃選其詩八卷文二卷
因年編次庶可考其進云

明嘉靖丙申七月一日

中丞王履約先生集序

昔在正嘉間王子履吉爲太守胡候所賞一時
名籍籍起海內臺灣國家圖書館知有王子履吉者履吉詩篇紛
郁書法豐媚其伯氏履約默然藏名人若不知
履吉有兄者余從履約仲子玄成所輯履約集
讀之質重莊腴其五言律效唐初體得伯玉之
肉七言律或效子美五言古丹陽學宮省中藤
花西園看花之作則效三謝語獨讓履吉哉或
曰履約通顯位御史大夫而履吉槁死牖下今
稱履約詩蓋以貴賤低昂哉噫嘻二子之優劣

余不敢知今其詩在也

隆慶六年歲在壬申夏四月茂苑徐顯卿撰

臺灣國立圖書館 NATIONAL CENTRAL LIBRARY, TAIWAN, R.O.C.

余師雅宜先生講業楞伽山中浚明從遊甚久
師志好山水故游樂多在石湖浚明無旬日離
侍側師亦過爲獎愛每聞論文必曰文不法孟
氏詩不法陶謝未也噫可以觀師之所趨矣辛
卯歲游南雍得疾東歸竟不起嗟乎茲實天奪
之速也逮將易簣顧浚明惓惓語曰白雀集可
傳矣諸藁爾藏之石湖草堂浚明因收拾遺逸
次其歲月緘寄于奉常涵峰先生將付之梓人
傳諸海內奉常公令衷選成帙命浚明重加讐
校刻之山中以示將來焉白雀稿爲張月鹿氏

刻于松郡今散見集中云

丁酉七月望日門生朱浚明頓首謹書

王履吉集序

臺灣國家圖書館 NATIONAL CENTRAL LIBRARY, TAIWAN. R.O.C.

嗚呼觀今渝然云興燦然星燿豈不有羨於當世之士哉然性緣情汨志以習乖考之溫仁成德固已鮮儔矣姑畧言之自視有餘者驕視人有餘者妬驕妬所終敗于人國烏用士爲也得天猶幸若吾友王履吉氏適發鄉國早聞四方龍鳳爲章山海爲蘊不謂有餘旣甚者乎然逡巡若處女俯詘若蒙士自余所覩未嘗失色於人及其遇一善覩一才若饑渴之於飲食不厭不止故年殆強仕而海內勝流什五齒交矣乃

抱疴長終玉毀膚下嗚呼慟平人皆曰履吉之才不可再得也余獨曰履吉之清純不可再得也蓋傷人國焉其兄太常履約氏刻其詩余得而論曰古體五言沉鬱有色可憤可樂蓋類曹植鮑照七言跌宕灑麗號幽吹而靄春雲蓋類杜甫岑參近體亦步驟杜參而自攬神情殆與盛唐諸家相雄長可謂詩人也特非其致也謂所取於履吉者非以此

嘉靖戊戌孟秋望日姑蘇顧璘序

雅宜山人集卷一

明吳郡王龍撰

四言古詩一

贈涇府長史沈先生詩六章

嘉靖稿

惠

帝啓寶籙迭授三正明明我祖配天作聖躬秉白旄犬羊遐屏再宅九隩重光七政本支萬年永膺駿命其逮我憲皇六紹龜鼎磐宗愈固諸王秀挺建涇于沂天弓燦炳青土苴茅儀章有等太野旣荒海岱維其於昭涇王玉裕金相河間雅樂詠歌洋洋采磬泗水斲桐嶧陽

抱疴長終玉毀膚下嗚呼慟平人皆曰履吉之才不可再得也余獨曰履吉之清純不可再得也蓋傷人國焉其兄太常履約氏刻其詩余得而論曰古體五言沉鬱有色可憤可樂蓋類曹植鮑照七言跌宕灑麗號幽吹而靄春雲蓋類杜甫岑參近體亦步驟杜參而自攬神情殆與盛唐諸家相雄長可謂詩人也特非其致也謂所取於履吉者非以此

嘉靖戊戌孟秋望日姑蘇顧璘序

雅宜山人集卷一

明吳郡王龍撰

四言古詩一

贈涇府長史沈先生詩六章

嘉靖稿

惠

帝啓寶籙迭授三正明明我祖配天作聖躬秉白旄犬羊遐屏再宅九隩重光七政本支萬年永膺駿命其逮我憲皇六紹龜鼎磐宗愈固諸王秀挺建涇于沂天弓燦炳青土苴茅儀章有等太野旣荒海岱維其於昭涇王玉裕金相河間雅樂詠歌洋洋采磬泗水斲桐嶧陽

載闡孔訓玄化遐新介圭袞冕穆穆皇皇

帝嘉明德惟艱邇相允矣我師值茲明兩我師

伊何夙陪天仗虎節能輜再膺州將駿譽四馳

仁風以颺

其四

義宗藩翊亮惟傳如彼夏屋棟

隆斯固如彼金鼎玉鉉有度畏天之威握鬯纂

祚賓祐承休柯繁枝附

其五

我師名宿誇誇骨鯁

佩玉鏘鳴方隅襟整正士在朝羣工思儆君臣

一德天祿終永有羽有蒙世爲

明屏

其六

五言古詩一

贈別家兄復約會試七首

正德稿

吾宗素貧賤被褐垂百年哲兄自鷹揚尺水升
龍淵懷玉不得掩譽命逮九天車馬爛盈門勸
駕以周旋辭親邁觀國撫劍遠游燕

其二

燕昭昔愛士縹紲黃金臺我 明懸日月北極
自天開左抱遼海隘右指雲中廻龍翔真寓縣
虎視下賢才河馬叶羲至岐鳳鳴文來

其三

騫騰丈夫志婉變骨肉情辟彼完山鳥羽翼今
已成一飛摩天游一返顧巢鳴昔也同胞戀今

茲萬里征蕭蕭聽班馬悠悠瞻去旌

其四

去旌日已遠我思鬱以紓冥鴻西北舉離獸東南趨父母憐我獨友朋慰我孤眷彼多露言揮涕想長途故鄉眇何許異姓乃爲徒

其五

徒旅各風氣語笑若爲親道出齊魯郊相逢燕趙人山川日非故城郭屢經新驅車太行麓飲馬濁河津日暮黃雲合誰當憩苦辛

其六

苦辛浮客歎悽惻留子心連裾二十載茲晨方判襟疑義誰與析樽酒誰與斟茫茫江湖去徊翔棲故林吞聲一以別霄漢限飛沈

其七

飛沈各有時天命良不疑古人重千金徙倚戒堂垂遠行越山川能不令我悲努力加餐飯慰我長相思揮淚贈言邁辭盡意不披

侍燕大學士守溪王公作

鳳凰翔千仞覽德自委蛇哲人洞玄象約已澹無爲天倪亮有適好爵非所縻周公睠東洛疏

廣辭皇師綏章曳靈羽命服交文螭赤馬乃几
凡肅穆君子儀我公在朱堂式燕臨前墀吹萬
天下澤樂育官牆私旣醉湛露泥有渰青雲披
列廡華棖下吐論光陸離傾心佇飢渴日入迤
忘疲

席上贈顧參政華玉

滄海渾元化樓臺與天通使君赤城主五馬翔
雲空鳴玉朝紫皇弭節咸池東仙人候羽蓋霧
裏飛金童漢室列千石淮南參八公蓬萊戲清
淺吏隱誰能同矧來浮客星掛席上北斗乾坤

鼓洪鑪日月光 我后天人探玉衡龍吟鬱回
首維南有會稽 帝曰汝茲守轄內十諸侯肅
肅趨紫綬黑髮杖節旄功名豈爲後簡書迫王
程登龍偶瑤席蒼然解金龜吳酒傾琥珀上陳
黃虞風下感興替迹指麾顧榮扇落落當世畫
猶是先帝郎名在弘治籍努力事 三朝願
贈秦人策

寄贈陳翰林魯南

孔鸞有危巢玄圃三珠樹翔集無可依冥冥但
雲霧憶昔蓬萊官獻賦五不遇一擊搏九天清

朝陪玉輶寵列歲星臣光受 龍顏顧丈人揚
馬流戈劍森武庫春容儼儀刑灑落寓風度詞
杯有根柢銜勒歸善步王良範馳驅同文肅皇
路前輩多名公井絳星辰聚九葉際重離白虎
金輿駐日旰侍談經片言豁天悟古來功名會
多在齒髮暮風雲忽騰驥崇朝展平素豈學濟
南生白首徒章句洋洋雅頌風作者固有數
天子錫彤弓諸侯歌湛露載筆忻有人商周足
馳騖

秋日侍祭師宴湯二子重

我師發林屋五夜翔天帆衣裳動雲氣猶自桃
花岳爭迎白鹿車冠蓋道相銜李邕傾後輩魁
岸識亂鬢湯也是同社登堂袂交把驚座得文
翁徵仲在座琴瑟調大雅昔別春復秋心事一披寫
麒麟已翔空吾道猶在野 聖人奏雲門江湖
自蘭灑商飈薄公赫亭午雷破壁崩三峽流
危聳四座客賓跪請間觴玉饌轉狼籍平生狂
奴態醉舞拓金軺回頭指葛強何似銅鞮陌

鄭博士自毘陵來酌酒贈言

蘇常百里間把袂苦不數子猷自何來矯矯雪

山鶴薄宦多風塵官長自束縛十年一儒冠裘
馬頗零落數口糴太倉金冷作糜薄玉色不受
慘吾道付玄漠帷中寫瑤琴增下翻紅藥時披
古河圖乾坤炳參錯濟濟文翁肆沉沉馬融幕
吁嗟俎豆風南斗挿雄郭丈夫苟有成豈必在
巖閣荀卿三祭酒白首秉禮樂小人競腐鼠君
子摩好爵持杯各披心古義豁寥廓

寄贈王憲副欽佩

鍾山表天闕紫翠摩荆揚長江走其下河漢森
七襄精靈炳人傑梁只那之光明廷奠大呂絕

壑蟠豫樟卓哉丈夫特朱烏相徊翔憶昔都下
游白馬南宮郎清溪映甲第古木維堂皇蕭踈
楊維宅羞怯陵賈裝五陵豪俠窟朱門擁貂璫
夫子抱遺經玄草滿空床時從高陽侶斗酒換
鷓鴣彈基夜寥閑撫劍天蒼茫顛倒尚方履氤
氤官署香自顧草間人摧眉愧琳琅斗柄忽五
轉旌車限河梁洛邑天下樞雄麗古帝疆人文
圖書窟地軸嵩少陽絃歌億萬戶章甫三千行
吾道有盟主中州耀星芒六經貫宇宙日月懸
穹蒼維持藉公等湖海漫摧藏

答顧閨餘之

嘗聞公與侯子孫必復始天開忠孝門有美揚
麟趾猗昔先大夫伯仲列旌棨腰懸朱雀符對
秩古刺史五馬翼華輶聯綬拖金璽風流儼至
今合沓才華起餘之千里駒汗血雙瞳紫總角
驚老師豪氣食牛兕筆倒三峽流胸蟠五雲綺
插羽志先登拔劍湧天倚獵精揚馬源極目屈
賈壘文章我輩事古道薄如砥精靈含元氣渾
沌後天死百年沉與浮洩雲無定止矧子方少
年電邁絕九軒清廟鳴天球東旁列垂天日月

高崢嶸契會青冥裏蹇予骯髒姿擊筑吳門市
昨枉繹志篇瑞瑤安足擬蛟龍動長吟相顧鬱
斗水

贈劉太僕元瑞

江漢國之紀南嶽涵春容金晶走月窟大澤蟠
人龍劉公豈易得旁礴秀所鍾本家江東將銅
虎冊帝封奇才握銳穎弱冠摧文鋒射策上玉
堂天子維孝宗龍姿古堯舜千春會其逢一
麾出郎署再歷粵與雍豈惟甘棠茂坐見俎豆
龔名高貝錦織褫帶還山農張敞起亡命馬援

鎮蠻卽東山夢猿鶴西徼來奔衝窺圖伯禹穴
奠玉茅君峯玄牝抱虛一瑤華掇丰茸重離炳
大角袞職思彌縫公望允輒屹台階佇升庸權
奇甲在腹碨礪星羅胸朗朗百間屋森森千丈
松天閑萬駛牝肅穆大輶從衛文秉塞淵和鸞
舞噭噭秋高鐵騎疾猛士乘金墉黃河控鳴鎗
青海沉邊烽經綸在名手田野庇疎慵

晨興

中宵雨衝黑晨興慨知秋空庭曳葛屨落葉辭
梧楸冥冥白日翳念念玄雲浮鷗雞劃起舞悉

蟋嘯其儔端居覽物化六御無停輶悠然眷卒
歲蒙茸思我來若華不可折注目崑崙丘總髮
未聞道忽忽用子周赤霄有天驥窮路多釐牛
古人去我久日月成阻修豈無萬里志蹇足空
夷猶浩歌激宇宙烈士痛年遒

雨

大火聿西流驕陽反爲雨青天斬頑龍空山劈
鬼斧雷霆割爭門一足商羊舞甘霖不擇地灌
漑及瀉鹵枯禾月再朞欵忽華滋吐寧知真宰
力迴斡玄功補百里交青熒沮洳膩膏土翻思

朱炎赫湯火煎肺腑溝渠盡揚塵桔槔空區
天下皆王民何事農獨苦但求終歲餐焉能惜
肱股我苗鬱盈疇我米粲在釜擊鼓吹笙竽蠻
歌賽田祖生死帝力中不識堯舜禹

會文與湯珍子重郭邵漢才

弱齡事丘索雅志涉文淵十步幾九躡百慮靡
一全踽踽獨淪塞張張疇扶顛永懷麗澤允時
歌角弓篇中路值世哲華珠爛相駢我冠講黃
虞著論闡太玄不以葑菲賤不以菅蒯捐散帙
恣所質披胸結纏綿龍翔爾方滯鳳附余何緣

授分寄二子管鮑可賢賢

還山作三首

久欲歸西山蹠謐漫鞅掌青陽麗江臯茲焉諧
所賞巖餘白雪停水接紅霞上地軸隱墳夷天
池匯決漭鯀人靜安流玄牝遺清響秀色浴層
巒虛光涵萬象川原信沃曠景物初駘蕩覽化
自靡窮適性非外獎彼美丘園貴眷言興我想

其二

恭承休明日九軌今一家進則綰龜玉退則蟄
龍蛇吾道苟不虧安用事咄嗟山川日間曠土

風頰清嘉躡步陵絕峴流目覩歸霞鳴嚶藹以
豫陽林荑漸花風光枝上汎日采水中華感物
眷彌結悟空理已遐永言詠玄寂聊以遣紛紜

其三

環洲信靈瓏灌莽何葱蒨中有方丈室聊以酣
清燕對嶺屯白雲旁林繞碧箭時聞樵採音日
覽湖山變漾蟻歡獨持道書慵不卷玄言謝丹
轂散髮那瓊弁頗懷康樂游幸之子半戀寄言
賞心人歲晚同茲卷

侍燕宗師安福張公分韻得平字

群流赴大壑宿環天樞道以宗盟重義將君
父俱我師秉斯文遭時佐黃虞清風振寶鐸朗
鑒縣冰壺曰余抱蹇昧濫彼孔庭趨升堂慚由
也聞道愧參乎清觴侍文讌琴瑟諧以娛金塘
拂菡萏瑤川秀菰蒲風光麗遊艦雲鳥狎前驅
去矣宮牆戀落日佇踟蹰

贈邢山人麗文

羣鴉啄腐鼠飛蛾競明膏鷄鳴啓朝市宇宙紛
如毛寧知爰居鳥鐘鼓觸悲號鴟食非所性排
蕩秋天高客有邢夫子玉立冠人曹環堵隘六

合長嘯凌九臯。讀書洞元化。耽酒冥風騷。
劉伶豈必醉。與世餉其糟。顛倒紫綸巾。淋漓白雲袍。
歸來四壁立。叱咤羞錢刀。寶劍匣中吼。精光射
蒼條。端木結車駟。原生翳蓬蒿。百年一蕭灑。萬
象同秋毫。却哂飯牛人。哀歌爾何勞。山中有叢
桂。招隱日忉忉。

旦發胥口經湖中瞻晦三首

瀛壻委菹藪。地嶮隘山川。渾沌自太古。決漭開
吳天。仰飲咸池津。俯灌東南偏。龍宮竭崛麗。鮫
室闕幽玄。孕化晨陽吐。涵虛霄象懸。洪流旣瀨

沛列嶂亦廻延。雲標海上闊。石秀鏡中蓮。開冬
眷肅氣落木。浩無邊。黃鵠有奇翼。八表恣周還。
儻遇浮丘公。欲忽蓬萊巔。

其二

夙有丘壑尚緬懷。鸞鶴蹤揚帆忽天矯。赤水驂
亂龍。五湖寫杯掌。三州盪雲胸。金屏匝地軸。玉
鏡開天容。秩則四瀆亞浸維。百谷宗丹丘。駐日
月。瑤草連春冬。絳氣恣繁薄。青霞何復重。仙人
蛻化處。千載空芙蓉。咄哉委腐鼠。絕頂巢孤松。

其三

遊子戀清暉舟師謹高浪水宿濟前湍薄食凌
窮嶂雲帆詫多奇霞石非一狀龍性已難馴鷗
機彌悅蕩靈妃曳翠旗川后塞綃帳蒼茫天外
殊傾洞風濤壯安流伯禹功長嘯鷗夷放昔人
已摧頽宇宙空俯仰感往不復朝追來胡弗暘
總轡萬壑巔振衣三島上彼美職勝賢薜蘿遙
在望

過石公山

島嶼屢崩奔石林突參錯朝雲正吐秀冬水亦
漸涸槎牙熊豹蹲蟠曲蛟龍蟠波濤激中洞嵐

露紛上薄金膏赤日流石鏡青天霧表靈徵名
圖延賞詣幽諾蒼鼠不驚人丹楓時自落茲焉
可投綸畢志甘場藿

入銷夏灣

千山翫廻轉雙闕開嶙峋圍作玉鏡潭流水桃
花春雞犬自甲子衣冠乃秦民表裏重湖阻丹
青四望勻孤峯表日觀嶂摩天垠波光別駘
蕩霞采相鮮新疑觴西王池誤攀織女津海鷗
戲蘭薄游僊瑩心神牙檣悲百年玉輦罷今巡
榮華無常玩山水有天真塵纓聊以濯慚爾擢

歌人

登縹渺峯一首

宵夢昇天行明登縹渺峯
闔海湧鯨吞大漠冠
鰲簪吳粵倦周覽
乾坤漭浮沉千巖迺拱帶萬
頃逼侵洛歎蒸塞靈灝氣候異
陽陰寥寥躡雲
磴落落捫河參鵬霄
邇靈嶽鳳野開煩襟
偓佺空中語蒼虬煙際吟天衢
非阡術超駕有遐音
覽化自靡足懷仙傷我心
臨風寄瑤草遲爾崑

山林

入林屋洞

白鶴已仙去碧山遺寶符
齋心扣靈闕企石窺
清都雲堂裏撐拄百人可跏趺
白玉斲隆棟青蓮
緞流蘇昔人鍊液處
床第鬱金鋪石乳釀而
長交錯如珊瑚蛇行屢迴互磬折窮有無恨之
嵇生識烏篆空模糊時聞神鉦鳴地底
越江湖冥濛翳日月窈窕通蓬壺悠然遂雲卧
心將天與徒羽毛如可就千載有龍徂

丙洞

天傾霞石開日映雲門敞芙蓉秀絕壁幽蘭首排
仙掌下窺點無垠側眺紛有象丹藤蔓冰壑蒼

苔蝕銀牓野鹿澑飛泉寒兔逃平莽攀蘿眷仙
靈折麻私嚮往訪道空名山前途浩漭誰令
濁世憂相我凌雲想

曲巖

乘雲欸先登攀崖紛廣眺孤峯上寒日平楚騰
餘燒天高風物緊地迥山川竅饑鼯乍陸梁哀
鴻相叫嘯企石揖雲帆披霞迎海嶠空水共汎
瀾虛無自余照林深養谷神確仄圍景曜光風
爛芝苓玉髓滋蘿葛樵隱自夷猶末路多奔峭
懷哉用里公于春可同調

毛公壇

石門有遺營澗道時屢揭山廻谷籟長地迥琳
宮闕近峯巒交青遙岑盪虛翠丹井周前除雲
堂儼昔位毛公颯羽翼白日翔鸞轡自非山水
靈胡爲異人至石髓不盈握圖經滅餘字樵人
引蔓行鹿子喧花戲蟬聯不崇朝浮生滌如寄
荷篠斸黃精終矣丘園貴

蔡師玄秀樓與諸友燕集

人龍未逢時林卧觀元化抗館碧山隈伏檻滄
浪瀉連巖象雲構嵌空紛石架明霞麗壁瑞凝

臺灣圖書館
NATIONAL CENTRAL LIBRARY, TAIWAN, R.O.C.

瀑翻甍瓦其陰負縹渺其陽展銷夏山川恣凝流乾坤漭高下端居慰營魂散帙疊遙暇觚管間時操觴酌巡筵迺我公坐忘疲樂客窮玄夜時哉秉燭歡合坐同所藉

唐文伯虎桃花庵作

海內幾詞伯當筵逢酒儔竭來桃花塢披草成獻酬夫子嵇阮輩簸弄天地浮閑闌鱣泥滓袒裼參王侯或時舞長袖迴拂隘九州神龍不自惜勺水甘垂頤蒼蠅顧營營一日千里游蕭踈竹林聚窟寃柴門求形骸兀土木辨難森戈矛

貫穿窮百氏驅馳感千秋氣酣酌感激雪涕懷伊周老鶴志霄漢雄劖奔兜鍪惜哉功名會律屹日月適痛飲師古人談玄恣冥搜是時大火中偃息宜林丘松蘿在高戶幽苔披長流沉冥我輩事河朔同悠悠

楞伽寺

雲竹素所愛山林道難忘荆蠻屹水府五湖瀉湯湯連峰枕其腹翠壁森開張流峙兩參錯南斗廻文章絕境閟蘭若金天建旌幢嵯峨古楞伽颯沓開雲堂星河掛北戶日月經其陽法雨

不斷灑檀樾紛成行時時吐虹霓下飲平波光
風帆日如織寶筏度迷方道林更愛客文燕依
松篁脫屣石苔滑科頭飛雪涼朱炎久蒸薄卧
竭兩月強掃除洞虛白盥浴披天香廻思隔朝
市孰熟眇相望

麒麟行

天王建已年尚秉正德朔聖人歛乘龍仁獸驚
代作秦吳亘中原靈氣森噴薄山海天地藏華
夷散脉絡茲焉各效珍元化恣磅礴骨法按古
圖碨礧冠一角鱗甲圍五雲紫焰赤金錯長老

強記事彷彿徵永樂煌煌 九葉孫玉璽 帝
所度柱史儼載筆盛事光執削吾聞王者瑞秉
哲士謌謌夔龍在巖廊圖像畫雲閣丹心日月
傍星斗參磊落努力望諸公洗目青天霏

哭孫太初


叔夜天人流龍章混土木太初關中來鬢鬢騎
白鹿恢恢天網外玉立青山獨倒着蓮花巾虹
霓恣成服腰頭虎鑿囊自詫神仙籙高食太白
雪屢憇車箱谷曾雲蕩其胸溟渤空兩目雄談
豁古寺饑鼠竄深屋賦詩聲殷殷月黑魍魎伏

鏗鎬鍾律應突兀崖障畫斯人則云亡古調竟
誰復昨者去苕溪札翰一再讀百年付浮萍萬
事驚轉轂天馬不受銜孤星墮南陸安石竟殞
雞賈誼終遭鵬草堂澁何在落日玄猿哭三嘆
豪士風淚掩高離筑


陳氏南樓宴集

荆吳古都會樓堞回勢堅奔流自天目下與震
澤連股引環雉門金湯樹華旗山川麗繡錯斗
野鬱星纏霸氣雖間歇豪俠爭喧闐名家列鼎
食珠復肅初筵重堂隱歌笑複閣羅神仙向來

形勝地一一指掌間寒暑錯氣候雲霞媚人天
掌中車渠益涼栗冰雪拈微風汎菡萏香度舞
衣前海內諸名公題詩琬琰鑄鄭莊特置驛山
簡時廻輶鳴鍾旦高會飛纓爛相駢乃知南陽
孔不徒守金錢素封炳青史高義到今憐



臺灣國家圖書館 NATIONAL CENTRAL LIBRARY, TAIWAN, R.O.C.



臺灣國家圖書館 NATIONAL CENTRAL LIBRARY, TAIWAN, R.O.C.

柏載崇整山河扶棟梁虎旅肅藩屏還輶告成
命弭節爲俄頃備聞古夔龍密布金華省彷彿
弘治風廷論多骨鯁我輩飽藜羹散髮從箕穎

紀變

皇帝紀元年嘉靖秋七月盲風白晝號酣闌亘
明發勢從西北來突過東南蹶一鼓江河翻再
簸海嶽拔黃沙暗中原白浪高觀關古樹斬十
圍夔罔逃百粵淮揚旣澎湃吳楚轉突兀蚩尤
掣長旗天吳豎危髮中宵抱屋柱股栗不得歇
三儀莽蒼蒼色亂玄黃汨飛廉應南箕崇鯀伏

金鉞神聖方膺圖地紀胡峽屹元老滿巖廊懋
理諒匪忽翻然萬家邑漂蕩魂惝恍蚪龍怒磨
牙何處收爾骨翹首吁帝闔終思笞天罰

贈邊丈太常庭實

趙舞罷七盤齊瑟掩雲和丈人坐華屋賤子按
節歌寵也結髮時誦法丘與軻寒門寡墳籍長
者希經過窮鳥閉樊籠舉翮摧四阿弱冠遂無
成行吟粵江沱西游入金陵高闕排銅驅王侯
爛星月帝業侔山河雲臺儼曾峻天人鬱森
羅弛擔立道旁劍珮聲相磨赫赫太常公駿馬

金盤佗秀準象山嶽腹庫開干戈雄名壓當代
參列李與何中州兩龍奮東魯一鳳摩雕蟲旣
掃蕩大雅旋琢磋天球及寶琰宗匠操斧柯煌
煌我明室典述業以義五緯貫中天四瀆揚
其波後進聿雲興回幹良已多顧我凡馬姿九
折長蹉跎孫陽謬翦拂浪費玉山禾詞塲若可
繼舞首爲鳴珂

奉同東橋顧丈夜宴賞菊之作

中歲無所成飄颻慕長生未諳鍊玉法采菊餐
其英腰佩茱萸囊冠垂蘿薜纓霜中三秀茁石

上九華榮明公挺鸞鶴翻飛辭玉京重此瑤草
約遺彼濁世名玄夜共逍遙攜手游泰清折花
竟誰贈俯仰千古情安得凌風翰一舉遂遐征

月夜登上方絕頂四首

五湖湧青蓮削出千丈壁空中構寶殿珠光相
蕩射明月海上來照見半山赤千林似竦動鳥
獸夜辟易飛馳入中天萬里掃空碧吳粵何茫
茫俯視一氣白自身列星辰間絕頂布瑤席舉杯
酌銀河誤觸支機石回首招王喬吾亦成羽翮

吳山直牛斗豈必五嶽竒飛梯入青天虎視東
南陲海水涌我旁太湖化爲池波光蕩寶月萬
頃堆琉璃魚龍百處現吞吐珠陸離歌嘯生雄
風草木四山披腰佩豁落圖手掣蚩尤旗遨遊
五城上極宴不知疲

其三

大道無端倪人世如蟻蟻冷然馭風行天路非
阡術望舒稍西傾東海已吐日山川兩照曜金
波中湧清仙人夜行游巖坐汎寶瑟吐故餐晨
霞乘露采芝朮嶺嵬金庭山中有煉藥室却笑

尚子平寧湏嫁畢

其四

乾坤一銀海萬境羣動滅狂殺王子猷疑是山
陰雪披襟當雄風酒後覺耳熱山精忽夜嘯谷
響崖竹裂惝恍非人間身世殊陡絕結束昇天
行星斗爲珮玦倒窺山河影嵯峨鏡中列始知
飛仙人五嶽視丘垤紫霧何濛濛入口皆玉屑
幾時丹砂成白日翔鸞節

乙酉送家兄履約會試二首

富貴別離易貧賤去住難游子起蓐食盡室慘

不歡高堂有老親雪涕何汎瀾征馬爲躊躇僕
僕皆辛酸薊門莽蕭蕭澌水流柔朔風旌旗
裂胡雁愁羽翰念我南中人踈理不耐寒累夜
絮征衣猶覺輕且單五雲夾重城聖人在金
鑾日月儻垂照挾纊何足嘆

其二

古人貴逊名今人學干祿豈無遐舉心讐鷹不
充腹夢寐在山林苦迫臘與伏飢來不待驅燕
趙恭馳逐所悲骨肉離不及雙黃鵠耻爲兒女
仁長歌以當哭努力休明時望子光五族毛生

捧郡書審子夾牛轂大道有屈信達節非銜鬻
慰此堂上心日夕千里目

贈曲巖山人蔡師古

嘗登曲巖頂翠壁凌兢行下屬帶林屋上千森
太清崎嶇兔狐道斗絕芙蓉城天街太湖小日
上東山橫奔濤激林響飛霧驚人聲雲光寫石
鏡天籟摩風筩頓駐浮丘鶴長吹子晉笙坐來
握玉髓饑至餐瑤英當時山人輩金策相支撑
前身蔡經是師受王方平結廬古巖下桃花滿
前楹麻姑復千歲指甲猶自輕丹書拂蘚讀王

女披霞迎親傳步虛唱彷彿鸞鳳鳴笑我晚學
道碧山許藏名相期荷長鋤石上斲青精

送陳子齡會試三首

隋掌有明月郢握本荆璆光華一曜世逝矣不復留中夜忽自驚絕壑失藏舟止者如鷗旋去者若雲流昔爲輔輿車今成沈與浮彈劍作徵聲颯颯寒風遒丈夫貴意氣豈在同衾裯

其二

夙昔卧林壑與子多緒言方軌共行遊遊彼竹素園古人不可作志節照當年垂爲日星文

爲河漢源中夜撫枕嘆思與比翼騫龍淵不在握壯志成煩冤日月忽我遁荃蕙寧久繁努力愛光景及子朝陽暾鳥飛不厭高獸挺各爭先策足據津要慰我孤窮魂

其三

黃金錯鑿劍結束千里裝驅車向燕趙日夕見太行天寒繁霜雪層冰阻河梁疾風沙礮奮落日人馬僵原野何蕭條旅鴈正南翔男兒當努力所願馳四方咄彼乳臭子尸居戒垂堂投袂從此逝中情慨以慷

分得勝王閣送盧駕部師陳

江漢紀南服衡廬奠朱方河山阻襟帶表裏望
荆湘列雉鬱參錯樹羽盡飛揚風清彭蠡瀨雲
起昭丘陽帝子握龍節磐石荒楚疆中天抗瑤
榭倒景垂虹梁鳴鑾謝千載遺構想靈光夫君
勸王事流覽恣方羊霜妻百卉素日落千山蒼
悼古志惝恍遭時氣騰驤北首睇辰極東指窮
扶桑伏檻藐寰宇觀風歌吉祥言歸報明主端
笏拱嚴廊

送屠秋官文升校文還朝

哲匠握衡鏡南國叢楚材遭逢聖明世推轂
黃金臺衡巫剗聚穴彭蠡拆珠胎光華曜翼軫
卓犖超塵埃言旋告祗命拜手贊康哉帝御
萬年觴紫氣溢三台進賢膺上賞緝袞湏良才
江南草正綠塞北花應開及子春服麗翔舞入
蓬萊

石湖秋泛同段戶部子辛文太史徵仲
濩落類莊瓠汎洄依孔桴冥心委江海屏迹逃
人徒鶴厲申獨往謾屈謝當途持此百年操居
然山澤癯兩賢顧同調枉楫臨家湖駢筵屬秋

序嘯侶邁元夫初旭洩雲翳落景鮮霞鋪重霖
豁朗霽蕘氣集高梧南陵絢丹碧北渚冒菰蒲
瑤臺遞隱見羽節時有無陟峴禮精室乘峰眺
名采神超禮自逸世往迹與徂吊古指游鹿歡
今懷過駒請君謝天伐畢慮收桑榆

同白下諸友燕東橋顧丈家園四首

潦水慕神淵柔條愛秋幹矜已諒有窮思齊乃
無畔曰余早迷方學道徒漫漶戴益以望天寧
識河與漢哲匝擅斧藻不遺溝中斷展席詣故
懽披文賞新觀汪汪千頃流輝輝三英粲靡爵

非金敝忘年昉羈貫俛仰愧良知當座興累歎
願以皓首期從君詠文瀾

其二

金陵信都會瓊麗表帝疆大江自岷峨入海
匯荆揚蠻巒石頭壘列峙鍾山陽觀闕摩蒼穹
翔舞金鳳凰形勢扼九州賢豪傾四方今夕復
何夕躡履上朱堂影纓無醜士結珮皆人良綺
思若霞飛玉度藹鸞翔辟彼隋侯室錯落垂夜
光何必絲與竹清言間華觴投分寄諸子聊與
爲太康

其三

束髮志典述臨文多慨慷思得千金駿疎轡當
詞場先民日以遐宿草蔓周行大雅豈不懷轍
迹浩縱橫昭代自天啓婉婉羣龍翔赤霄無
短翼玄纁有奇章煌煌華我明姬妙相頡頏
伊人各乘運風起雲飛揚灑落乃無成念之熱
中腸眷我同心友摩厲不可忘

其四

悠悠水中魚飄飄天際蓬魚行逐江海蓬轉隨
西東聚散無定端清尊難屢同如何千里客集

此一室中蘭燈吐華燄瑣闌窺瓊瓈棲鳥數夜
驚談塵自生風銀河綴網戶玉露溥高空羽觴
行無筭醻飲靡不充肅穆嘉容儀初筵逮有終
滄海不厭深華岳不厭崇努力樹明德庶以慰
我公

渡江望金山

肅舲泝洪濤掛席展奇嶃頗懷濟川人復羨臨
濠樂茲山絕地脉江海秀磅礴突起無漫延中
流自湧濶太華巨靈擘龍門神禹鑿嶮峭由代
工位置非天作仰干斗牛精俯枕川藪絡中虛

釀靈潤外觀表封略樓宇盡騫騰嵐翠紛沃若
潮音雜鐘梵人語怒蛟鱷陽侯戲其涯五采忽
乘蹕趨捷慕飛猱凌厲憐孤鶴余本水鄉士夙
負滄洲諾一丘可棲遲萬事甘零落

贈家兄履約應召

駿命無遐遺荒服有嘉招伊昔投海甸解籍辭
中朝鯢鯢遠臣慮悽悽去都謠炎州屢經復島
邑窮招搖嵐煙化衣素瘴靄拂行輶佐郡豈不
崇注心傾九霄恭承簡書召采秀備王寮承華
際日月建禮集金貂游龍無異沼巢鳳必同條

生逢軒虞后玉几正垂綃餐和酌玄鬯舞象協
英韶亮懷隨和賓入握彌光昭丹黻非所榮期
在令名勵君子岡鼎勒宵人志棲鶴長歌擁耒
耜聊以耨吾苗

宿龍江

促柱多危絃勞歌無緩調遊子倦風湍羈人苦
奔峭昨泝揚子津今宿龍江徼天高零露溥夜
迥哀鴻呴爛爛金波翻耿耿玉衡照漸瀝蒹葭
渚微茫煙水嚮川后戢澄瀾海童舒遠嘯臨深
念畏途鑑止希要妙百年何鼎鼎恐貽靜者诮

緬懷鵠夷遊側想任公釣解我樊籠後將窮山
海眺

宴徐子仁宅

金陵豪俠窟樂遊鳳凰原青門臨上路爛若朝
霞騫獻侶共行遊穿篠窺楊園神飈集珍木汎
露被芳蓀蘭池夏氣爽桂棟秋雲屯嘉花既羅
戶密蓀亦植援疏林抗北磴漱浪飛南軒粲粲
芙蓉披離離板芷繁中堂理絲桐後檻樹旌旛
初疑游龍翔忽訝驚鴻翻色授神已交禮防心
詎煩主人卿雲流標勝儻與蟠已羅西園彥復

注北海樽縱橫逸藻奮契闊佳期敦復局相錯
陳釵纓互續繙肴來乃餅盤觴至若川奔曉畏
夕月馳宵忘朝日瞰平樂諒虛侈高陽亦徒喧
縕麗安可悉商確歌此言

與王工部玄成游泛分詠橫塘

疊鼓發橫塘浮鷁在中央秋榮正靡靡暉岫復
蒼蒼遠樹藹墟落平川趨石梁江南采菱調吳
娃浣紗妝日華波的礪霞采天蒼涼魚戲縠紋
亂鳥鳴山籟長雲旗稍搖裔羽蓋亦悠揚傳卮
已側弁徙樂更調簧上客金闈彥時飄仙署香

弭節逗枉渚稅鑿蓮近疆繙繼瑤草約逍遙采
真翔臨筵奉嘉藻願比雙明璫

牛首山

終南望咸陽少室邇京洛神宇壯維藩佳氣鬱
環崿茲山何薈萃川嶺麗繡錯攢蹙亘千巖縈
纏盤萬壑星辰互翻動雷雨或解作谷候異涼
溫峯形殊今昨瑤草雪中華紅泉風外落江翻
映紝練日照輝金牒游衍多聖仙翔舞集鸞鶴
循山構累榭嵌空結菌閣飄飄曳靈幡窅窅鳴
天樂寢居槩泰清長揚亘五柞登祇警神衛

方望肅王略弱齡耽名山雅志涉丹籥招隱冀
淹留采秀憐沃若乘我上皇心排筌入玄漠

陪宴孟中丞有涯作

青鳥顧鳩斯神龍延尺璧大觀乃遺形采士及
葵藿揆予憎浮賤擔簷游死洛情同過江枳化
異入海雀謁青雲居朝寺麗綺錯肅穆棲天
人森沈響鈴索孟公中州彥逶迤象山岳逍遙
冰井臺時傳臨海作解帶沐華園開樽睇蘭薄
朝與山人期日晏褰珠箔縱橫飛爵歡下上論
文樂玄纓非蘿帶朱門豈丹壑中飲獨彷徨念

我東皇謨

上方月夜與段子子辛

棄世岳慕巖薄游君類邴賞心懽調同煙駕蕭
塵屏游衍倦平臯遐思集秋嶺頽陽隱半規纖
御曜圓景稍稍林霏交沈沈谷神靜仰攀星七
襄俯弄波千頃歌翻雲外音舞動天中影野曠
羈鴻號露下棲鶴警巖岑已嶇嶮吟嘯復孤永
疑從靈圃游燕此華胥境若枝已堪折雲裝爾
湏整遣彼弱裘情消搖任所乘

金子懋仁過宿越溪莊

卜築山水喚懷河松桂林雲卧有超思天游無
近尋歡友念孤賞撰此丘中琴萋既文瀾玄
邈亦道心憇石峯巒卷班荆息蘿陰嫋嫋夕飈
急瀰瀰秋冷寥寥平平平平平平平平平平
刈穫語北領樵薪暮色安堵諸煙合天空寂氣侵
攀翻寄真想敷素韞幽襟燃薪繼以夕羅縷窮
古今雅道

秋日

子琰與琳

動息無並歡采寂寞有交戰理來神以超物往性
可繕寢深潛山樊逃虛賞清燕高齋瞰瑤宇伏

檻散林甸庭翠集近巒天青森遠嶺廻
響鮮雲飄颻練秋容尚餘妍好鳥時遺轉萸菊
挺歲蕤楓楠被丹絢紫草聊可采綠蟻懽獨薦
庶矣日車乘彼哉魏闕戀迤邐玄月陶因書布
親串

飲顧淄川榮夫

昔掌淄川徭今耽竹林賞解龜豈年及乘日非
外獎偶會禽向心彌肆雲蘿想經始中園廬蘭
棕蔭閑敞清池過庭激紫蔓緣籬上草新抽
葫蒲菊牽宿莽差池喧鳥覆漪滑驚魚樂息矣

聊舉爵臨涯時抱杖英英白雲游纏纏鮮飈蕩
興遠集蕭晨蕡貞慙吾黨蟬蛻迹已冥鸞翔意
俱往方敦霞外交言稅區中鞅

穫稻

拙政期農扈肆樂慕歌幽鄭鋤既已揮陶車寧
憚巾耆力望卒歲息饗報升新恭承羲唐化束
髮業王民進陟寡周器退畔甘隱淪先疇在南
山蘭野錯龍鱗桑竹被廣隰葭菼夾脩津秋風
奮隴首肅氣浩無垠翔陽逝隱曜流靄蒼窮旻
惻惻無過客睢睢後時人千念攢永夜萬感興

蕭晨亮矣固窮節薄言寄松筠

過毘陵訪鄭博士于漢段郭宦子辛

吾慕鄭子真谷口揮其鋤吾希段于木偃卧梁
王都富貴如浮雲天壤相與徒擊節千古下慷慨
懷此夫聿來游名邦世折頤同符博士旣瓊
屈郎官亦鴻徂鍛翮摧九天騎驢宦三吳道存
神彌王時塞德不孤被褐握璿玉纓冠講唐虞
典文粲成篇鬱若春華敷蘭陵多美酒解取貂
裘沾舉觴望青天傲嘯丹陽湖翩翩雙白鹿倒
載長模糊寵也落魄生興在黃公廬左眄復右

挈觸目璆琳株謬忝本州役獻策金門趨野兒
志長林豈備王者驅婉變二夫子握手不忍殊
理棹待明發援筆書鬱紆

秋征二首

我行涉秋首整駕游 帝闕迅商薄陰谷有渰
興鍾山霖雨成江河四顧迷術阡潛蚪失故穴
黑岷濯重淵林木紛偃什饑獸更我前轍馬爲
悲鳴徒御皆慘顏黃鵠振羽翼盤舞自翩翩而
我獨何爲辱在泥塗間

其二

脩途錯昏晝曜靈匿朱光鳥雀夜各歸游子獨
迷方征途返隱見落落參與商前驅入谷底後
乘超山陽沮洳見虎迹詰屈驚羊腸洪流屢崩
岸欲濟無津梁徒懷千金瓠未享五饋粲娟娟
繁華子鼎食坐高堂王生驅九折臨路獨慨慷

贈袁補之計偕得北字

竹箭美江南驛空冀比蛇蠟饒靈奇之子百
夫特念爾羣伯仲高陽堪動色有珠皆駢胎有
鳳皆聯翼朗朗天骨張萋萋文錦織汪汪清渭
渟矯矯朱絲直翔飛逐後先翬采儀上國譚冠

入承明躡武跨丹闕休問隨風翔雲臺
大人聿龍興多上肆陳力驅馳功名會炳煥彝
鼎勒時哉古所崇昂子以明德揆予抱樗朽植
根鄧林側結綬期華顛夙昔剖胸臆鉉刀與一
奮躍步慚郤克獨坐揮五絃飛鴻杳何極無爾
金玉音願言長相憶

金陵遇朱子振之作

握蘭心悄勞停雲思延佇積此彌年慮居然
逆旅羈鳥懷故匹潛魚念舊侶含情諒有慕欽
賢詎無與伊人淮揚俊馬奕鷁鸞舉輝光寔映

隣意氣夙所許鶴鳴子敦余緇衣五好汝火旻
麗朝陽金氣肅闌暑雲起蒼梧陰波翻洞庭渚
及爾嬿婉辰婁風薄涼苧年芳忽已迺蟋蟀鳴
西序把袂猶鬱紆臨岐更酸楚遲爾南飛翼無
俾音塵阻

飲錢二孔周宅桂花下

嘉樹蔭團團露華白本自招搖山植君青
霞宅不意凌寒姿占此瑤墀隙高枝挂珠網卑
條敷綺席萋萋布葉陰茸茸吐花積風飄遠近
香月映盈虧魄旣集佳麗人亦招隱淪客幸承

金樽薦親勞玉腕摘歌曲出靈瓏舞袖隨寬窄
條繁每胥釵花落常點額戲羽必成雙棲禽無
單隻及此芳菲時荷君千金惜不醉且淹留看
朱已成碧

寄朱子价

我有蛟龍劍一飛淮海東大江隔雲霧精誠何
由通紫氣入斗野薄蝕星與虹神物雖異處烟
火黃中所願比翼翔絪緼播玄功惜哉時不
遇甘與蓬萊同君子挺鸞鶴小人化沙蟲志節
苟不虧尺土升喬嵩閑居覽遺編仰彼達士風

飄飄青雲端千仞安可窮茲意疇與亮思君日
憧憧

分題天竺嶺送陸給事中浚明

竺嶺挺名崿澄湖漾淪漪山川麗繡錯列觀何
參差壯哉古帝疆江海爲湯池昇平盛歌舞雜
還水陸嬉使君建華旆輕輦乘風移采士盡瓊
寶竭澤靡所遺載覽東南秀發壤多靈奇迺知
大藩地文獻疇與夷

宿京口

三雄昔龍鬪江介表吳京長沙孤童奮大帝鼎

足擣築城鐵礮嶮選士鬢胡纓強弩臨江守先
鋒誇漢爭石頭踞哮虎北固吞長鯨壯哉山河
麗樹羽摩太遠崩騰魏晉事周折理亂情寧知
樗蒲人嘯咤風雲生赤手扶紫極朱旗掃攬捨
陰符草間讀鑿劙腰頭鳴時來雄圖騁地古霸
氣橫宵征睇壁壘灑淚悲豪英金湯有遺構袞
舄無常榮彈鋏歌此曲月落天旋衡

杜氏桂子讌

江南本佳麗列邸復華滋陽林氣候暖秋木散
柔荑飄飄揚清芬分彼月殿枝上枝鳴好鳥下

枝拂華池飛英泛羽觴行座雙逶迤嘉肴充貞
方玉鱠饌尊絲朱方出皇柚大谷進名梨主獻
屢磬折賓酬亦佩垂論文悵日晏度曲窺雲遲
傾賢自靡已我懷如渴飢眷言今日驩千秋以
爲期

計偕別友生作

伊昔家江南少小漁數澤酣歌吳門市經過避
仇客提攜弄笠篋日宴十以夕此歡殊未央百
歲期浪迹頗懷箕濮情疎宕王霸畫顧非偶世
姿州里見推擇改服冕胡纓首路千里適銜愁

辭密親撫劍涕洟廣陌踟蹰生平愛離思崇朝積
樂爾同林羽彌傷孤逝翻夏首期來旋東臯刈
蕡麥

登焦山作

農山興孔志疆臺試荆遊憑高易以愴樂勝令
人憂挂席渢湍險振衣陟浮丘威紆隱百疊澎湃
經四周江形繞成帶海氣隣爲樓天吳几下
舞若木窓中抽遙窮島夷界近覽東南阪荑英
冒芳甸春色藹神州凱風嘯晨鵠青陽喧渚鷗
雲類魚鱗集潮湧桃花流隱淪旣已逝偓佺亦

空求恨恨千古心忽忽百歲道願垂任公釣聊

謝張衡愁

寓興隆精舍作

夸士崇朝闕靜者依山樊榮寂各戰勝流止非
同源夙懷蘊真趣林臯探化元薄游儲胥觀假
息旆檀園清陰匝夏屋幽響激襦軒閑階獨鳥
下爭院疎花翻玄津爲解渴碧條可辭煩朝餐
雲霞色夕諷楞伽言焚香振寶鐸作禮揚華幡
道存豈累物神遠自遺喧寄語中林子賞心誰
與談

秘省召試作

予真屏巖石曼情狎金扉拘方道未廣處順天
何違曰余少支漫叢集曲士譏雕蟲竊自醜大
雅謂可睇玄珠冀象罔敝帝寧是非浩蕩江海
間胡復解天飛雲羅匝四際不以珊瑚微踉蹌
入鼎門仰睇日月旂中墀溢朱組列從森綴衣
神靈邁軒空下采蓋葑菲醯鷄游甕盎豈識衡
與璣湯湯流辟雍翔泳荷所依方愧綠水薦還
反滄浪磯

郊遊與諸公作

洛中曲水讌西京玄灞遊由來盛簪纓
皇州紫掖鳴珂散青郊結伴投三三
驛玉勒兩方華輶地擬河陽谷池穿太液
流金張雲母憮許史鳳凰樓細柳全遮
埒新荷欲礙舟厭逐豐招飲還從卓錫
遊雲峰猶辨夏鈴語似鳴秋梵樂紅樓奏天香紺殿浮賓疑馭風至思
以采珠求名理山陽勝談天稷下道所嗟江海客躡
躅且淹留

海印寺閣眺

茫茫平陸野鎮以醫無間東臨指樂浪西亘接

召餘異土昔塵沸兵戎屢紛拏三后寶玉徙千
載山河虛天旋晷緯應地拱海岳舒萬軌肅王
會百雉壯宸居蒼龍翔玉闕玄武伏金渠絳氣
薄浮景青氣銷故墟祥飈協律奏卿雲太史書
飛游已寥廓周覽亦威紓我行睇神寓兼得陵
浮屠且窮上國勝歸荷南山鋤

西苑

翠鳳翔文囿黃龍戲禹舟乘雲暢 皇覽御氣
警宸游上聖豈蓄軫玄功惟委裘青霞冠玉嶠
碧海溢金溝東出祈年館西望五城樓虹梁像

漢徙芝蓋儼星浮帝女呈機石天童堅采於
魚五色現琪樹萬年稠竹殿廻鸞駐椒庭降輦
留圜形圖貝字方折寫瑤流望幸傾三島時巡
聳十洲流觴洛水日張樂洞庭秋不及天池鴈
年年奉藻旒

贈何太華納言許少華太僕

二華表秦望仙掌振河津下屬帶嶧阻上干薄
金旻已奠黃帝鼎亦棲玉女益發祉篤皇輔
孕靈開異人何子如虬龍矯矯孰能馴時來吐
風雲意若無崑崙許子瑞世珍玉纏金麒麟摛

藻麗春葩抗節屬秋筠彈冠際景運珥筆服王
臣即事事齊軌爲德德並隣婉變承明闈容與
呈王墳晨風翻北阜感物戀所欽纏牽旣取累
千里不及塵斂無握手中璧何以遺嘉賓

贈鄼吏部子京

媯后握璣玉夔龍集天階黃軒受魚圖吹律鳳
凰來風雲迺玄感天人由化裁鄼子穆以夷熙
若春登臺璀璨中所涵琭琭皆瓊瑰揚暉及當
年明兩燭天開出入平津邸雲冠切崔嵬洗沐
晏郊園蘭逕羅蒼苔澄陂旣難萍惠風亦遺埃

寒余困微禽無用充海淮將墮桂水遠安生懷

古意三首

軒騰鬪雞客妖麗賣珠兒瑣弓玉貝劍綠幘繡
紋綦昨戲千金堰今遊鴈鷺陂蹀躞桃花馬爭
轡溢中道半醉上河梁紫燕若驚飛西望甘泉
宮落日映采恩青雲連甲第熊虎畫門楣少婦
理鳴瑟哀響拂重幃歡樂未渠央伏檻臨曲池
却笑衛霍貴論功沙漠垂

其二

幽并游俠子本自重橫行被蒙龍顏顧知
命輕居庸一以眺千里黃雲生朝授龍驤
摶休屠營星飛湛盧劍風怒招搖旌鳥翼舒還
卷魚麗縱復橫叱咤陰山動崩奔瀚海驚一矢
天狼滅再矢旄頭傾銘功金作字奏凱馬垂纓
意氣中朝羨賓從一時盈子雲殊未達方俟太
玄成

其三

主父朝上書多召甘泉宮公孫蕡東海欵起好
旋蓬王猛三秦豪賣畚洛城東馬周起徒牛驥

首飄鬚公達人貴憑化一蛇而一龍碌碌不
玉落落非石同老氏得其真善應入無窮長嘯
出鼎門高步躡華嵩儻遇王子喬携手入雲中

贈張山人子言

梅生隱吳市班子遯西京閉關抱霞想解梏恣
天行龍潛即人境道存豈華名之子巖壑秀浪
迹長安城作賦擬左思慢世類長卿雲裝時獨
往煙駕屢遐征華山看對奕縵嶺聽吹笙握髓
浥飄溜餐霞屑璠英高藻漱文瀾素風飄蘿纓
詩歌泌水樂爻值幽人貞雜珮欲有問七襄媿

無成

酬別許太僕東侯

嘗聞道士說夙慕餐霞侶終朝采芝秀不盈筐
與管窺洞企丹經披雲遲靈圉惝恍二十年婆
娑未輕舉躅爾嬰世羈公牒驚千里瑤光正紫
甸神寶燭蘭時峩峩通天臺粲粲當塗子蓬首
廁玄纓鷦衣篷珠履麋性良已驚雲情獨何取
朗然達世哲祕寶琢璜瑀大隱銅龍門冥心紫
霄羽爵以名教崇道由虛無主拂軫欣調同披
領覺塵洗余往諧山林子留限旌藜別促魂周

章途垂思迢遞何以喻悲懷荼苦猶如莽

出京獻家兄履約

首夏謁承明季月旋舊疆晨發警徒御嘶悲登
河梁引領望宮闈中天麗瑤光羣龍儼齊轡驂
駕北斗傍小徑愚在野大來賢者昌明明握玄
鑒物理固其常念與親愛辭痛結迴中腸奈何
同巢鳥不得雙翹翔羽翼旣差池眷彼東路長
別時思鬱紆別後魂飛揚濁河激湍險日夜流
湯湯終風暴且曠臨川念垂堂逝者日以遠止
者日以望迢遙千里餘河山兩茫茫僕若諧素

心歲晚南山陽歸當擁吾鋤爲樹杞與桑

臨淄行

臺灣民主國圖書館 NATIONAL CENTRAL LIBRARY, TAIWAN, R.O.C.
虛危下流精采沂迺東峙樂謝爽鳩墟劖崇太
公履山河控十二海岱錯表裏亡人忽龍翔繫
囚遂鵠起名垂天壤俱世徃陵谷徙談餘鄒衍
風節慕魯連耻市藏陶朱俠路曜姬妻子喧闐
鬪鷄道烏奕鳴鐘里雄豪八方湊聲利三川擬
寶瑟發東謳流黃纖文綺大澤饒葦蒲濁河足
鱠鮪欲歌決決風請自臨淄始

庚寅七月一日道中作

昔往日遲遲今來露瀼瀼金風警素節火晏謝
朱光蓄鵠離海渚白雲翔帝鄉我行倏俛仰逝
節燠以涼常恐歲月晚彌嗟蘭蕙芳志士惜年
駛征夫怨路長攢集千念端廻轉一日腸遡流
觸湍怒弭棹遵河防臨川誦宣尼避雨景文王
遭廻不得進坐使鬢髮蒼東山悲不歸蟋蟀戒
無荒勞歌哀以促君子慕周行

晚步行春橋

瀰瀰泛星渚翩翩躚虹橋青山正落日霞采散
層霄天吳靜不發廣川無纖颺蒼林起長煙千

丈暴雨納紫翠杳無端姿態敘使超忘一酒也
吐北渚荷香飄禪室隱森薈湧塔翔雌嶺森然
睨天術鸞鶴紛相邀寢燎屏中園煩心劇旆搖
茲辰散輕策萬象同逍遙了得養生理長歌白
雲謠

登伏龍岡

千金誠垂臺一毫狎喜向人命豈不寶重輕乃
殊操蹇予抱宿疴次歲笄程向清秋志覽眺躋
阜舒鬱陶霞嶺沓繡莖風雲漢之濤山川列吳
衛南紀信滔滔陽林未墮寒雲未被亭臯鮮飈

拂迥泛輕雲薄空飄目窮天際
飄飄曳蘿帶楚楚塞荷抱嵐靄翠欲滴光爛手
可挑我黍粲我田下澤種腴膏維茲雨暘若臥
耕真罕遭山農式歌舞披草自盤教優游聊卒
歲永與鹿麋曹

文袁諸子夜宴山齋作

野墅足秋爽書齋依灌林共來山水地了得羲
皇心紫蘭散幽馥丹桂敷夕陰鳴臯鶴愈廣抱
葉蟬無音微雨集荷響疎風引松吟蒼煙暮朴
岫玄靄沉河參翩翩羽卮匝粲粲華詞森江海

散鶯鶯階除橫古今願紆塵外軫屢會丘中琴

李原承兄弟至

風灑北窓蕉筍簾波文綠白雲映遙天千片空
鳴玉躡躡松欲舞楚楚藤如束山空鳥言靜雨
沃苔錦縕楓楠翠猶藹茵苜紅相續秋晶晃秀
林霽色澄遠綠主人亦何事瑤琴奏幽曲意得
在高深理遺齊榮辱棲遲一丘中廻薄天地足
晚與靜者期開樽命醞醞

月夜與補之子任日宣登閭門城樓
列雉森海甸麗旣屹中天山川振襟帶方位周

幅員華月鏡千里覽見東南偏蒼蒼寶玉氣靄
靄都虛煙霸跡幾興伏徂運悲逝川惜哉萬夫
雄隨彼往遷唯有烏棲曲哀怨至今傳

王子履吉病起家兄弟往越溪莊相看

袁袞

南湖新水綠仲月夭桃落輕舟焉所如有客
臥山郭憂虞曠故歡言笑諧今諾憐君體虛
羸况苦煩痾作茲晨喜無恙共此花下酌園
桑已抽條徑竹初含籜溪清數游鱗塲廣觀
舞鶴舒散鬱抱開佳賓勝良藥蠶稼勿苦辛

文史可娛樂願保金石軀時來慰寂寞

養疴山莊袁氏伯仲過訪永之有作奉

次一首

垂簾閟神馳馮几觀花落養疴十中林移擎棲
近郭久違西園譙亦乖北山諾是時春向暮傾
家事田作歡友欵柴扉榦榦携茗酌野服初製
荷山冠始裁繩憐君佳伯仲翩翩集鸞鶴對此
群玉林餌我萬金藥已諧伐木期更賞臨濠樂
願君敦久要古道今寂寞

越溪莊畜有四鶴作四鶴篇

山人挾四鶴來自滄溟喂丹頂爛璀璨羽衣風
毬毮奇形應圖相靈化乃仙胎月林同晃曜雪
壑更徘徊托巢本玄圃飛響聞瑤臺玉轡神仙
騎金籠鸞鳳媒嘗傾吳市舞曾駕衛軒來雷鼓
雙飛出遼陽千載回蹇予浮海志愧爾凌雲材
偶集南澗沚回翳北山萊夜宿松龕共朝遊竹
嶼陪鏗鏘九臯和掩抑孤琴哀我願駕此鳥三
清朝上台冠將星斗綴衣以虹蜺裁肅肅紫宮
啓峩峩闔闔開雨師遙灑道風伯爲澄埃王喬
鳥影至羸女簫聲催始識鈞天樂還泛瑤池杯

寧效逃名子林間方鑿坯

寺門望虞山

禪門吐雲氣前與虞山通大海蒸巨壑煙嵐日
籠葱蓮花挺秀壁繡障羅高空飛泉四時雨福
地千年宮蛟蜃時出沒青天乍舒虹是節屬夏
首灌木敷丰茸鶯啼紫巖曲鹿驚青林中薰風
蕩蘿茑沃雨鮮篁叢蹇予抱沉瘵未得窺靈瓏
還期覽日出夜半千崖紅

四月八日

釋迦產西海李耳降東周聖人闡宗教吹萬羣

生休傳言佛誕日供養溥十洲白雀古道裏
載闕神丘左抱虞山陽右枕滄海流大士見毫
光青霄樹旌旗鱗翰總躋舞人靈聿飯投日月
經網戶雲霞粲朱樓建此靈山會浩蕩人天游
我師拂淨水廣陌香塵浮普施一切衆士女填
道周而我抱沉瘵龍堂願精修津梁儻有悟永
作逍遙遊

憶故園作

山空鳥聲樂日晏病客眠颸憇白雀院輟耕石
湖田遙相蠶事作桑者日閑閑綠竹粉猶膩紅
櫻爛欲然游僊詠綠水戴勝鳴高天飛絮乘風
颺新荷貼水圓故園風日好嘆息此芳年

臺灣國家圖書館 NATIONAL CENTRAL LIBRARY, TAIWAN, R.O.C.

雅宜山人集卷二

雅宜山人集二冊

臺灣國家圖書館, NATIONAL CENTRAL LIBRARY, TAIWAN. R.O.C.



雅宜山人集卷三

明吳郡王 寵 撰

七言古詩

一

正德稿

陽春詞

春到江南春可憐東郊西郭得春先初飛蛱蝶
猶疑夢忽見梅花各問年鶲鷀洲邊芳草積鳳
凰樓下百花然王孫拾翠爭相問美女尋春總
獻妍千金買得飛龍馬八寶裝成軟玉鞭啼鳥
亂羣還自對游絲爭繞暗相牽勾吳樓閣如天
上別有紅妝笑相向雲屏珠箔正昭回錦樹矯

臺灣國家圖書館 NATIONAL CENTRAL LIBRARY, TAIWAN, R.O.C.

花次第開傾國能誘神女賦凌雲還有茂陵才
欲移角枕絃綃帳先挂冠纓翡翠釵春色年年
歸有期勸君須惜少年時春去春來人不見花
開花落日相思昨日朱顏渾似玉今朝白髮已
如絲年年暗受傷春病不與楊花燕子知

九日過唐伯虎飲贈歌

唐君磊落天下無高才自與常人殊騰驤萬里
真龍駒黃金如山不敢沽秋風日落嘶長途我
亦垂眉下帝都終軍錯棄咸陽繡鯨鯢失水鱗
甲枯仰天擊劍歌烏烏男兒落魄日月徂相與

把臂揮金壺滿室賓客照珊瑚江東落落偉丈
夫千年稽阮不可呼後來豪飲非吾徒氣酣爭
博吐梟盧四座飛觴傾五湖人生長若今日娛
何用錢刀衣紫朱坐茵未煖行已晡得不取樂
窮須臾君不見少陵不保千金軀醉後子細看
茱萸

觀李太白像

秋月出海珊瑚明舉眼忽見太白精雲光錯落
照顏色草堂拂拭蛟龍驚修眉玉頰桃李春亂
鬚如戟眞天人屋梁落月想像真彷彿猶得交

其神我聞王孫帝子皆如龍天然不與凡骨同
江湖落魄黃金盡昂霄吐氣成飛虹蓬萊閨苑
在掌上長覺兩腋生清風天子不能屈四海不
足容飄飄九華山自有青芙蓉獨留神采照天
地令人萬古如相逢

題文丈衡山所藏趙子昂畫馬圖

神馬來從渥洼窟王孫貌得真龍骨天池洗出
霹靂聲恍惚似與蛟龍爭奚官廝養不敢近騰
驥蹀踏久乃定朱衣輕拂照紫雲五花隱起生
龍文黃帕高封碧玉鞍紫絲未挂千金勒九重

一笑獨當御天閑萬馬無顏色我聞漢武驥龍
媒又聞唐家師子花常思此物在天上何乃匹
素開風沙驛驛自是萬里足豈應流落天之涯
嗚呼天地變化寧雲霧晦冥吾知此馬之爲龍
兮終當飛入於滄溟

寄贈顧懋涵

少年落魄無所成碧山猿鶴聊藏名舉世於我
如浮雲喜君意氣偏相傾雄姿逸態江東英秋
水照曜珊瑚明胸藏萬卷禮樂窟筆倒三峽詞
華驚君家世擅文章伯海內長句推李白驛驅

驥耳不虛種龍駒騰騰汗溝赤楚天直謁蒼梧
帝梁園笑傲鄒枚客紅顏白面纔二十江海蒼
茫久蹤跡徂今門對長江開讀書遙住鳳凰臺
五湖舊業生青苔胡不長歌歸去來

石湖中流酌酒酣暢

總道金門隱方朔何如東山臥謝安青雲萬里
絕鳥道凌兢側足千峰攢饑蛟磨牙走其下飛
蛇接翼相勾盤平生蕭散不經事清湖縱酒哀
絲彈羅屏合沓出煙霧金鏡滉漾生波瀾孤洲
斷岸疑畫出裝葉荷花俱已殘百觴自善鶴怨

舞九月不柰貂裘寒丈夫未用頗適意長房自
愛壺中寬君不見翠華搖搖滄海西長揚羽獵
鬪旌旗子雲學獻河東賦正是君平賣卜時

都下苦得佳餚彭進士寅甫夢啖特異
明日三江毛學士出講筵所賜設客寅
甫徵夢賦詩邀予和焉

秋風初入蒲萄宮天池秀出雙芙蓉玉雪爲根
下鋪錦清波百尺窺瓊瑤死人跪獻列時品玉
箸光戛金盤中至尊愛坐石渠閣阜夔退食
常從容御厨絲絰走中使一體厭飫君臣同長

卿奏賦頻消渴夢得江南藕堪折三年困頓京
洛塵一夜快嚼陰山雪翛然落筆潤肺肝五色
雲霞吐奇絕竭來示我目睛亂野人迹賤中徒
熱何時高議金馬門待君一鼓張儀舌

酒酣贈王仲回歌

斗牛之墟真陸海河伯獻寶朝元宰珊瑚火齊
光燭天百年吐翕精靈在仲回突出尤崛奇著
書擬學樊宗師殷盤姬詰洞五內灝灝噩噩塞
陸離閬風浮游拾瑤草赤水罔象搜玄珠人文
浩蕩踵今古日月環行江海紓我今濩落抱鉛

繫羨爾快研生蛟螭酒酣瞠目兀相向軋端坤
倪忱摩盪荆蠻洛照孤懷壯揚眉擊劍歌聲上
泰階奕奕壯三象石渠虎觀排銀牕萬里風雲
欵俯仰如君豈得終踈放

七言古詩二

嘉靖稿

七夕戲作白紵詞二首

舞衣初裁如白雲滿堂香氣吹氤氳游龍驚燕
迴不羣朱顏微酡酒半醺銀箏促柱斜斜分鸞
吟鳳語未始聞秋風蕭蕭水沄沄玉杯澹瀉青
霞文餘光翻映桃花裙高陽酒客心如焚瑤釵

桂縷日欲曛
邯鄲才人何足云

其二

雙旗欲度河
熒熒長空萬里倒列星
玉簫聲斷
錦瑟停七襄
宛轉雲冥冥
美人飄颻翔紫庭中
宵露坐羅圍
屏舉觴屬君君試聽
願爲枝上雙鶴鵠
當筵一笑千黃金
高堂燭滅風不寧
衆賓已醉淳于醒
今夕何夕諧百靈

伍疇中所藏畫山水歌

伍侯愛畫有奇癖
驅走江山入胸鬲
堂上遙飛禹穴雲
空中欲墮芙蓉壁
遺縑斷紙總神妙
粉

墨蕭騷見標格
此圖盈咫新得之下筆依稀宋

人迹老檜如蛟
纵起舞洪波噴箭
何崩迫天寒野陰
風怒號萬里不動
黃雲高蓮花之峰却倒
立龍門積石如秋毫
馮夷獻寶出紫貝
金人捧劍纏蒼綠
俟也卽今驚仙鷁
燕趙茫茫濁河隔
月窟長流太白精
落星或化支機石
此圖母乃鬼神忌
元氣晶光蕩相射
嗟予潦倒甘藪澤
手持珊瑚調鮫客
他時儻憶滄浪吟
蓬萊應見安期舄

病起對鏡作

期舄

閉戶十日病骨僵干龜髮燥面白蒼朱顏綠鬚不相待俯仰天地爲淒涼男兒勲業竟何在鏡中摸索求亡羊古來相馬失之瘦龍文虎脊空騰驤憶昨結客少年場呼鷹走狗勢陸梁金盤賭酒爭五白銀燭嬌歌彈陌桑謂言富貴垂手取吹毛插翼森開張十年獻賦不得意貂裘寶玦無晶光平生酒徒漸零落羞澁陰符垂虎囊學書無成學劍晚歧路側足心周章百年米炭滿懷抱萬里鴻鵠方翱翔明朝散髮武陵去夾岸桃花烟水長

方巖歌

臺灣國家圖書館 NATIONAL CENTRAL LIBRARY, TAIWAN, R.O.C.

武夷山高高入天南斗錯落迴星躔聯峰沓嶂總峯萃海門半界華夷嶺方巖特出羣山前金屏九疊銀漢邊絕壁橫開甲乙帳天池倒映芙蓉園靈芝煌煌餌白鹿古卉裊裊啼清猿虹蜺翕翕維蜃氣雷雨搏激滌中原地靈人傑理則有郭侯昂昂氣衝斗牛纔三十參列宿金印蟠螭繫之肘長洲逶迤古會稽百里清風扇江右驥足猶淹龐統才駿刀已露庖丁手當時自是巖下人素心久與煙霞親東山一出落塵網天

閑紫廡銀麒麟北窓宛在烏皮几古洞猶挂蓮
花巾時時夢度三山月丹崖石柱遙明滅巖中
之仙笑相招整頓六合須英髦又夫勲業貴不
朽雲臺叢薛摩天高相逢未可談巢許解佩還
應贈寶刀

五憶歌有序

丙戌病暑城居如甕伏枕書空游神六
合戲作五憶之歌以解煩蒸亦猶執熟
者之思灌平

我所憶兮匡廬泉飛空直下吞爐巔銀河爲源

彭蠡委萬古滕沸東南天左濼右射五老却塞
裳濡足愁攀緣厓傾石走霹靂鬪枯藤怪對虬
龍懸丹青洗出屏風疊跳珠濺玉聲鏘然誰能
置我巖石間仰面落雪水底眠酒酣戲作五里
霧山精嘯雨空中旋嗚呼我歌兮歌始放九江

茫茫日在望

其二

我所憶兮泰山松秦皇避雨駐六龍根如鐵石
皮青銅千秋萬歲枝蒙茸瞳瞳挂日扶桑小隱
隱參天翠黛濃鸞雛鳳敷不知數和鳴下上如

笙鏞潮聲直與東海應絕頂正見蓬萊峰金膏
玉液散入地茯苓芝草生隆冬采而食之可不
死雲車何日來相從嗚呼我歌兮歌正長黃河
日暮流湯湯

其三

我所憶兮峨嵋雪六月陰崖凍欲裂仙人赤腳
翠巖行鶴氅飄飄玉光潔迴飈吹散五溪去落
絮飛花滿城闕滴博蓬婆西海頭陰風慘澹旌
竿折萬里黃雲凝不流層冰皓皓冬夏結我思
仗劍游其巔石棧天梯殊斗絕六龍迴日不敢

過寒光涼冽千丈鐵嗚呼我歌兮歌益豪太白
不動金天高

其四

我所憶兮渭川竹大澤深山千畝綠氤氳上接
函關雲離奇錯峙藍田玉翠鳳歲蕤振其羽蒼
龍天矯羣相逐哀聲陰森白日寒長林高下青
山矗野老都迷釣玉溪山人失却王官谷石上
蟲書繡古苔空中匹練懸飛瀑安得清狂似子
猷挾策西行騎兩鹿嗚呼我歌兮歌且舞長袖
褊襟隘環堵

其五

我所憶兮黃鶴樓瀟湘洞庭生素秋登高決皆
極萬里烈風震蕩無時休九疑連綿似屏障白
日曛慘蒼雲愁東攀若木枝龍從西望雪嶺寒
颼颼朱簾繡柱九天上倒影却射滄江流仙人
坐弄紫玉笛往往飛花鸚鵡洲青蓮居士莫搥
碎便須縱飲成糟丘嗚呼我歌兮歌愈急鴻鵠
冥冥楚天碧

詩人題少卿上海董公

上卿磊落當代儒學當時龍蹕九衢峩冠鳴玉

德之隅法從侃侃臯陶謨抗聲槐棘握帝樞
翻然逸興懷江湖歸來散髮林壑徒彈棋握槊
歲月徂詩篇散落錦繡鋪放懷傲睨天壤俱王
喬美門行可呼相期汗漫千春娛

天駟行送襄博士赴召

天駟奕奕北斗傍元精變化爲乘黃人間豈合
有龍種玉勒金羈須帝鄉先生自是人中龍蘭
筋權奇方兩瞳三年薄宦飽苜蓿已見千里霜
蹄空絳帷蕭颯青矰冷長纓飄颻曳方領安定
能移吳下風賈生漫汲長沙井宮中聖人常

仄半羣公推轂時相和玉詔頻煩勑使傳金鑾
舞蹈稱觴賀萬里青霄一日騰三台入座從此
升關西夫子終扶漢莫使前賢專美稱

徐將軍第牡丹障子歌

長安甲第如雲起千門萬戶煙花裏玉砌朝朝
拆錦叢碧窓夜夜添珠蘂中有名花出上林不
數姚黃與魏紫赤日蒸成海嶠霞香雲亂颺秦
淮水濃妝淡掃各不同腰支朵朵如游龍似向
沉香亭北見遙疑姑射嶺頭逢狂蜂游蝶都雙
隊舊恨新情劇萬重公子王孫解惜春祇愁豔

骨隨風塵生絹畫出窮殊態總是當時絕世人
風神已寄丹青外筆法難將形似論橫斜向背
意自得暗想夫光錦屏側紅燭高懸舞袖翻銀
箏促柱歌聲急張顛草聖應露頂淳于先生可
一石不嫌狂客吐車茵花時來醉長干陌

可泉歌贈胡府君

秦中自昔稱陸海太乙終南鎮常在飛泉僅出
卦爻山千古靈源鑿真宰狀流直與河洛通龜
龍蟠結巢其中圖書已出更渟蓄日月相盪空
冥濛英靈特降天水公文章五色今詞宗深山

大澤得銀甕明堂法座懸金鑄起家東觀致身
早承恩獨視明光草翠金傳彝出尚方銀鞍覆
帕分天阜歲星浮沉紫微側宦游隨意天南北
三峽秋濤楓樹林五湖春水桃花色與酣落筆
龍蛇走藻翰江山氣衝斗風采遙凌白傅前循
良豈在文翁後平生久與泉石隣朱圉鳥鼠相
躋峋飛流濺瀑時入夢清風颯颯吹綸巾重爲
歌曰泉兮泉兮清可以濯纓濁可以灌園繁廻
却抱碧山蘆浩蕩疑接天河源佇看霖雨遍六
合此泉將與蟠谿渭水終乾坤

楞伽精舍同宿東橋顧丈贈歌

臺灣國家圖書館

NATIONAL CENTRAL LIBRARY, TAIWAN R.O.C.

千將鎧鄧世罕得虹光熒熒日月側騰躍萬里
浮雲空秋水鵠膏淨如拭天生奇器貴斬斷神
龍變化瞬兩翼丈人胡爲臥空谷白飯黃精鍊
顏色憶昨朝帝蓬萊官豸冠繡斧超拜崇太
行以北黃河東十郡負弩旌旗紅男兒建節控
全晉崤陵白日生雷風挂冠却出金馬門奏書
承明辭至尊鹿車手挽載籍公卿觀者如雲
屯人生一龍還一蛇邵平歸種青門瓜祗今對
宿東山下寧知豹蠹摩高牙寵也江湖隱淪客

窮途骯髒俗眼白乞鉢長依蘭若林吹竽恥入
王侯宅中宵獨識少微星百年喜遇文章伯功
名富貴亦何有鴻鵠冥冥薄南斗丈人不惜解
金龜明朝還醉山中酒

楞伽山夜同何吳二子掃雪烹茗作

楞伽一夜三尺雪疾風湧洞茶磨裂五湖粘天
凝不流虎豹咆哮萬木折短衣蠟屐荷長帚絕
壁巉巖力抖擞支撑桃竹杖兩莖快斲藍田玉
數斗何吳二子皆好奇山僧顛倒袈裟披十步
回頭五步叫複磴縣崖相把持歸來急試煮玉

法夜半紅爐炙天熱中冷惠麓浪得名金液瓊
漿果竒絕稽康自是餐霞人管城食肉骨相屯
且須痛飲盡七盃鍾鼎山林安足論

池州章汝愚家九華山之陽邇來游學
吳中盛談峰巒之勝慨然長懷作九華

山歌

平生寤寐九華山不謂今逢九華客上談絕嶂
下瀑泉已覺風雲生兩腋蓮花之峰九十九江
海爲池插天碧合沓千里連荆吳嶙峋四面開
旌戟神光絕頂最上頭傳是金仙此脫骨至今

白日虹霓生青天倒映五色石飛流挂礀不知
數雷聲霹靂蛟龍格散作銀河下五谿東走長
江西七澤六月陰崖雪不消三冬琪樹花猶白
齋房乞鉢饌紫芝古洞朝元奠瑤席笙鶴嘈嘈
空外音鹿麋隊隊雲中跡嗟乎濩落無所成狂
心時夢升天行名山或有異人遇跪受寶訣求
長生浮名詡詡何足戀斤鸚鵡躍蒼蠅鳴青鞋
布鞶已結束桃竹胡藤相柱檣遨遊五嶽從此
始他日寧慙向子平

午谷山人歌贈周別駕

終南太乙開咸京丹崖繡壁如削成白谷橫通
子午道黃河吐洩金天晶高垂鐵鑠狹鳥窄倒
插屏障蓮花傾青林漠漠山鬼嘯紫雲隊隊仙
人行中有太古巢居人披霞散髮攜道經時窺
古洞獲竹簡獨荷長鎌斲茯苓形骸骯髒雜土
木胸次錯落羅底星邇來強起爲赤子飄然乘
霓朝帝庭會稽山水聊佐郡騎驢高嚦窺東
溟壯游欲躡子長跡探古快讀秦皇銘當時巖
壑依然在芝草琅玕幾樹青興酣吃望長西北
眼中簸蕩涇水碧皇子波邊落日明藍田關外

秦雲白谷口子真謾招隱清廟明堂須柱石他
日功成更拂衣相邀福地燒金液

漢東太守行送沈師感齋先生

漢東太守青瑣賢手持三尺玉案前臯陶筆削
蕭相律王法象魏江河懸邇來外補出斬汚蒼
蠅飛飛羣刺天量移自是天子聖盤錯彌彰利
器堅汝鄧山川接鄖郢隨州百里桑麻境落日
中原士馬間青天粉蝶旌旗整丈夫腰笏領方
州朱旛皂蓋迎新侯長卿昔日行吟處乳燕飛
花喧郡樓漢東小兒齊拍手使君下車家瀝酒

五馬騎嘶不動塵神龍蟠結聊回首卽今臺閣
羅英髦蕭生雅志歸本朝天球銀甕豈虛擲佢
見明公登九霄

臺灣國家圖書館 NATIONAL CENTRAL LIBRARY, TAIWAN, R.O.C.

月夜臥湖梁之上詠蘇長公赤壁賦諸
子和而歌之樂也魯人適致白魚乃遂
觴于松下而賦是詩

長公胸中足碨礧橫歷江山發長慨一時感遇
迹已陳千年古月今猶在古月今人代不同欵
忽浮雲日千態我曹高臥石湖梁身窮赤壁江
流長長公不死倏來往風馬雲車游帝鄉琅然

夜詠窈窕曲驚起沙上雙鴛鴦四山草木謂毛
竦星河爲之久低昂絃人無聲老皎泣水百金
躍蝦蟆光氣酣風急月正午便須一飲傾千觴
白魚出水如人長鸞刀飛割猶強強三五五
坐松下翛然落雪陰山涼古來賢達皆如此何
必山林減朝市嵇康不厭黃公壚生放誕高
陽里人生有身貴自適枉向侯門躡珠履君不
見夫差宮勾踐壘狐兔紛紛嘯山鬼

上方觀月出歌

南州溽暑醉不醒思臥倒景窺滄溟葛裙兩髻

跨白鹿直上東山行翠屏翠屏迢迢幾百尺一幅平湖月東出驅龍弄珠吐復吞橫抹萬里玄雲屯劃然一躍忽千仞青天掃盪縣金盆巖鳴谷應海水涌星河射人森欲動翠旗金支交蕩摩貝闕銀宮光湧洞茫茫塵世愁我心便欲脫却蜩蟬形蓬萊方丈在何許駿鸞馭鶴多仙靈四筵賓客爲起舞爾衡特善漁陽鼓人生反覆何足憑龍或爲蛇鼠變虎清風明月鎮常在山川似與人相待勸君滿飲吸金波河橫月落柰君何

題陳道復谿山障子

天台秀出鴈宕峰削壁飛泉如白龍跳珠散落
四時雨復蓋反走千尋松陰崕複洞絕地脉明
湖玉鏡開天容山深或聞虎兜鬪日落但有漁
樵逢陳郎不減阮嗣宗雲霓蟠曲蟠其胸黃公
廬頭枕麌臥蹶起掃出金芙蓉高山流水有深
意却思荷蕡還山農

送祝大參遙緒之嶺南

銚歌鼓吹發吳門玉節牙旗殷輜藩總道旬宣
光乃命更傳文采出仙垣仙垣昔日徊翔地鳳

輦宸游簪筆侍嶺南爭識歲星臣海外驚看
玉皇吏尉陀城上望神京祇見台階北斗橫桄
榔樹暗玄猿挂荔子花深翡翠鳴丈夫黑髮擁
朱輪出入明啟報主身慚余偃臥滄江上老
作明時樗散人

流螢篇

熠熠流螢度草堂耿耿銀河秋夜長繁廻拂棟
光難定窈窕穿花燄更藏山人書劍黯生塵憔
悴年來白髮新枉將艷采投虛寂却似餘輝借
比鄰流螢流螢殊可憐琉璃甲帳水晶簾映看

寶曆半金笑照看蛾眉百倍妍合德宮昭陽殿
天人親揀桃花扇幾廻邀得九重歡鳳輦淹留
傳夕箭今日胡爲溪水頭風篁烟柳共新秋不
歸天上瓊樓隊却伴山中病客愁

去年此日

去年此日雞籠山臥病禪林長掩關今年此日
越溪上窈窕銀塘楊柳灣負劍行遊多苦辛何
如只作灌園人東巖桂發露華白比渚荷翻秋
色新秋色盈盈動秋水一片琉璃澄見底雙雙
鷓鴣隱蘆洲隊隊僊魚戲蘭沚復有秋山千疊

青穿簾靈巖羅盡屏繚繞如圍謝公墅虛無遙
對楊雲亭少年枉汎洛京塵費盡黃金季子貧
乃知窮達皆由命負却山莊蘿薜春

送李別駕之楚雄

含香久列尚書署按節俄題別駕輿江左提封
吳子國滇南夷落楚人墟兩地山川踰萬里玉
壁巉巖天外起王陽叱馭輕羊腸諸葛懸軍渡
瀘水王臣出入總賢勞腰間寶劍纏蒼絲紅旌
問俗蠻溪繞翠幘行春瘴嶺高齊雲樓下促離
觴絃管聲中別恨長佇看西南傳異績早囊飛

奏入明光

雲間何元朗暨其弟叔昆過訪山中作

雲間二何豈易得鳳毛鸞翮輝五色少年已驟
曹劉場建安風骨森開張昨來臥病長千里東
吳顧老中丞第瑤篇時得伏枕窺齒肯芙蓉出
秋水空山忽枉李膺舟海帆乍落越溪頭風神
迥覺人如玉林壑兼憐月似鈎清夜論文更漏
永露下時聞羣鶴警當今作者誰騰騫正德嘉
靖追開元李何已擅文章伯斗正芒寒光奕奕
蹇余衰颯老馬頹捕魚纖葦滄江隈驛綠耳

却迴顧萬里絕軼無纖埃二何二何真逸英金
鏽球玉自元聲當令雅頌侔姬姒清廟朱絃奏
九成

李陸叔平冒雪過訪贈歌

山人夜擁蒲團坐萬木風翻鳥巢墮吳山雪暗
天嶺迷笠澤冰堅虎豺過故人忽動王猷興孤
舟力與風相競柴門泥濘一尺深落葉都迷蔣
生徑病中把袂喜欲騫登堂一笑春風溫紅爐
炙手茗杯熱高談中夜舒琴樽人生離合那可
期歲月不待浮雲馳孟公高會投車轄山簡沉

酣倒接離古，人清狂總如此。身外浮名安足齒。
蒼蒼木石支離生，粲粲纓裳當路子。乾坤漆蕩萬物均，高鵬低鷁皆天旨。當年行樂貴適意，豈在貂珥丹朱輪。與君共醉山中雪，梅柳風光已潛洩。他日來聽湖上鶯，此盡春衣爲君設。

山莊多鶯秋來轉劇空堂獨坐悠然有感作

越來溪上柳，翩翩無那秋。鶯千轉，喧蠻笙已協。銀簧奏鳳瑟，俄驚玉指繁。鳳瑟蠻笙曲曲新。山堂獨坐黯傷神，幾編玄草盈畫蠹。十上烏囊積

旅塵野人那解識，官商忽聽流鶯却斷腸。上林苑裏花光滿太液，池頭柳浪長。此中鶯語更嬌妍，唱徹新聲入九天。宮中百伎停仙樂，馬上千官駐玉鞭。天上人間總是鶯，人生哀樂自多情。從今掃却浮名累，鎮日鶯歌濁酒傾。

顧貞叔冒雨夜過山莊作

憶昨共醉金陵酒，酒狂走馬草臺柳。趨捷自擬弁州兒，雞山武湖入吾手。白下清秋一分袂，回首龍江傾雪涕。君留還弄長干月，我歸却抱齊侯癟。偃臥空山春復冬，孤雲野鶴對衰容。荒村

夜雨雞聲寂絕壑寒飈澗水淙豈意扁舟下剡
溪登堂秉燭思悽迷芙蓉灘上鴛鴦宿篁竹叢
中鼯鼠啼昨夜君從銅井來太湖萬頃波濤迴
奇峰秀壁一入耳令我久病心神開與君只訂
遊山約萬事攸愆付玄漠老作江湖一散人還
勝金門隱方朔

題王叔明仙山障子二首

韓衆騎白鹿松子棲金華青崕煉玉液紫洞餐
晨霞飄飄九芝蓋欵忽五雲車瑤水烟中術蓬
山海上家塞子學道慕長生聞之怛然心膽驚

黃精未花白髮長綠嶺悵望空_靈坐登堂忽見
仙山障千巖草翠森相向絕磴峻嶮有異人手
持靈草獮猴拾松間道士抱犧眠斑麋四五游
其前茅齋瀟灑在雲際上有瀑布垂青天對此
不覺心神開恍然坐我丹丘隈空中似見青鸞
舞耳邊已聽玄猿哀我生我生胡墮塵胡不棲
我五嶽之上十洲之濱狂來漫有凌雲氣徒似
相如賦大人

其二

廬山五老臨鄱陽上有九疊屏風張香爐籠葱

吐雲氣瀑布矯若驚龍翔層巒複頓不知數絕
頂晴明下烟霧根蟠雄據千里紓襟帶橫開九
江注此中靈異多仙跡瑤草琪花冬夏碧琳宮
梵宇散其間或有當時避秦客十年欲往心如
焚舉翮四觸籠世氣石梁洪井長在夢空中暗
禮匡廬君開圖想像名山狀千丈芙蓉插堂上
古寺森沈煙柏林平湖滉瀢桃花漲黃鶴山人
詣我心丹厓翠壑蟠胸襟從茲拂袖雲林去苔
澗泠泠揮玉琴

王子元肅有精廬在虞山下去白雀不

數里纖書報之不遇返棹悵然寄以長句

昨來棲臥虞山雲撫枕中宵苦憶君荒涼白雀
古蕭寺鐘聲唚梵空林聞朝雲吐吞皎蜃氣旭
日滉瀢波濤文佛樓岌峩列峰抱海甸蒼莽孤
村分棟花風動雪乍捲麥秋氣爽天無氛纖書
報君君不遇孤皇躡躅求其羣聞君山中有精
舍面勢正直蓮峰下修篁萬挺玉鳴懸泉百
道飛龍挂房櫂窈窕閒且清花木玲瓏秀而野
清風澹蕩堪揮麈白日陰森可銷夏此中共爾

靜談玄快讀數過逍遙篇林間飽啜蒼耳飯石
上一枕青苔眠不知塵網在何處翩翩自謂瑤
臺仙差池萬事總難料振衣欲往空茫然我今
暫返越來溪抱甕山中還灌畦秋高更禮虞山
頂期爾縱躡青雲梯

雅宜山人集卷三

雅宜山人集卷四

明吳郡王 瓠 撰

五言律詩

立春日酬蔣子雲寄贈之作

正德稿

忽此陽春候懷君白雪歌江山孕靈氣
鳳吐天和文體中朝變才華此日多長揚陪羽獵賦
或寄羊何

陳道復舟訪遂攜同汎二首

我家濠水上落日嘯清流鼓棹慚相問傾杯忝
共遊江空時影鴈風蕩半扶鷗恣意乾坤闊蒼

靜談玄快讀數過逍遙篇林間飽啜蒼耳飯石
上一枕青苔眠不知塵網在何處翩翩自謂瑤
臺仙差池萬事總難料振衣欲往空茫然我今
暫返越來溪抱甕山中還灌畦秋高更禮虞山
頂期爾縱躡青雲梯

雅宜山人集卷三

雅宜山人集卷四

明吳郡王 瓠 撰

五言律詩

立春日酬蔣子雲寄贈之作

正德稿

忽此陽春候懷君白雪歌江山孕靈氣
鳳吐天和文體中朝變才華此日多長揚陪羽獵賦
或寄羊何

陳道復舟訪遂攜同汎二首

我家濠水上落日嘯清流鼓柁慚相問傾杯忝
共遊江空時影鴈風蕩半扶鷗恣意乾坤闊蒼

蒼橫醉眸

其二

碧海孕明月天河倒列星光從波面湧清逼酒
顏醒遠岸依沙白長林卷霧青百年渾得幾行
醜莫教停

雪夜宿王祿之書閣

江湖頻甲子雪霰集陽春澹蕩年情迥團藥酒
伴親簷花吹卷燭角枕粲連茵處處拈杯戀狂
歌愧此身

湖上

望向故山云披心亦開蛟龍元不擾木鴈本
非材赤日冰湖動青天雪嶂廻百年餘戰勝鷗
鷺莫輕猜

隱

心與跡俱隱目隨雲恣行江湖元自闊籠檻任
須爭山意猶含雪林歌稍變鶯天涯望春色醉
倚越王城

登靈巖絕頂二首

鳳剎翔天外龍宮倚日邊君王罷歌舞我輩自
山川翠壁琴臺傷丹楓石洞懸紛紛見麋鹿倘

悅梵輪前

其二

氣肅秋如洗山高興不羣太湖紅浴日林屋翠
蒸雲河漢杯中漏荆蠻掌上分下方鐘磬晚半
嶺隔氤氳

錢孔周設燕病不與

菊蕊傳新酒蘭亭游上才醉吟形管弄起舞綵
屏開獨有楊雄癖空懷袁紹杯紅梅消息近歲
晚重裴徊

子重設燕亦不與

長卿聊臥疾芳宴一何頻翠管新迎臘金盤巧
鬪春插花應笑我耽酒更何人落日南山望蕭
蕭頭上巾

雪後石湖與諸友同汎二首

共有丘中好而揚江上舲花潭水漾綠松嶺雪
含青靄色廻銀漢鮮雲卷畫屏子真歸舊谷爲
報北山靈

其二

多才白潦倒孰謂古人無雪照王恭擊雲開范
蠡湖故山饒酒伴修竹有行厨且逐林中鹿安

能轍下駒

懷蔡師二首

不到碧山久搖心禹洞林江形雄楚粵地險控
高深水落魚龍遠天寒橘柚陰巖棲有安石時
動白頭吟

其二

牛驥非同阜高賢自絕羣喧杯林屋乳拂袖洞
庭雲詞賦山精泣樓臺海勢分侯芭如可教欲
受太玄文

與湯子重游虎丘作

武陵不在遠人事故相違雀舫多君興鶯花日
夕稀翠憐平水樹紅指麗人衣江山與歌舞一
見一魂飛

文氏新堂成

瀟灑揚雄宅維新君子堂暉光晴日麗高敞夏
雲涼上客誇鸚鵡香雛宿鳳凰棟梁君不愧廊
廟意難忘

雨

霖雨能催夜窮冬恐不勝高城悲斷角寒楚下
饑鷹青海聞傳箭黃河憶度冰龍庭須遠遁神

略武皇能

雪後登道山亭

初日散瑤臺丹青雪際開高深分兔苑向背寫蓬萊天外峰巒近雲中磴道廻鶯花日夕至莫負此咄杯

歲暮燕諸友

吾黨慕自然狂歌春酒前青檀聊卒歲紅燭樂當年身外皆芻狗杯中有聖賢此生何必問漂泊任皇天

戊寅歲立春日

濩落竟何成江湖春復生百年談笑去萬感物華驚杯酒青絲送鶯花綠勝迎人生渾得醉安用爾浮名

病

長卿復何望祇守茂陵田玉曆梅花外春心藥裹邊聲華渾似夢水月欲窺憚鼎鼎百年內千金誠可憐

端居

端居何所事盡日對花枝曲院人稀訪輕袍帶緩垂雲霞幽處得日月靜中私莫笑愚公僻悠

悠興所之

懷顧台州華玉

總道天台守能廻寒谷春島夷通烏道海市泣
鮫人雲木吟蒼珮山河擁絳輪千年重領郡康
樂是前身

幻住菴作

春水抱林流緣源曲逕幽石牀喧鳥覆霽宇法
雲游寶思虛空發玄機罔象求馮將百年計長
此托靈丘

虎丘東閣

春色馮高望山河指掌開半空環緝象絕地湧
樓臺法雨迎風盡香雲拂靄來登臨千古勝把
酒氣雄哉

送湯二子重遊茅山

餐霞懷往哲采秀歷名山五嶽披雲近三花拂
洞閒鸞歌飄象外鳥篆落巖間日夕望真氣青
牛應駕還

錫山舟中對月

春水無邊闊揚帆月窟遊煙花迷四顧杯酒謳
中流川勢分襟帶檣標犯斗牛平生搖蕩興長

嘯下滄洲

鄭博士官舍夜集

久別情何限相逢各惘然夜堂人影寂春夢燭
花燃縱飲杯無筭重臨月正圓百年萍梗迹四
海暫牽連

登毘陵城

際海通喉舌環都切股肱乾坤危堞倚花柳麗
譙登北拱黃圖壯東來紫氣凝三吳元直半文
采識飛騰

白氏園燕集

金谷王孫燕名園選日開地藏南國俎花借上
林裁峯勢三台象賓遊四海來玉杯淹坐久深
媿鄰中才

晉陵夜泊懷鄭博七

入舟渾不樂追憶轉蒼涼帆帶春鷗沒江連夜
雨長百年雙旅鬢一日九廻腸馮藉闌門水西
傳淚幾行

望至惠山適雨霽

旭日開春霽殘雲變午霞登臨如有待山水更
重華石乳初懸溜流嚶復滿花林中有肥遜吾

欲傷生涯

惠山作

鼎食非吾事冷冷冰雪腸煮茶師自得研屐興
偏長花氣熏泉竇山形拱石堂江湖自有樂高
詠和滄浪

還舟望亭與諸友夜集

叙遊方歷歷惜別更茫茫湖海誰投分雲霄幾
斷行不眠從秉燭忍淚竟霜裳易得窮途感無
嫌阮籍狂

還舍作

頗愛嵇生曠嘗高司馬遊圖經隨意讀山水與
神謀舉世悲箇鳥全身學海鷗此生知得遂天
地添悠懶

上已燕劉復孺

公子娛賓日山陰祓禊朝石欄紅藥蘚香饌紫
芝調茶乳先春鬪雲英弄水嬌世途那可測杯
酒漫逍遙

南峰

四月鶯花去重遊似逗春磴危青靄濕郊霽綠
苗勻表石天爲闢凌霄地阻塵秋毫臨萬象高

處太傷神

一雲寺

古寺傍修篁瓊瓈谷韻長空青搖水殿虛白闕
雲房嵐氣山椒潤苔花石筍蒼坐耽清淨樂身
世益茫茫

天平山

萬嶺遙蹲伏天平勢自雄翠屏藏洞穴紫霧盪
虛空戈戟龍門拱風雲鳥道通莽莽殊不極長
此銷吳中

金山寺

山雨踴踴點藤花滿寺門天香披晝室靈影湛
清樽磴接丹臺古碑殘綠字存可憐春草意早
晚遲王孫

枉過諸友

上客光盈座清言北海樽謾勞車結轍深媿席
爲門竹雨滋新翠江濤長舊痕百年知已在落
落任乾坤

郊外

萬物總浮寄胡爲車馬間雲將心不染川與影
俱閒沮溺自遺世巢由寧買山風光處處好隨

意不知還

寶帶橋

春水桃花色星橋寶帶名鯨吞三島動虹臥五
湖平表裏闢形壯東南海勢傾當知題柱者猶
是一書生

畫馬

天上飛龍旣關西白鼻駒承恩披玉鎧弄影浴
金沙舞獻甘泉酒驕嘶內苑花丹青流落處駕
馬尚堪誇

尹山精舍作

古殿深巖曲朱門碧水開鈴聲衝鳥落幢影拂
雲迴院入斜丹檻賓迎滑錦苔東來車馬道聊
爾滌浮埃

宿郭漢才舟中題贈

郭泰君何忝同舟愧李膺亂星翻疊浪宿鷺起
迴燈鐘鼓沉沉酌烟花澹澹凝英雄知不數前
路看飛騰

寄題楞伽新竹

問訊楞伽竹東風吹滿林鳥裏春谷暗龍嘯夜
湖深石壁看雲氣山堂坐翠陰平生嵇阮興高

醉聽浮沉

午日

病中聞令節惆悵把榴花碧氣清珍宇朱陽散
錦霞虎形齊佩帶簾影薄籠紗緩酌無妨醉悠悠
然領物華

懷故山

喜看高士傳夢繞北山棲翠竹塞雲幄丹藤飲
澗霓湖平吞海若谷響和天雞萬事何勞問行
藏志已齊

湖中作

久爲樊籠累彌深山水情風帆凌噴薄雲口瀉
虛明塔湧三天近湖高萬象傾低疑臨海嶠遙
望石梁橫

楞伽竹下

林中開枕簟翠畫屏圍山鳥時窺座榴花乍
點衣清風吹洞越殘露滴霏微依鶴依然在幽
人胡不歸

聽張二琴

銀燭然清夜瑤琴御上賓鸞皇翔意表山水澹
天真舞榭窺明月歌梁慕素塵丹心如可寫高

奏暗相親

水

吳國已成澤茫茫雲夢吞山河衝盪激日月感
崩奔積氣翻坤軸長風嘯海門三江神禹跡疏
鑒更誰論

虎丘作

平楚江河漏炎方霖雨繁排雲攀古磴倒景嚮
飛軒靈氣通丹穴天風弄綵旛清虛自無暑吾
道貴丘樊

白貞夫舟燕

長沙無那濕河朔好衝杯落日歌鍾發輕風舞
袖迴金塘披薜苔冰鑑出楊梅處處燃紅燭仙
舟未擬回

雨

把酒臨江雨披襟當楚風簾紋搖水際帆影落
樽中亦電騰餘照青霞劃半空新涼殊可醉瀟
灑淨房櫳

送孫太初上隱苕溪

梅福藏吳市子長游會稽客星南逼斗劍氣上
干霓山水圖經選鸞皇椅竹棲乾坤自無限隨

意草堂低

西山歸汎

川氣晚生涼荷花樽酒香沙明雙鳥白峰暗九
龍蒼斜日晞縣罟輕雲逐去檣傲然如有得高

詠獨揚揚

夏日集徵仲宅

翠竹彈碁處華堂命簾時清虛同志樂瀟灑任
情爲弄水銀牀瀉調冰玉盃滋東林有新月應
得好風吹

子重園亭

溽暑醉如酒微花喜照人玉盤臨竹洗香饌雜
冰陳紫燕窺雲幕丹霞抱日輪三杯還露頂跡
嬾任吾真

道山亭避暑二首

天上應無暑虛中自御風石林飛結構金澗混
靈龍南火朱光歛西山碧氣通劃然長嘯發仙
鶴下崆峒

其二

共賞馮欄樹俱憐嵌石雲挂衣巖翠落欹枕夏
鶯聞湧刹龍宮直翔帆雉堞分高明時可處浩

蕩興難羣

咏徵仲齋中竹

虛心冰雪幹香葉孔鸞巢素壁餘雲氣朱甍卷
露稍風清金石奏節重歲寒交會見昂霄漢誰
能混草茅

溧陽史恭甫遠致陽羨茶惠山泉

夜發茶山使朝飛乳竇泉沉逢春酒渴轉憶竹
林眠鍾鼎非天性煙霞入太玄百年江海癖何
幸賞高賢

黃大倉汝爲宴天妃宮二首

巖邑表東海名侯握篤符自公豐逸豫延賞瀝
文儒島日林間吐潮流天外紆平生慕靈氣高
嘯入蓬壺

其二

首夏靄清暉琪花應未飛廻鑾披玉館列桂肅
金屏琴作鸞皇語雲飄龍虎衣山公殊戀賞不
醉且無歸

送吳三敬方之京

季子之上國南冠猶繦秋風高隼疾江館候
蟲鳴紫闕天爲帶黃圖玉作京早逢揚得意知

爾賦先成

王侍御敬止園林四首

杜韋天尺五歸臥海東偏玉塵開蓮社金貂貴
酒錢園居馮水竹林觀俯山川竟日雲霞逐冥
心入太玄

其二

共有王猷好同酣修竹林山光雲几淨水色畫
堂侵斷續冬花吐靈瓏好鳥吟輞川如有待那
得戀朝簪

其三

卽事罕人力林居常晏然天青雲自媚沙白鳥
相鮮徒倚隨返風光各可憐洞中淹日月人
世玩推遷

其四

薄暮臨青閣中流蕩畫橋人煙紛漠漠天闕敞
寥寥日月東西觀亭臺下上搖林深見紅燭側
徑去迢遙

過故友吳嗣業東莊二首

濁世佳公子東林舊飲徒死生何契闊陵谷重
荒蕪賢聖同芻狗乾坤閱傳符平生醒酒石醉

裏一 跛趺

其二

短褐竟長夜青山空玉頰酒杯元水次茶竈只
林間別葉驚秋早歸花點石班西州門外路今
日誤追攀

秋望

南紀望不極蒼梧秋色來風清炎海沸天決漳
雲開日月唯高枕江湖對把杯南飛有黃鵠辛
苦塞門迴

袁尚之兄弟山居燕集二首

諸袁挺鸞鶴榮館象蓬壺畫閣排雲峻朱堂表
石形傷巖彈玉局倚洞讀靈符日夕琅玕長清
風儼畫圖

其二

留歡方卜夜弄月喜登樓石壁金波動霜天采
量浮人如剡溪興山作洞庭秋笑殺高陽伴淋
漓倒着裘

端午日

梅雨冥冥墮其如佳節何曉寒欺麗縠香靄鬱
輕羅拂鏡榴花落垂絲纈采多土風觴此日予

亦醉而歌

荷花蕩

解纜芙蓉岸飛觴綠水筵狂悲金縷曲醉隱玉壺天織女宵期逼銀河浪靜偏挂帆逢七夕若個是張騫

寄衲衣曉上人并往四韻

金池泉凍石琪樹霰成花人世徒形役雲門自歲華貧齋慙黼鉢寒計乞袈裟莫笑縣千結毫光五色霞

贈唐伯虎

舉世皆羅網殊君獨羽毛百年渾醉舞萬象總風驅長袖嬌魚燭飛花灑白袍英雄未可料腰下呂虔刀

寄王儀部欽佩

千年江總宅流水祗依然文物今重見光華迥出前鳳凰春望外鵝鴨雪殘邊日夕凌雲思新篇白下傳

月

片月出河漢纖纖新畫眉關山纔辨色烏鵲莫驚枝玄武光芒爛勾陳指點疑浮雲高不動孤

夜忍相欺

歲暮

茲歲復幾許繁陰鬱不開銅池常捧雷玉礎半
侵苔杏靄日頻晏蒼茫春又來陽烏那可見黃
鵠有餘哀

天界寺

帝里紅樓院翩翩舞轡來江山窺隱見雲物指
昭回石竹開棋局天花送酒杯秋光滿吳楚萬
里一登臺

碧峰寺

慮澹已輕物逍遙唯賞心斷雲留古嶠鳴水激
空林鳥弄珠簫影秋生玉殿陰翠微經石轉長
嘯有遺音

酌酒與林職方志道

漢署含香嬾匡廬上社頽碧山兼吏隱秋水照
風神雲幕連修竹輕袍狎故人當杯應爛熳海
內幾陳遵

觀音門

石頭元作壘江海瀉爲池百二河山在東西日
月窺雲中悲鼓角天上立旌旗萬歲蓬萊闕無

勞仗數移

觀音閣登眺二首

落落乾坤眼茫茫江漢人名山勞夢寐絕壁掃
嶙峋海氣蒸衣桁巖花落酒巾馮闌莫長嘯波
蕩伏龍津

其二

鐵鎌縣崖窄朱甍卷浪流荆吳渾水窟天地亦
浮沤窓湧蓬萊日雲連白帝秋盪胸開萬古吾
道付悠悠

盧龍觀

秋林隨繫馬古洞看彈碁淮海青天瀉鍾山玉
殿披鹿場雲影淨鶴徑石梯危處處飛仙接簫
聲不斷吹

三宿巖

山斷雲根露江淘水竇空九疑虛背向八解紱
靈龍日月苔紋古煙嵐蜃氣通無由具袍笏空
憶米南宮

渡江

漠漠開帆色飄飄犯海雲乾坤流不息今古劃
中分倒日窺蛟室晴霄數鶴羣還瞻鳳臺嶺佳

氣正氤氳

舟中望焦山

獨折東流勢須知地軸尊山虛蒸日氣沙淺露
潮痕玉柱扶天闕銀屏障海門百川勞計會萬
古正乾坤

陪顧台州華玉宴虎丘二首

畫刹三秋望朱旗五馬來雲扶閣道出天傍斗
城迴氣暖山重霽花迎菊解開庾公殊不淺高
眺更登臺

其二

置酒臨芳甸調絃出五雲層樓披日觀過雨雜
峰文作賦秦公子臨池晉右軍獨慚流落羽叨
入鳳凰羣

錢二孔周宅桂花下同酌邢麗文

欵曲傳杯酒參差隱桂葉繁秋自媚香滿意
俱融雲日當軒麗風光別院通淹留嘉樹賞酣
暢故人同

張十二子饒山亭二首

野性山林僻高人水竹居焚香耽燕寢臥病習
玄虛秀嶺迎賓座閒花落道書逍遙雲物賞人

世上皇餘

其二

水作圓流寫山飛斷壁來海中三島並天際九
華開玉髓窺玄洞清風倚嘯臺習池秋更好頻
進菊花杯

海雲寺

名山時訪道絕壑愛觀泉徑隱千重竹林窺一
帶天疎花遲候發好鳥洞音傳悟得無生樂行
藏不離禪

第四峰登眺

絕壁已天半廻峰猶翠微磴危尋蘚迹風引曳
雲衣野燒孤烟直川光落日霏樵歌渾自好應
飽北山薇

月

半暝坐西嶺青天搏月華長林輕捲霧疊浪迴
生霞落落山河影飄飄星漢槎漁師下前瀨吹
笛遍天涯

酌悟道泉

名泉真乳穴滴滴滲雲膚白石支丹鼎青山調
水符靈仙食玉法人世獨醒徒長嘯千林竹清

風來五湖

望卞山懷劉元瑞

落日賦招隱懷哉劉伯倫
卞山雲不斷若水色相新
鸞鶴諧真賞瑤華贈美人樵
風吹未穩空隔武陵春

上方寺

山水雲門會林篁石道微毫光空翠落花雨瀑泉飛麋鹿參金鏡莓苔積寶衣浮湛竟何益轉覺此生非

巖上人房

臺灣國家圖書館 NATIONAL CENTRAL LIBRARY, TAIWAN. ROC
巖棲三島隔林臥五湖流吐納雲霞迥空濛天地浮鏡機紛入象寶思漭窮幽萬事徒龍鱗無生安所求

鹿飲泉

山似屏風疊谿流鹿飲泉緣源疲磴滑掃石愛雲鮮香雨諸天灑旃林石道穿清風激天籟心賞忽冷然

玄秀樓

山川覽不極日夕使公樓貞觀虛中揭玄心物外游十州何處所七澤迥同流把酒渾忘我飄

飄只海鷗

毛公壇往包山寺茂林曲塢山水迴互
吾慕食霞子高高卧翠微五雲翻石壁三秀鬱
金扉禹穴藏符近包山擁錫依氤氳亘十里牽
葉挂蘿衣

包山寺

石嶺自廻合天開寶樹林雲藏靈影曳風竹澗
泉吟白石參龍象青山習道心網羅空繚戀吾
意在高深

雪翠

宇宙開澂霽山川混太虛玄陰時噴薄春色已
吹噓鏡徹明河外花繁落木餘染園今已矣蕭
索病相如

雪宴竹堂寺

遠公偏愛客高會兔園才畫室香貂滿天花寶
樹開林端迷慙谷象外徹樓臺對此復能醉長
歌廿草萊

雅宜山人集卷四

雅宜山人集卷五

明吳郡王寵撰



五言律詩一

臺灣國家圖書館 NATIONAL CENTRAL LIBRARY, TAIWAN. R.O.C.

和黃勉之懷五岳之作

嘉靖稿

嵩岳

嵩山有瑤草白玉如膏流何日攀緣嶺相携臥
石樓吐雲騰斗極飛翠滿神州笙鶴飄颻去青

天子晉遊

泰岳

五岳視侯秩無如東岱尊六龍開御道三觀插

天門舉手蓬萊近湯胸齊魯春安期煉玉處唯
兄五雲屯

一華岳

每憶仙人掌兼聞玉女峰兩峯夾日月西海出
芙蓉窟寃黃河曲蒼茫白帝封手中九節杖恐
或化爲龍

衡岳

衡峰七十二削出祝融孤秀色浴江海神光照
楚吳石開金齒齒芝長赤珊瑚何日登貢籜腰
懸朱雀符

恒岳

玄岳倚北極翠屏千障廻山寒太始雪地閣單
于臺石室金膏闕玉華仙掌開儻遇通微子騎
二青龍來

首夏同吳文次明湯君子重家兄復約
看竹石湖草堂作四首

掃竹天花墜看雲石鏡摩百年渾浪迹一月幾
酣歌詞賦雕蟲拙山林習氣多角巾全不整長
日臥藤蘿

其二

盤谷藏修竹虛堂吐白雲映空搖水碧面勢坼
峯文露頂參龍象冥心入鳥羣金繩如有覺寶
地會平分

其三

烏皮聊隱几紫籜漫裁冠曝髮雲門嘯澄懷法
界觀風花時點點竹對靜珊瑚直作匡山社金
池繞絳壇

其四

酒聖能齊物鶯歌解損神雲霞千挺竹江海一
畸人濩落遲聞道浮游得采真故山芝术在終

不誤風塵

送陳子魚游齊雲巖

東南饒暑濕嵞嵞獨高寒秋色千巖競江流一
線盤傳香歷金闕掃石拜天壇道氣如君少真
堪躡紫鸞

聽琵琶

紫塞傳胡語崑丘學鳳鳴春風吹白雪總是斷
腸聲司馬千行淚明妃萬里情當杯愁側耳天
外暮雲橫

天王寺竹林

雅志愛雲竹相看如故人靈瓏動風色瀟灑兒
天真枕簟開新夏鶯花逗晚春欲將踈懶性一
問遠公鄰

南峰往北峰

南北峰相直中蟠萬石林諸天飛采翠衆壑異
晴陰竟日烟霞拂長風虎豹吟此身飛鳥外散
落步虛音

一雲寺

龍宮已灰劫檀樾自垂榮合沓山形抱靈瓏石
筍生流鸞穿葉語老鶴護巢鳴把酒松門坐林

泉無限情

支硎山

支硎特峻秀平地插芙蓉面面開霞壁層層折
劍鋒白鷗巢野竹蒼鼠戲長松遠憶道林輩低
頭禮數峰

紅蓮盛開漫興二首

菡萏照碧水芙蓉開紫房娟娟倚秋色冉冉下
雲光意態風前劇腰支掌上狂芟荷高日影雙
浴采鴛鴦

其二

秀色不忍見朝雲疑有無湘妃行拾翠天女笑
投壺日映霓裳舉風廻玉袖扶若耶溪更好轉
憶向江湖

與諸友賞蓮酣飲達旦

酒思亂花前留歡蠟炬然齊歌綠水曲總是紫
霞仙江海逢今夕星辰聚此筵聽雞還起舞誰
着祖生鞭

甲申七夕楊子任携酒花下

共結蓮花社相携竹葉樽高枝頰玉豔密蓋翠
雲屯大塊吹秋氣明河過雨痕今宵渾不寐閣

道看天孫

同諸公泛石湖遂登草堂燕集二首

秋水何人愛清狂我輩來山光浮掌動湖色盪
胸開黃鸝輕千里蒼鷹下九垓平生濟川志擊
楫使人哀

其二

五嶽未能去一丘還可棲山童調白鹿野飯射
斑雞竹懶宜高臥花狂欲醉迷明時棄巖谷聊

得葆天倪

月夜同酌吳祈父

長風吹古月突過海門來桂子帶星落荷花承
露開江湖多白屋霄漢有瑤臺寂寞談玄所候

芭共酒杯

卽事

漢庭方禮訟魯國自儒冠肉食雲臺議山居世
態看斗斜天駟病江迴蟄龍蟠不願論朝市秋

風理釣竿

月

月色太無賴高樓應斷腸乾坤靈影外河漢使
星旁歷歷白榆種冥冥烏鵲行中宵更牢落懸

醉近西堂

秋

吳會總秋水江淮多白雲粼粼麴塵色片片雪
峰文浩蕩草蘆興飄颻鶴鵠羣青天一長嘯吾

欲訪茅君

臥病

臥病滌牢落高天月倍明清秋萬感集白髮此
時生老驥窮途櫨饑烏子夜城胸中足碨礧澆
酒未能平

得顧憲長華玉書高譽吳中文士然皆

輶軒未達感賦此

長嘯宇宙內何人解愛才海門吞百瀆斗野燭
三台玄豹江東霧黃金天上臺前賢重推轂慚
媿獨駕駘

瘡

病怯齊侯瘡秋生宋玉悲藥囊淹甲子酒盞負
花枝江碧鳥頻浴天青雲對垂登高還幾日搖
蕩北山期

送王子美

帝室五雲外子行如轉蓬關河秋水闊驛路菊

花叢風急蘆蘆燒霜高碣石鴻金鑾調玉蟾還
復念江東

雨

黑入滄江雨紅催碧對林秋聲楚塞闊殺氣海
門陰鷹隼翻韁急龍蛇徙宅深壯心慚日月擊
破唾壺吟

雨過

江雨夜來過長空洗更青雲光任錯落鷗態足
娉婷西陸團金氣南山擁翠屏端居羨鴻翼萬
里正冥冥

曉

城烏猶未起吹角滿江東星月秋山白雲霞夜
海紅蠻歌舟楫動野哭井闇空世事催亂箭生
涯只鳥籠

夜酌

久病樽無綠吹燈花吐紅今宵一開蓋細雨正
鳴蟲宇宙醯雞似行藏木雁同醉歌齊萬物轉
覺興冥濛

秋髮

秋髮不盈把霜容怯鏡臨形骸真土木骨法合

山林酒興黃公肆悲歌梁甫吟紫更顏色好愁
絕不勝簪

九日病坐江樓二首

早起候雲物秋光渾可憐江山如自喜風日更
相鮮霜薄青楓外天長白鳥邊登高筋力減未

付酒家錢

其二

無限碧山興移時獨倚樓天清五嶺瘴雲結九
疑愁急急南征雁茫茫東逝流壯懷空萬里極
目海門秋

九日聞諸公竹林宴戲簡一首

九日逢秋霽羣賢集酒徒雲林干挺竹玉饌四腮鱸日落山河淨風高雁鶩呼茱萸都插遍還少一人無

寄山僧

病起轉不樂南山思舊巢彌增阮籍放休解子雲嘲枕上百泉鄉憲中千嶺交題詩道門侶絕壁爲誅茆

送泉上人住持西山天王寺

建幢開福地飛錫下青天呪嶺紅泉出縣燈白

石然太湖航寶筏林屋扣金仙爲訪毛公在相攜入紫烟

寒食

細雨作寒食山風吹李花年光隨燕雀吾道只龍蛇雲薄三江渚春闌五柳家無官居騎省有鬚已生華

寓大雲菴贈茂公

趺坐長眉老稜稜插五峰池開通寶筏巢古挂雲松拄杖胡籜斬袈裟金縷縫經行那出戶階
蘚自蒙茸

登望湖亭

寶塔孤擇日華高迥冠山禹功饒震澤吳服揜
荆蠻今古悲歌裏乾坤落照間雄風高處急莫

放酒杯閒

湖上觀晚霞

赤城渺何在標出海雲端寶氣三天湧金沙五
內餐騰光衝白兔散影逐青鸞更憶蓬萊殿仙
人掌上盤

渡江

秋水百川灌雲帆雙翼飛大江雄地紀旭日升

天扉表裏黃圖壯東南紫蓋非英雄徂落盡宵
漢仰垂衣

夜讌方山人質父館

短燭謀文讌寒芒炳客星名流酣白社絕翼會
青冥今古誰詞伯江湖只草亭太玄聞已就問
字日盈庭

再次質父韻一首

方也有道士雲臥無窮門不擾蚪龍性渾忘桃
李言大才甘濩落短翮媿飛翻尚恠蒙莊叟栖
栖吏漆園

宿雞鳴山

昔誦北山文今棲鍾阜雲秋林時夜囁天樂忽
空聞弟子胡麻薦頭陀罽席分那知江海客不
亂衲衣羣

登塔望玄武湖

曉日雞鳴塔秋光玄武湖石鯨吹蜃龜天馬浴
虛無太液金溝瀉鍾山玉壘紓載歌 皇祖烈
永寶萬方圖

江夜

江海夜突兀人烟時有無潮聲宣鼎泊月采爛

金鋪地勢中分楚天形半倚吳哀歌撫長劍注
目客星孤

龍江閣

荷戟一夫守懸瓴千仞餘風雲開壁壘山海護
儲胥御蹕交黃道危譙切紫虛遙憐棄繻者何

日策高車

江中望鍾山

地險雄千古天王守四夷水當銀漢落雲遶
畫屏移野曠貔貅竈風閑龍虎旗西游有狂客
擊楫大江陲

雞鳴寺

帝城廻北斗古寺冠東山畫刹人天外紅樓日
月間宮花逐吹落苑鳥聽經還借問乘車者何
如此閉關

徐將軍園林三首

當代麒麟畫先朝肺腑親鑿池分太液開閣盛
平津羽扇談名理鵝衣列上賓信陵高宴會日
暮擁朱輪

其二

禁城還水竹華館別山林肯信金貂貴能調野

鶴心巖花相映發雲木自虛吟劃對仙人掌翻
疑華獄陰

其三

夏木成帷幄秋暉駭錦文池翻江外浪亭宿海
東雲客醉分巖散鶯歌隔塢聞鄰中賓從集飛
蓋擁夫君

雷

九月霜氣緊南山中夜雷聲蟠萬嶺下勢劃九
天開突兀蛟龍鬪馮陵風雨來野人錯料事偷
眼望三台

燕徐將軍園林

西第觴公子東園屬上才秋光禁籞接紫氣夾
城開淮水穿林寫鍾山擁座來祇疑天樂奏促
杜送霞杯

江上

客子貪利涉開帆爭暮潮山廻北固壘霞作海
門標怒浪排風立神魚映日跳秦皇竟何在鞭
石未成橋

林屋焚師衡山文丈偕計北征輶車齊
發敬呈四首

北極開黃道南星占少微大才元瑞世 明主
正宵衣策射麒麟榜天廻日月旛兩賢終特達
窟穴借光輝

其二

海國雙明月天山兩鳳皇南冠誰領袖吾道重
行藏觀閣徵文草虹蜺插劍裝平生寸心赤持

此報明王

其三

對塵青蓮社傳杯修竹林江山擣藻思風雨動
龍吟鄰下偏雄傑周南久滯淫雲門陳古樂清

廟待遺音

其四

祖帳桃花水征旗楓對林山河千里日師友百年心舉世誰相假離羣自不禁南飛有黃鵠側翅一哀吟

夜憇行春橋

夏夜煩林莽星橋躡太虛市朝真翕併江海一蕭踈白露橫空下金波滿意舒王喬殊可接騰蹋五雲車

新築石湖草堂二首

山枕五湖水堂開千畝林棟梁天下任竊鷁野人心獨挿南峰秀平臨北斗侵吾生嚴邴慕灑酒一披襟

其二

蘿帶還初服山樽落草堂獻書長不達招隱得相將勒字芙蓉壁繙經紫翠房百年向自苦衷劍欲摧藏

劍池

伏檻觀奇壑輕身搏翠屏山虛雲裊裊石闌水泠泠錯落金鳴影翶翔鐵鳳翎風胡去已久神

劍泣精靈

酌陸羽泉

曾甘惠麓水今酌虎丘泉石乳疑食玉茶經似
草玄登臨悲代謝著作總流傳扶醉下山閣千

林落日懸

瓜步山

瓜步臨江出鍾山不隔雲風蘆吹浙瀝沙鳥拂
氤氳北控淮徐阻南瞻斗極分輕帆移過穩把

酒玩峰文

石頭城

玉壘疑連漢芋旗總插雲樓船橫海出斧鉞白
天分龍虎中原氣山河大地文 我皇開日月
萬古淨妖氛

白鷺洲

芳洲多白鷺晴雪點青山翻弄桃花色翩翩故
不還雲霄唯鶴侶人世自鷁班予亦浮游者論
交江海間

入金陵首晤淮海朱振之酌酒作

平生江海氣淮上得朱雲浩蕩天雞舞冥濛野
鶴羣英雄那鼎食宇宙屬人文斗酒長安市嘗

騰擊筑聞

雞鳴山詎家兄涵峰

旅食京華邸猶能上竹林諸天花雨外一逕翠巖陰風土思歸嘆雲霞出世心鶴鵠飛自好不覺動長吟

携友生登馮虛閣作二首

鍾山當日月袁襄見神州魏闕摹天搆長江映漢流風烟三輔晚雲氣五陵秋恥作窮途哭馮軒嘯酒儔

其二

山人難偶世人觀一登臺畫棟天花綴青林若木栽傳杯河影落拂鏡海圖開會上高峰頂焚

香禮上台

席上贈錢二孔周二首

堂上起秋色堦前迷橘林鶡冠將老世鹿柴與冥心點筆風花亂藏書洞壑深鯤鵬與斥鷀寧解問浮沉

其二

共上淮南隱相逢桂樹留停杯黃葉下鼓瑟白雲流鳥思簾櫳夕天清梁棟秋對君殊寥落江

海一虛舟

山中送袁子邦正兼寄永之秋官

二月鳥嚶嚶山家花滿林那看南浦別愁動塞門吟渤海紅雲近居庸紫氣侵惠連應憶我腸斷北來音

奉和少宰崦西徐公省中藤花之作
列殿鈎陳座鳴環玄闥仙詞疑咏紅藥調已入
朱絃靈木千年壽繁英四照妍上公垂顧拂長
托紫雲邊

阻風白馬湖簡朱振之

白日狂風嘯青天退鷗翻浪高湖色怒鄉近客
心燔烟火疎淮甸雲霾蔽海門故人一水隔愁
絕浣花村

汎湖同蔣子雲作

湖水淨如拭山嵐青滴衣鉤簾盡圖展把酒晴
霞飛孤笛烟中起片帆天際歸知君棄金鞍從
此擅漁磯

湖雨作示日宣

萬木點成雨千峩殊欲秋魚龍呈水戲巖壁亂
雲流蓬累棲窮士天心共海鷗侯生居語汝吾

道在滄洲

自石湖至橫塘山水廻合可賞二首

山水繡相錯清暉如可餐峰形分塢塢沙曲擁
灘灘西蕩荷香拂南屏秋氣寒嘯歌終日裏懶
散不簪冠

其二

人家叢水竹厥土沃金泥澤逕菱花覆霞莊稻
葉齊漁人千網集開士五雲柄卓屬長林下持
編且牧羝

山院荷花並開作

二艷絕世立雙嬌入鏡開真堪金屋貯疑是鉤
天來院靜似欲語風回如更猜絲雲空錯落流
恨遼陽臺

溪上

日落半天紫秋高千嶺蒼巾裳淨水碧桑竹粲
霞光燭散驚巖雪虹飛恍石梁颯颯一溪柳圍
覆野人莊

雨坐石湖草堂

坐對南山雨高棲北院雲堂虛飛竹翠霧暗失
峰文谷響蟲中應濤音天外聞名香散寶冊沿

思正氣氤

午

日午閉關臥白雲空院幽鶯啼不離竹山氣忽
橫秋簷宇清虛入軒窓紫翠浮巖端有桂樹此
地可淹留

客至

客至纓冠懶堂開拂薜幽池荷紛歛夕巖竹競
鳴秋藻思飄霞外青錢挂杖頭蹇余江海士言
接鳳皇遊

春日山中

水綠天澂霽山青花斬新薄衣初試屐耽酒任
欹巾聖世支離客泥塗甲子春放歌林木動
巖臥有真人

觀水漲二首

翠浪欲然涌石湖千頃開氣吞具區數掌弄吳
王臺山向鏡中出帆從天上来曾逢問津者河
漢幾年回

其二

手持秋水篇散髮對平川日出海門近天低象
緯懸人行石鏡裡鷗舞浪花前余亦挂帆去蓬

山朝列仙

次韻馬司成賦孫中允松江園居二首
園接九峰翠池分三泖波青嵒隱叢桂白日臥
高蘿林曉霞光粲窓寒竹蔭多金華榮侍從那
得戀漁蓑

其二

潮落門前浦雲連海上山丹厓觀化靜紫洞著
書間松雜瑤流響戛生錦石顏蓬壺在几席窮
日任躋攀

其三

層臺披日觀複館淨霞居石室讐編暇庭闈戲
綵餘池翻逸少研壁隱馬遷書盡遺區中累來
觀濠上漁

寺游

秋色滿諸天秋湖蕩枕筵香從霞外落思入定
中玄芝饌延狂客松龕兀酒禪欲知清淨賞萬
竹映飛泉

雨後集諸子

雨聲催木葉秋序迫茱萸林吼風傳谷山蒸雲
起湖客題幽澗竹人老故山蕪不盡窮途恨往

歌擊唾壺

文內翰徵仲攜秋蘭過山齋作

美人涉秋水結我紫蘭心雜佩耀奇服幽香披道襟窓虛山翠積石古澗藤陰坐對忘言久臨風揮玉琴

上海董子元夜訪山莊作

遠客舟初繫田園菊正開古堂秋霧集幽壑夜聲哀花豔驚燒燭山空靜舉杯草玄吾豈敢應媿問奇來

楊虞部子任過山中

愛爾羽儀好慰吾江海思新銜題粉署初命出形墀野墅芙蓉發山堂菊蒞遲丁寧一卮酒莫自負明時

張子月鹿自海上遠訪越谿莊觴之芙蓉灘作

挂席翔雲海看山到越谿千崖肅秋氣一塢靜霞棲鶴舞山人醉花繁坐客迷臥痾經歲久爲爾強扶藜

丘中二首

沙際一羣鶴丘中獨隱家川明霞散綺巖馥桂

交花山愛秋嵐紫人憐霜鬢華將隨勾漏令學
道訪丹砂

其二

竹覆愚公谷鶯啼謝客巖秋華黎禾黍曉霧沐
楓杉列岫疏高館垂楊拂過帆焚香北牕下危
坐讀仙函

晚過竹院

竹院迷青靄祇園橫翠微松門晚霞抱雪壁秋
花飛湖迥習池似臺荒吳苑非蒼蒼暝蘿合還
趁漁樵歸

霽

獨鶴舞空院明霞靄遠天林疎秋色淨野曠曉
風鮮巖接交香桂窓虛透瀑泉山棲成偃蹇孤
賞自泠然

中秋對月懷長公作

林壑清輝夜巖櫳白露秋湖翻珠吐蚌天迥玉
城樓一鏡千山徹孤輪萬里周不知王子晉何
處鳳笙遊

十六夜對月

玉魄當空滿銀潢拂迥流山河靈影動今古鏡

光道萬壑星翻彩千林對聳秋今宵駕玄鶴遊
徧五城樓

秋曉

花露曉猶弦鶯歌秋轉繁白雲舒四望朱槿照
中園晶瑩天光徹悽清野聽喧唯應待鸞鶴玉
洞去朝元

碧峰禪師葺雅宜行寫作

祇死潮音接海林海氣虛花餘春鳥弄山變夏
雲舒大地鷗鷺墮清時水竹居棲霞處處好隨
興是吾廬

齊

林聲鳥聲樂也平魚藻繁南原一以眺藹藹麥
花翻靜讀高僧傳閒書大士旛何如謝康樂奏
疾在中園

午

午簾轉桐日山齋飄棟花飛塵緣水隔俗駕碧
山遮臥看盤空鶴飢餐出海霞翛然清五內祗
待長金沙

曉

曉日明皎浦晴雲拂鶴巢天清飛澗響閣迴亂

峰交海對籠荒戍墟烟澹遠郊行藏抱蘭若一
任子雲嘲

雨

杏雨濕金沙輕陰蔽日華山茶鸞殿靄海潤簇
樓霞地僻喧啼鳥林深尚落花載窺清淨理畢

志梵王家

寺晝

綠樹陰陰合清池湛湛平繙經談孔雀拋卷聽
流鶯日映金輪轉雲依芝蓋生冷然慧門嘗見玄
覽自虛明

臺灣國家圖書館 NATIONAL CENTRAL LIBRARY, TAIWAN ROC

河陽長上人餽松英

蜂房攀蜜隨家壁捕松花遠饋餐霞子猶餘春
露華泉香石罅乳異熟雨前茶不羨朱門肉還
來就釋迦

晏起

野淨露光沃簷虛池影翻幽人日晏起好鳥窓
中言達舍對如幄當門山作藩孤村隔流水何
異桃花源

種豆

捨身白雀寺老作灌園人七裏重湖潤山藏曲

烏春日高櫓發采風暢草惟新濁酒荷鋤倦長
歌滄海濱

雨夜日宣正上人集寺居

微雨潤虞麓空堂出海雲散花窺戶入清梵雜
濤聞嵐重香凝濕林昏鳥喚羣共來修淨業讀
盡馬馳文

雅空山人集卷五

臺灣國家圖書館, NATIONAL CENTRAL LIBRARY TAIWAN. R.O.C.

3

雅宜山人集
三冊

臺灣國家圖書館, NATIONAL CENTRAL LIBRARY, TAIWAN. R.O.C.



雅宜山人集卷六

明吳郡王

寵 撰

七言律詩一

上大學士守谿王公四首

正德稿



淮海維揚數具區
咸池靈氣括人俱
題輿入座璣衡轉
端委三朝日月扶
志決臯夔勤袞職
學宗姬姒弼文謨
石渠金馬從容地
玉几馮虛聖眷殊

其二

昭代文華七葉光
天人羣會翼先皇
河圖璇

琰台階列大呂黃鍾闕廟揚千古晶英躡斗宿
萬年禮樂盛明良橋山玉殿松楸拱元老儀刑
肅典常

其三

威鳳冥翔萬里毛青山間曳白雲袍五湖下上
大池迥一柱東南日觀高玉洞朝霞食石乳璞
溪秋水弄漁舠謝公不倦林泉賞無那蒼生屬
望勞

其四

天上縣軒秉旄尊星移南斗喝龍門泰山不動

羣峯遠滄海鷗倪萬壑奔台袞提携慙淬礪草
茅淪落悵乾坤重堂曲讌旌旆倚澹蕩春風煦
酒樽

寄贈劉按察元瑞

銅柱參天高掛冠五湖龍窟去漫漫荆南流寓
嗟王粲吾道行藏上謝安白晝豺狼人立鬪碧
山猿鶴笏支看雲飛玉峙輸公輩笑爾冲沖行
路難

彭蠡四首

彭蠡當年勤我師 高皇親秉白旄麾荆人久

己共王祭劉渢翻然拔漢旗海內河山朝北斗
帳前龍虎殿南維爾曹擣滅須臾事不動綃衣
萬古垂

其二

匡廬拔翠對南昌赤土苞茅削尚方玉庶故應
雄楚粵展親曾見錫琳琅金縢自足安天下寶
玦空憐泣路傷骨肉相離非浪計忠良努力在
諸王

其三

褰帷仗鉞中丞寄征甲分旄守令趨殺氣橫衝

昏翼乾羽書飛急蹙江湖臨川取道朱旗閃安
慶勤王玉壘孤巢穴已傾師未捷千年劉李笑
兵圖

其四

江左羣龍萃吉安指揮能事氣衝冠吾儒未必
皆遼豆門閥于今盡綺紈天下安危公等在殿
中台衮史書看獨憐孫許今祠廟永夜丹心貫
斗寒

南都三首

萬年曆服開基地八葉龍顏有道孫玉輦乘春

廻日月朱方修瑞式乾坤寢園恰及櫻桃薦天

府猶看御甲存鐵馬汗趨爭草昧袞衣端批奏

雲門五鳳樓有

高皇御甲

錦繩牙檣萬里遊天吳海若翼王舟襄城七聖
空迷轍弱水三山未穩流塞北風雲連朔漠周
南節鉞自公侯兩京角立分形勢若重還須扼
九州

其二

虎旅龍驤石燕貶飛騰誰數霍嫖姚金纏窄文

超天駟赤羽鷹囊射海鵬北虜只今頻欵塞總
戎應得數趨朝仲山吉甫男兒事麟閣雲臺傍

九霄

立秋日

南紀清秋殺氣遙扶桑銅柱峯高標風悲畫角
關山迥雲去蒼梧畢斗搖正憶郊迎虛玉輶卽
愁邊守醉金貂黃河白草蕭蕭去胡馬千羣出
射鵠

夜酌與吳丈次明

季子清狂老鶴冠興來把燭過盤餐生窓淡泡

銀河影雨檻霏微玉露團帶索懸衣窮日醉隣
雞野哭萬家殘未聞扈仗拋金甲玄武蒼蒼直
比看

簡文二丈

淪落衣冠尚典刑苦心剴向獨傳經祇今羅網
彌天罔肯道江湖有客星金石風流傳藻翰蓬
壺雲氣逼丹青詞林根抵歸能事人世胥騰笑
獨醒

秋懷五首

南紀風雲接長秋淮揚中斷大江流鍾山秀拱

蓬萊殿海日低懸鳩鵠樓羽騎驂交扈仗朱
衣呵引翼華前五陵鞍馬金張籍出入銅龍控
槊游

其二

露下天清秋氣凋孝陵松柏蒼蕭蕭山河勢
遶朱旗列寢廟神遊絳節朝寶劍夜飛雲氣閃
玉衣晨舉日精搖璇心璣思謨千古只在重華
協聖堯

其三

鳳管龍簫清且悲南徐北固自逶迤海門直指

聯三象日馭巡行逼九疑入計衣冠利璽綏防
秋兵馬失旌旗長卿諫猶無消息悵望江湖有
所思

其四

湏洞風塵葵未休妻清江漢仲宣樓摩天鴻鵠
終辭網跋浪魚龍峩舟蕪竹泠泠連楚澤白
雲冉冉接招丘金輿玉座千年跡流恨荆揚古
帝州

其五

自帝風高萬古八百年鼎鼎獨何爲炎方雲霧

兼天迴絕塞星河倒地垂袁紹沉冥應累月長
卿消渴亦多時金莖玉屑食靈氣碧水丹山結
漫期

新葺草堂簡二三鄰曲

清狂自是耽風竹大隱何須倚市門背郭堂虛
聊習靜浣花溪遶卽成村久拚江漢支離臥莫
訝蛟龍窟宅尊北里南鄰俱酒伴祇應身世老
清樽

六月十日諸友攜酒相過

堂上書生據槁梧一樽衰肺覺全蘇從知袁紹

逃河朔更賞王戎戀酒壚涸轍難忘頻煦沫此
身無賴祇江湖不妨久坐論肝腑紅燭淋漓清

夜徂

虎丘北閣登眺

霽雲斜日晚暉暉開蓋山樓坐翠微閣道迥臨
千嶂出海門平指百川歸丹青臺榭還今古錦
繡山河接杜韋佇望快瞻龍虎氣狂歌聊拂芟
荷衣

荅子重往過草堂兼攜酒貲之作

清夏茅堂霽色鮮紫薇修竹淨娟娟陳平已愧

淹車馬陶令何須乞酒錢鶴鶴摩空終遠去燕
鶯交語劇相憐閉關不解人間世露頂同參醉

後禪

袁氏山堂雨坐

六月虛堂雨氣浮翠巖丹壑迥生秋雷霆破地
時酣鬪河漢經天却倒流古木蒼藤森自得斑
鳩黃鳥坐交愁羣峰更覺烟嵐外指點陽臺最
上頭

紫薇盛開率爾遣興

江館微花也解紅玉堂金署五雲中山林鍾鼎

從吾好露葉風枝訝許同旋有狂蜂繁下上故
臨修竹隱房櫂丹霞赤日心傷麗文簾清樽興
不空

酬文丈徵仲寄題草堂之作

周南流落漭無成獨抱枯魚愧此生白日縱酣
遺暑濕碧天高嘯盪雲行蒼蒼苔竹逃中散片
片飛花病馬卿枉沐瑤篇相問訊草堂驚起夜
光明

陳氏漫矚樓作

連山大壑赴吳門高閣臨衝紫翠屯河鵠南飛

斜北斗天雞宵舞動朝暾萬家城郭朱甍迥千
里風烟碧甸岱愧我難登徐孺榻竭來時倒孟
公樽

暑憶故山

炎蒸三伏醉龍鍾湖上青天夢雪峰絕壁上千
雲恣吐古巖中洞浪交淙千林皆日藏修竹萬
壑披衣倒碧松偏袒科頭時大呴狂來真欲躡
飛龍

紅蓮

紅蓮綠水色相鮮承露金莖婀娜邊霧氣半籠

香冉冉日華初，傷意娟娟衆中特。
立分明見掌上，陽狂太劇妍却憶驪山行。
樂祕金鋪玉甃瀉，溫泉

雨

七月七日雷雨作，三江五湖龍出門。
機石熒熒天漢湧，白榆黯黯晝霾昏。
清商應律乍瀟灑，暑氣蒸雲俄吐吞。
閣道流虹尋掃霧，雙旗中夜度天孫。

夢銷夏灣

萬山廻合太湖心，玉鏡沉沉天地深。
鸞鶴難馴萬山廻，天地深沉萬山深。

雲壑性蛟龍，持動海門吟。
咸池滉漾扶桑影，絕壁冥濛楓樹林。
千里峭帆驚掣電，夢中親指巨鳌簪。

懷顧台州華玉

朝天旌旆隔年行，迢遞經秋旅鳳城。
幕府簪纓瞻使節，諸侯玉帛後王正。
龍文五色雲虛遠，虎旅千屯月正明。
賈誼憂勤心獨切，庾山蕭瑟賦須成。

石湖作

勾吳山水秀，西南雲白天。
青萬嶺含峭壁，搏風

時捲浪中流湧日恣成嵐金支翠節虛無見貝
闢銀宮縹渺參漠漠乾坤祇自役草堂長枕百

花潭

楞伽精舍話子重

精舍橫開千竹林翠微隱瞰石湖陰隔窓雲霧
窺青壁入戶山泉寫玉琴向秀真爲攀鳳侶孔
明聊作臥龍吟草衣木食吾徒事江海冥冥遲
暮心

辱蔡師寄詩悠然有懷

高才落落動雲霄采蕨食芝臥聖朝玄草萬言

林屋閟少微中夜洞湖搖凌風散落鸞皇引度
海虛瞻烏鵲橋解道東山足雲霧肯容安石狎
漁樵

伏輶

伏輶長途日月驚雲閑水落澹秋清數聲悲角
凌霄語百丈浮槎犯海行金馬銅駝甘臥病山
雞野鶴解藏名一杯已足嵇中散五嶽終期尚
子平

夜飲袁二尚之

檢書燒燭成高宴奪雉呼盧縱酒狂江左英雄

還蹭蹬天南星斗巒低昂彈歌易下清秋淚燕
寢初凝午夜香萬事無端渾得醉側身天地更
茫茫

子重久不相過奉簡一首

原生當日駿嵩萊端木親曾結駟來總道難淹
佳客座不妨頻喚隔林杯塞門霜霰迴鴻鵠天
下風塵暗虎豺扣角征歌徒自苦百年襟袍向
誰開

寄鄭掉士于漢

冰雪凌嶒把辟時銅盤吐韻夜何其銜杯每恨

當年別伏櫪長懷國土知羸馬敝車遭謗怒巨
川喬嶽見襟期漢庭閒却尚書須滄海蕭蕭爾
鬢絲

石湖

石湖秀色那可柰蛾眉掃鏡丹青開飛浪尤天
蹴牛渚落霞千里臨高臺吳王醉臥不復曉西
施東去何時來當杯未足轉愁夕霜露沾衣鴻
鵠哀

蔡師西山草堂

震澤波濤天地廻百花潭水草堂開只同康樂

披雲臥時許侯芭問字來南極客星浮禹穴中
宵海日見徂徂山林鍾鼎渾何礙白石長歌空
自哀

夜酌與諸公

湖海茫茫雲外迹乾坤落落夢中身浮沉愴世
更懷古出處驚心森會神杜曲委蛇草玄客山
陽酣嘯竹林人百年吾道同盟在達嚦狂歌應
自真

林屋道中

海嶠雲霞虛颺屏闌風吹袂采丘徑宿申樓閣

天齊動石上璠華冬自榮遂有浮丘來馭鶴似
聞子晉解吹笙金庭玉柱千年閔日月崢嶸愧
此生

濟中覽古

帝子樓船天上來渚宮鑾殿海中廻山河錦繡
千年觀歌舞風塵萬壑哀澤國魚龍吟落日荆
蠻雲物悵登臺茫茫今古渾無賴宜北長安首
重回

縹緲絕頂

絕頂親攀日月行五湖如帶自廻萦山川歷歷

分南服今古茫茫混太清萬里風烟臨海嶠百年身世悵浮萍未駿鸞鶴雲車遠兀坐松杉濁酒傾

月夜寄城中諸友

白沙翠竹淨江村草閣虛無對海門絕壁金波湖上下中天珠斗浪崩奔蛟龍隱見林光動島嶼沉浮水氣吞忽憶高陽諸酒伴劇憐風月限清尊

玄秀樓雨坐

空濛樓閣淨仙居風雨冥冥翳太虛浪鼓魚龍

時吐嘯氣蒸澤恣吹噓浩茫帆色渾無際片
片鷗羣迥自如曲檻疎簾雲霧裏浹旬高臥散
琴書

辛巳書事七首

居庸碣石控胡門玉几由來比極尊閣道逶迤
經海岱天河隱見出崑崙斗間遂識三階列日
下從知九軌奔奠鼎卜郊非浪事萬年圭鬯保

文孫

其二

泰陵松柏五雲高冉見姪康握赤刀南斗龍文

占王氣中原馳道擁旌旄委裘不亂遺謨遠磐
石相維蹄構牢弘治名臣天憖在元功應數舊
蕭曹

其三

龜食庚庚夏啓光龍顏日角映扶桑 九朝琬
琰陳東序萬國山河履職方總道翔麟傳寶錄
卽看天馬度銀潢軒虞落落洪鈞轉矯首滄溟
望八荒

其四

漢水東流夢澤開雲蒸龍變劙爭廻襄城七聖

翔空下少室三花拂駕來河伯寶圖森地軸上
公玉冊自中台千秋萬歲應思沛帳飲歌風擬
築臺

其五

明光甲仗下金雞中使星輶降紫泥三殿絲綸
垂象麗九霄日月覆盆低雲扶寶鼎黃風穆天
遶璣衡舜政齊更喜求賢溫語切龍光長指鈞
璜溪

其六

內侍傳宣總插貂虎貫絲絡迤乘輶爾曹肉食

終無賴天下軍輸半已凋朔雪炎風歸紫極銅
駝金馬鬱青霄萬年曆服超三五努力夔龍翊
帝堯

其七

曉仗形雲拂羽旌天行重引漢官儀紫衣簪筆
鉤陳肅白虎譚經刻漏遲卽喜春王傳正朔似
聞天樂奏咸池南星錯落江沱遠北斗瞻依藿
食私

答文二丈徵仲見寄之作

偏側乾坤只蠟封短衣觸熱日憧憧山林掃迹

虛雲氣河朔藏真元酒容顧我連廻廿尺蠖卽
今高臥有人龍跡簾玉簾開毫素潔水懸崕夢
雪峰

山中荅子重見贈之作

土木形骸時所賤山川襟抱獨須開卽看冰雪
溶溶瀉已覺鶯花逐逐來海內風塵頻縱酒天涯
兄弟幾登臺尚陽失侶勞相問谷口揮鋤且
未迴

荅葵

雲白天青秋可憐董葵弄色尤相鮮楚妃結束

迥殊衆姑射，逢迎疑是仙。
承露金莖餐沆瀣，凌風玉袖鬪嬋娟。
蕭疎獨映揚雄座，物色年華解入玄。

七言律詩二

嘉靖稿

夜燕石湖草堂

風竹泠泠虛草堂，春星歷歷淨琴張。
冥棲自許專丘壑，痛飲寧辭典鵠鶴。
歌曲玲瓏花鳥恨，舞衣颯沓薜蘿長。
十年獻賦貽蓬蓽，明發天台度石梁。

山居

山鳥羣飛多好音，蒼苔白石淨中林。
書館前峰麋鹿窺，人過半壁藤蘿礙。
日陰萬里冥冥黃鵠羽，百年落落紫芝心。
未論戰勝違朝市，遮莫狂歌任陸沉。

楞伽山樓

山樓朝日盪雲胸，坐見桃花映遠峰。
黃鳥弄音晴靄碧，天生媚水溶溶齊。
梁殿閣丹青古吳粵，山河錦繡重謾說。
平生飛動意，十年空聽上方鐘。

春半

南山吐氣朝氤氳萬對桃花和白雲繁空蝶
已無數穿葉流鶯凡幾羣獨客琴中哀鶴操野
人衣上采霞文天涯兄弟勞相憶春半音書佇
未聞

竹

愛汝南牆竹千挺碧巖高下風琤琤羣飛好鳥
似人語一片春湖如掌平蒼苔濁酒已忘世落
花遊絲空攬情猖狂頗慕蘇門嘯踞石時爲鳴
鳳鳴

清明日荅家兄涵峰

清明野寺春風煦忽憶曲江花滿烟蕪雲朔雪
音書外粵女吳兒蹴踘邊捧日長瞻天北極荷
鋤新土瀼西偏五陵豪俠如相問豐草長林只
醉眠

夜話金元賓楊子任吳祈父

月白山青花夜明斗斜人語鵲枝驚虛空不住
雲霞思落魄相期江海情萬里驍騰祗自笑百年潦倒向誰傾他時儻憶山陽社爲問窮途阮步兵

郊臺

酒酣更上吳王臺
却憶霓旌萬騎來
閱世浮雲千古盡
麗天春色五湖開
平原細草游麋鹿
落日陰風嘯虎豺
跋扈飛揚總黃土
當筵須罄掌中杯

暮雨登上方

昏黑馮陵到上頭
諸天風雨颯高秋
千峰楚粵微茫見
百瀆東南浩蕩流
寓世形骸須縱酒
盪胸雲霧幾登樓
端居不爲明時恥
浪迹將騎黃鵠游

雨

紫薇村邊暮雨悲
荼靡嶺上春雷行
湖中風浪忽驚天
畔花柳獨分明
當門銀杏總舒葉
隔竹班雞時雊鳴
忽憶王孫遙萬里
山中蘿薜解含情

送袁斯正游茅山

句容削出三茅峰
上有三仙騎玉龍
華陽洞口瑤華滿
貞白祠前春草濃
石壁烟霞迎海日
天人笙鶴下雲松
憐余爲采千年藥
與子相攜九節筇

憶金陵寺游卻寄劉中丞元端

孔雀墮高落日黃鳳皇臺迥萬山蒼漢家城闕
天中起法界雲霞海外翔紅樓石院調仙樂碧
澗秋花禮道場却羨中丞投笏去欲將彫朽附
慈航

寄王侍御敬止侍御吳人產千燕嘗使
朝鮮賜麟服後以直道謫嶼州今老于
吳

宮袍錯落紫麒麟曾是先皇法從臣海外文
章傳諫草天南鶻魅識星辰荆蠻流寓真吾土
燕趙悲歌見古人綠水名園春更好挈壺花下

伴垂綸

寄徐錦衣君叙

今代麟臺誰第一中山王業照乾坤小宗尚覺
貂蟬貴巨室從知德義尊翠竹碧梧光戚里回
琴點瑟奏朱門腸斷雞山玄學社萋萋春草憶

王孫

曉

日高風細林中眠乳燕班鳩鳴半天傷春老去
怯花鳥痛飲朝來中聖賢流水高山心不競白
雲飛絮夢相牽當門柳色青無賴誰爲淵明乞

酒錢

送郡伯胡公入朝二首

朱旂玉節朝元會
金馬銅龍侍從年
天上五雲新日月
禁中三島舊神仙
風塵荏苒周南滯
郡邑謳歌洛下傳
出入兩朝今仲甫
中興九葉在

周宣

其二

兩岸旌旗東海頭
中流簫鼓使君舟
手持絳節朝天子
腰佩銅符夾帝州
御柳欲迷鳩鵠觀
宮花應繞鳳皇樓
先朝侍從皆伊傅
況復

今王夢寐求

寄題袁邦正白蓮草堂

白蓮草堂涇水頭
出郭况有林塘幽
西山爽氣足遐眺
虎阜流雲堪臥游
錦軸牙籤春燦爛
青藜玄草夜精修
江湖已識風雲器
壁上龍光看佩鈞

山堂

過雨山堂蒸翠雲
四簷篠竹鳥聲聞
青天不動峰文坼
錦石相鮮澗道分
流水桃花真隔世
草衣木食自爲羣
籠鶩寫帖關幽興
却憶風流晉

右軍

飲顧貞叔

看竹時過顧辟疆玉盤冰盃出華堂呼盧當識
江東俊脫帽寧嫌草聖狂列嶂谿山雲朶朶四
筵歌舞月蒼蒼山公自信能騎馬不道城南歸
路長

溪上

白鳥青谿蘆葦林日光雲氣晝陰陰江湖已得
儻魚樂霄漢空懸鴻鵠心結髮入山非慢世放
歌沿瀨有遺音吳官越館皆灰劫漁子樵夫自

古今

夏口草堂撤去窓戶肆設簾几清風洞
越藤竹父悠然有得作

錦石疎花暑氣清翠巖丹壑夏雲生已添海燕
梁間語直看湖帆鏡裏行四壁驚風弦索響千
林修竹簾綈明令人却憶王車騎更覺西山爽
氣橫

諸友夜燕山亭達曉

白鶴青巖秉燭游石湖星斗映天流多才潦倒
如河朔此夕山川即庾樓殿閣鍾鳴蒼靄散海

門日躍赤光浮栖栖寧戚何爲者長夜哀歌獨
飯牛

橫山下種瓜作

山田犧確苦多沙學種東陵五色瓜激澗卽看
穿石竹插籬偏自愛藤花囊中未得餐霞法谿
上時畱泛海槎長日輶耕無一事只須牛角挂
南華

伐竹

空山伐竹聲丁恰有黃鸝相和鳴前峰雲起
黑但逸滿座風生身欲輕支遁買山非達隱季

膺耽酒不須名平生浪迹思江漢欲作天台避
暑行

端陽過錢二孔周

爲愛堂前嘉樹林脩然如坐翠微陰閉門丘壑
堪忘世觸目禽魚總會心縱酒尚憐豪士態擊
壺休詠白頭吟榴花艾葉催時序甲子泥塗已
陸沉

還山作

臥病擁塞夫差城却如野鹿糜長纓荷花菱葉
已秋色白鷺青山非世情竹裏僧廚蒼耳飯江

東客思紫華
羨葛巾不蔽蕭蕭髮高臥長懷灑酒生

岳公房古藤石壁清陰可憇

石壁橫開蒼玉屏古藤蟠曲似龍形林篁背日
寒蕭颯洞壑興雲晝杳冥采葛時聞歌隱隱枕
流長愛耳泠泠支離不願論鍾鼎白日山中煮
茯苓

立秋

黃竹白雲淒已秋中天大火欲西流著書自信
山林拙耽酒都忘日月逍鶴鶩翻騰荆楚闊魚

NATIONAL CENTRAL LIBRARY, TAIWAN R.O.C.

龍濟濱洞湖浮清風似減文園渴荷策將期廬
霍遊

題元賓書齋

NATIONAL CENTRAL LIBRARY, TAIWAN R.O.C.

青齋白日有雲氣臥看參天雙杏林布衾陶器
甘鼎食流水高山鏘玉音簷下鹿麋時寓宿洞
中鸞鶴幾招尋西鄰濁酒荷鋤倦與汝廢歌梁
甫吟

湖夜

水月蒼蒼相蕩摩四天風起碎星河狂來直欲
吞雲夢老去寧辭着芰荷綠酒藏貞時嘯傲青

山作伴夜行歌金輿玉座千年事腸斷吳江東逝波

晚

翠竹紅霞霽景鮮週天日月見雙懸解衣盤礴龍鱗石露頂蕭疎玉屑泉多病馬卿真慢世長齋蘇晉欲逃禪江湖何處無魚稻休問唐生躍馬年

得維揚朱大參升之暨其弟振之子子
介書賦寄

鄴中父子總超傑謝家兄弟尤翩躚德星一簇

射淮水琅玕幾削生藍田鏗鏘恰中清廟瑟博雅宜抽金匱編鶡雛鸞鷟當江海我輩且泛鳴夷船

甲申七夕予任携酒賞蓮迄今丙戌三
七夕矣予任臥病獨坐花下悵然有感
而賦是詩

憶昔秋携花下樽草堂白晝雨翻盆多情却臥維摩榻國色猶誇處士村三伏炎蒸稀見面百年離合幾消磨雄飛雌伏須臾事擊劍悲歌強白吟

送顧介臣入南雍

雞山下瞰玄武湖碧水如玉流金鋪形宮紺殿
日月麗冊府儒林江海紆羨子飛騰鵠鷗急嗟
余濩落蛇龍俱圖南萬里望努力入關便棄終
生繻

和文待詔懷昭慶寺之作

明光起草五雲邊猶憶同參雪竇禪花雨石牀
聽說法竹林茶鼎愛談玄拂衣未許還廬社飛
夢時能墮輞川借問玉皇香案吏何如兜率
鍊形仙

七月

七月流火雲英央渚青沙白湖水明炎氣掃蕩
日月朗風物蕭疏天地清萬里飛鴻時目送一
杯鯰菜足生平秋山木落見東海若個從余攀
赤城

雨

秋堂雨坐竹千林空谷琤琤衰玉旨宿霧簾櫳
圍合沓吐雲山壁映蕭森花枝沾濕鶯交坐水
國蒼茫龍或吟咄咄書空無限意潘郎今已二
毛侵

山中

西山木落秋已分千峰萬峰新霽文望中澹澹
入無色空外冷冷如有聞白羽低翻碧湖水蒼
松靜度青天雲茹芝采蕨有高士擊節長謳鸞
鶴羣

登吳山作

叢篁古檜陰妻淒半然一道青雲梯太湖杯傾
兩山小一水線曲千峰齊林端風色怯虎豹石
上泉聲蓬鹿麝誅茅絕壁吾有意聊與山翁時
祝雞

題山人家

山人抱甕石湖陰苦竹藤花密作林顧汝真成
麋鹿性令余消盡市朝心遶門流水禽魚得入
座東山巖壑深漸喜浣花成近局短衣高笠自
浮沉

病起還山諸友崇酒相慰

閑雲飛鳥一身輕却笑嵇康論養生累月竹林
踈酒伴新秋石壁尚流鶯廬山結屋狂司馬江
左逃名醉步兵寄跡乾坤何足問玉杯銀榼爲
君傾

諸友攜酒餌過越溪

子雲宅邊時載酒杜老牆頭多濁醪風流迴集
高陽侶衰颯慚非北海豪病起漫扶蒼竹杖醉
中相把白雲袍柴門不斷青山屏竚看千峴秋
氣高

衡山內翰許舫過越溪奉問一首

焚魚學士往不返掖垣空瓊梧桐陰青簾白舫
蕩秋色菱葉荷花懷好音今日碧山真不負何
時丹壑辱相尋荷鋤自理蔣生徑高對嬰兒黃
鳥吟

夏日錢二孔周瑛上人過集

丈人晚就招提隱支遁還叅名士流訪我桃花
嵒下客攀翻大鏡閣中遊榓林風細琅玕簾雪
片冰敲白石甌鶴蓋軒車還自熱科頭箕踞乃
吾儔

三伏懷家兄作

三伏炎蒸醉如酒十尺荷花高可憐火雲射日
轉相亢翠壁含風時灑然多病不堪河朔飲沈
冥還憶竹林顛征西旌節翩翩遠腸斷中原羽
檄傳

雨

高山吐雲雷出門翻却玉女洗頭盆草堂颯爽
動秋色病客穩臥忘朝飧漱漱溪廻五柳拂蒼
蒼峰暗九龍蹲蕭條兄弟拋天末空對芙蓉悵
消尊

晝寢

青山索居堪永世白日高臥久亾年百年將半
未聞道一壑幽栖真葆光豐草長林獸爭挺清
谿錦石魚相忘秋高肺病可消減還上振衣千
仞岡

蔣大參子雲文內翰徵仲王祠部直夫
過訪山中作

空山臥病披白雲荆扉忽集鸞羣客星烟炯
在河渚傲吏翩翩遺世氣落日風清玄谷籟平
湖雨濯繡峰文野人惟有東林月今夜清光分
贈君

諸友携菊載酒至

菊花滿叢酒滿觴嘉賓奕奕森琳琅蒼松白雲
秀絕壁玉亮金雁喧廻塘自疑豪宕類北海轉
覺村墅如柴桑齊觀大小總天地且與丘鶴相

翱翔

秦子尚之文子壽承毛子九疇過飲作
高秋爽氣嵐霞新青山入座開嶙峋虛舟川上
本無繁濁酒林中還自真百尺垂楊停燕舫一
羣啼鳥響嘉賓諸公自是烟霄侶肯憶支離江
海人

臥病書事懷左給事中家兄履約時監
軍關西

江湖病客遙可憐碧篠紅渠相映鮮長卿偃仰
薄官秩陶令清狂無酒錢未見高禊祠五祚似

聞烽火達甘泉繡衣使者銜 龍勑日暮關山
何處邊

簡袁五永之

翠壁冥濛日吐雲湖中雨色未全分清時自覺
山林逸野性偏於鷗鷺羣小艇廻谿期泛鶴夕
陽高柳遲論文衰容已謝當塗子他日同飯滄
海君

雨後泛湖過楞伽寺

湖上羣峰環翠屏雨餘泉壑杳瀧靈鷲鳴故傷
山人艇江漢誰占處士星野寺松杉叢古殿竹

林風日淨虛廳空山自結荷衣侶石榻來繙貝葉經

閑居

遙舍扶疎千對林古堂鶯語晝沈沈山童佐舞
調雙鶴病客閒居戲五禽阮籍猖狂讐禮法仲
長樂志薄朝簪馮高更覺青冥遠弋者徒聞黃
鸝音

席上贈天池山人陸采

天池山人氣宇奇擊筑同酣湖水湄紫鬢灑灑
飲無算白眼茫茫知是誰門對西山霞日爛坐

臨秋壑澗花垂呼鷹走馬長千里却憶狂遊自
下時

立秋日病起作

病客朝來梳粧中柴門今日秋風新英英雲朵
白於雪靄靄山光青近人靜列圖書千挺竹老
甘溪洞一杯尊遠期相如名山去王洞金堂寄
此身

宗伯招過訪作

盛世徒嗟麟在野空山喜見鳥求聲巖平總棄
人間世郭泰終懸海內名石壁寒雲蒼枯秀霜

林落木紫芝榮相看歲晚堪携手轉見江湖浩蕩情

山中答顧中丞華玉見寄之作

湖上秋風吹錦林丹青巖壑迥蕭森鏡中魚鳥忘機久象外雲霞觸思深濁酒蒼苔顧嬾性高山流水愧知音清時投笏誰能但贈爾冥鴻萬里心

秋日

木落風高征鴈羣渚青莎碧石湖瀆山堂颯爽翻黃菊石登嶺旅掃白雲賣卜君平非辟世閉

門玄晏實耽文深林絕壑高眠穩不道雞聲中夜聞

尚之過飲菊下有作奉同一首

菊花爛熳開滿堂白雲翠壁搖秋光管寧榻靜坐終日陶令籬疎時一觴野鶴向人紛自舞浴鷗喧渚澹相忘老農饌客唯羸羈祇賞南山萬疊蒼

壬辰歲至日諸友過飲作

柴門病起逢陽生雲晶日采搖虛明桃花蒸暖劇欲吐楊柳籠烟殊有情看竹已應憐子敬當

筵總復似公榮，越溪春色渾翻動。
次第風光把盞迎。

九日衡山內翰燕集溪堂有懷酒峰伯氏

十日風雨今日晴，秋湖倒映千峰明。
溪堂烟燭德星見，崕崿冥冥嵐翠生。
風花節序轉姿媚，人物山川稀合手。
把更杯獨惆悵，天涯鴻鴈想南征。

劉司空南坦自呂山遠寄松英藥餌

隋朝曾挿侍中貂，步履星辰上紫霄。
忽憶故山

還拂袖閒臨流，水臥吹簫坦林晝。
雪圍松蓋弁壑秦陰長，藥苗寄我遠。
從丹洞口報君惟有白雲謠。

雅宜山人集卷六

雅宜山人集卷七

明吳郡王 審 撰

五言排律

正德稿

虎丘東溪漾舟

獻策未能遂春山數展遊兩行花對發一鏡水
平流似得桃源去何慚刻曲幽高枝懸幕下落
翠把盃浮擁棹波紋亂迎檣燕語稠雲光披石
磴靉色滿汀洲山簡何辭酒知章況有舟機心
吾已矣舞袖拂沙鷗

石湖作

臺灣國家圖書館 NATIONAL CENTRAL LIBRARY, TAIWAN, R.O.C.

雅宜山人集卷七

明吳郡王 審 撰

五言排律

正德稿

虎丘東溪漾舟

獻策未能遂春山數展遊兩行花對發一鏡水
平流似得桃源去何慚刻曲幽高枝懸幕下落
翠把盃浮擁棹波紋亂迎檣燕語稠雲光披石
磴靉色滿汀洲山簡何辭酒知章況有舟機心
吾已矣舞袖拂沙鷗

石湖作

臺灣國家圖書館 NATIONAL CENTRAL LIBRARY, TAIWAN, R.O.C.

自得名川勝沿洄殊未窮秋高千嶺出地闊五
湖空古堞雲橫雉縣梁影卧虹樓船催畫鼓野
寺落丹楓綺席波光蕩紗牕霧氣通山人何惜
晚歸路使樵風

五言排律二

嘉靖稿

文二丈內翰過山莊作

蔣逕薜蘿合仲園山水圍憐君棄金馬數爲訪
荷衣酌醴枯魚饗調羹菰米肥溪水華淨嶺
嶺秋霞飛林茂鳥聲樂山空人事違靜知觀槿
暇歌識采菱歸密篠盈丹壑高花落翠微相招

桂樹隱共急漢陰機身世杯中物生涯湖上磯
洋洋必之曲客去掩荆扉

山居即事

靜鍊齋心後焚香清燕餘鮮雲常抱石垂楊半
拂渠蘿壁夏陰合槿園秋氣初巖花枕上落山
翠鏡中舒余秉棲霞性賴茲脩竹居人如叔夜
懶道奉老聃虛室有盈觴酒門無結駟車石壁
莓苔古金塘菡萏疎瑤琴山水奏竹簡鳥魚書
陸生十好畤陶令愛吾廬庭擾冲霄鶴溪翻樂
藻魚不鳴還學鴦全生本類樗已矣衡茅下眷

言終荷鋤

新秋夜坐

臺灣國家圖書館 NATIONAL CENTRAL LIBRARY, TAIWAN, R.O.C.
流螢乍拂棟明河初亘天空山今夜坐秋思獨
娟娟衆壑流清響千林迷白煙草蟲喧石壁海
鶴唳芝田默默撫玄化潺潺聞暗泉朱華行已
矣金氣肅無邊夕卧馬卿疾彌催潘令年浩蕩
風塵裏蹉跎江海前黃金臺縹渺白璧涕潺湲
已謝先容木徒贈繞朝鞭生平紫芝戀巢協青
山緣明發懷禽尚臨風意慨然

遊覽册二三子作

芳挹北山桂飢茹南澗芝悠悠二三子空谷白
雲期淨業青蓮宇澄懷秋水陂閒來展玉冊興
至引藤巵自取山人適而將玄化窺朝隨野鼯
出暮與落霞之龍性誰能擾鷗機本不疑形骸
元土木悔吝廻磷縕是節方流火涼飈清我肌
露華盈北渚月采耀前墀松作笙簧聽川將縞
練披酣歌似河朔清燕類南皮若問窮通理蒙
莊吾所師

山居簡湯二子重

山空更秋雨人嬾復懷疴悵矣采芝暮悠然伐

木歌鏡窺潘鬢改室暗范塵多哀響跕櫛度殘
鐘夕靄和峰當蘿戶列泉繞薜堂過倚樹調玄
鶴臨流弄白鵝崩楂橫斷岸急溜瀉圓波林芳
坐銷歇歲晚將如何

酬張子言寄遊西山之作兼呈王子美

朱子介

茲山拱帝州聞爾麗春遊北枕居庸塞東馳遼
水流金屏障魏闕玉壘壯神丘海日呈仙掌霞
天映石樓龍輿曾此駐鳳吹至今留香刹千巖
起珠林萬壑稠懸泉飛噴玉空樂亂鳴珠紅憇

桃花磴青依藺葉洲九仙芝蓋集三日羽觴浮
夜宿星龕靜朝攀霧洞幽采真隨白鹿望氣識
青牛寶思名山發璫章下里酬羊何應共和矜
阮本同儔獨有南冠客年年滄海頭

曉

綠荷遙挺蓋紅蕉半卷書秋風一蕭瑟簷影散
扶疎宿雨澄氛靄朝陽翔太虛人煙雜魚鳥山
翠滿庭除碧委梧桐始紅催苗苜餘天心察羣
卉貞性在幽居峰態隨霞變瀾光與日舒莫將
憔悴色貽笑楚江漁

雨後

林園過雨後澗壑淙潺靜院霞光落虛簷翠影還夕陽時漏竹秋聲併在山銀塘荷葉晚錦石蘚花班壁挂秋琴淨人同野鶴閒傍崖流石乳臨水秀松顏只此自怡悅那知人代間

七夕與朱子日宣正上人

河橫見機石月靜敞針樓山人不乞巧風物自觴秋哀響激林壑肅氣警衣裘婉變邑子集清爭野僧留湖練光初動煙綃擣未收停巵聽鶴唳褰幌看螢流有客歌商頌聲如金石道

五言絕句

嘉靖稿

秋夕四首

秋風日夜清房櫳有佳色悠然東窓下落落羣

松直

其二

山月照石壁爛熳舒金波颺颺梧桐委孤鳳其
如何

其三

白露警秋鶴哀音中夜聞瑤琴爲掩奏飛響入
青雲

其四

巖窟夜犬吠寥寥人境空羣動皆已息孤嘯深

山中

山中折杏花寄元賓

山中杏花開上有黃鸝語折寄同心人相思渺何處

堯峯十二咏

半峯亭

孤亭倚翠微青青四山抱期與鹿皮翁石上餐

瑤草

清暉軒

康樂戀清暉徘徊碧霞裏而我愛名山學道終已矣

碧玉沼

山中百道澗噴薄落金池倒見芙蓉碧洋洋堪

療飢

觀音巖

攀厓采石髓躡磴訪金仙壑壑香花滿祇疑兜率天

白龍洞

白龍吐巖洞。霧雨長冥冥。或化白衣老。空山來聽經。

多景巖

群峰翔龍鳳。效奇多景巖。道人勞應接。長日倚風松。

寶雲井

月照前山寒。夜半吸深井。鏘然古銅瓶。投盡千尋绠。

偃蓋松

蒼松偃巖苔。屈曲如蟠龍。有時風雨來。天上聞

笙鏞

鐵塔

鐵塔翔雲表。飛從海上來。靈瓏七寶碎。面面毫光開。

妙高峯

獨立峰之巔。群山伏在下。遨遊青天中。雲螭爲我駕。

東齋

旭日散高齋。離離檀樾影。焚香對寶冊。古院蒼苔靜。

結菴西岩中落日丹霞爛群峯闔將夕紫翠交

凌亂

六言絕句

嘉靖稿

楞伽之麓有堂三楹堂前有竹數百挺
竹間有泉余與諸友所遊憇而藉以遺
世者也掌之者僧方正遂謂之曰古泉
上人余倡爲短歌二章諸友和歌之云

耳

我輩慚非玄度羨君不減支林古木脩篁道院

清泉白石禪心

其二

清夜泠泠琴筑春風片片桃花洗耳直超千古
臨流共演三車

七言絕句一

正德稿

春盡二首

榮華夢想今何在江海飄零未有涯可惜少年
留不得東風二十五迴花

其二

花枝酒盞獨無因兀坐騰騰過九旬百歲韶華

金不換若爲狼籍此番春

詠馬三首

支公櫨上憐神俊漢武關西產渥洼笑我騰驤
何處用齊雲樓下醉穿花

其二

紫勒紅纓雪色毛可憐驕態點頭高能窺新月
藏朱閣慣惹花枝胥白袍

其三

春色平臨雪際開山河如錦馬頭廻垂鞭杜曲
看花去下黃酒來

送伍主事疇中

仙吏朝天畫鵲催石湖飛雨錦帆開謝安強爲
蒼生出還戀東山酒伴來

宿龜山三首

海嘯湖傾天日黃片帆指落龜山陽長年三老
遙相問公無渡河且徜徉

其二

湛湛長江楓樹林仙家遙住翠微陰舟中昂點
屏風疊天上靈瓏山水音

其三

浪打天門蹙百川風雲湧洞漭無邊未騎白鶴
三山去猶伴沙鷗一宿眠

歸途覽勝追懷遊事八首

雲飛玉立恣奇遊海上三山十二樓此日圖經
窺禹穴他年雞犬十丹丘

其二

十日窮憊辭碧山片帆輕拂五雲還桃花流水
仙門曲回首重迷銷夏灣

其三

雲作樓臺石作蓮青天不動畫屏鮮棹歌一道

滄浪去指點虛無范蠡船

其四

一柱支撑高浪中丹房石室閟靈籞即看天目

雲門對更取峨嵋雪嶺通

其五

千里草羨縮項鯿黃甘朱橘不論錢杞樓把酒

山川滿高嘯何如李郭仙

其六

東南流木蓄三吳浩蕩排空砥柱扶日月高懸

騰寶氣山河長拱衛靈符

其七

七十二峯森挿天丹青畫出劇堪憐蛟龍伏窟
湖如掌獨掛雲帆向日邊

其八

暫往未償山水志機心應愧孔鸞群食芝餌木
他年計暗向空中禮白雲

七言絕句二

湖上八絕句

嘉靖稿

石湖春色太可憐却似美人明鏡前錦甸平鋪
鴨綠水白雲飛動蔚藍天

其三

星橋北掛瀉春流映出黃山水面浮霞石天青
飛練鵲桃花氣暖醉輕鷗

其三

春山面面翠屏開盡繞吳王百尺臺一代霸圖
憐盡減五湖流水恨東廻

其四

越來溪上柳千絲畫鼓游船晚更移一曲紫雲
歌越女雙鬟白雪舞吳兒

其五

三月暮春春服成含風疊雪越羅輕生憎乳燕
撩春色轉遣飛花蕩酒情

其六

數松磊落千尺強恰如天際羣龍翔吟風嘯雨
中琴瑟大澤深山藏棟梁

其七

登山臨水春將歸獨樹桃花猶未飛玩世繁華
真歎忽後時顏色轉霏微

其八

古木朱藤踈着花淡雲斜日淨江沙黃金臺上

無推轂白石山中有歲華

題文待詔山中詩卷

康樂流傳臨海作一時文采媿羊何只今寓直
金鑾裏還憶東山舊薜蘿

丙戌春寓楞伽精舍杏花盛開忽雪霰
文集山僧折枝作供戲效白體賦二絕
山房昨夜杏花開惡霰狂飈橫妬來折取一枝
禪榻畔紙屏聊當避風臺

其二

十載空門苦行深銷除不盡惜花心一枝傾國

渾無賴老衲狂來擊鉢吟

散步楞伽諸院口占短句

高下禪房依碧山
花枝叢歷鳥間關
風光處處能牽惹
野鶴孤雲不記還

草堂新製紙屏燕坐悠然作

紙屏合沓白雲圍
無數風花蹴燕飛
縱有道書拋不讀
北山長日閉玄扉

江上望海門雜歌五首

海門日出天蒼涼
翠壁紅霞奇錦張
羣仙夜飲西王母
清曉雲中騎白羊

其二

手持金策振鈴鈴
背插龍泉湛七星
累月清齋餐翠柏
數千文字寫黃庭

其三

帝里嵯峨鵠鵠觀
仙家崔兀金銀臺
九天光彩亂撞射
五色雲霞時往來

其四

金山山下龍門開
白日波濤萬里雷
三老嘯風輕掣過
天吳罔象劃爭廻

其五

鞭石仙人去不返青天欲渡愁無梁我今飽撥
金光草耳後生風一日翔

丙戌歲家兄復約釋褐南宮歡喜口號
八絕句

彩帖泥金日下傳蓬門花柳闔雲煙十年破篋
長楊賦草褐宣呼玉座前

其二

高懸日月黃金榜對列星辰白虎宮即喜今王
頻策士湏知江海有孤忠

其三

北極長安廻北十南天雲樹引南枝曲江風日
渾如錦可遣池塘春草知

其四

天上五城十二樓龍翔豹變玉京游中興九葉
重瞳主黃甲當朝第一流

其五

御柳春風想玉珂官袍新剪內家羅他時戲彩
高堂上不數山人着芰荷

其六

驟耳驛韶天下奇十年伏櫪幾摧眉騰驤不美

黃金勒要識龍駒千里姿

其七

平生自許赤心存
謁帝真趨金馬門
海日朝鳴南丘鳳
天池春化北溟鯤

其八

磊落衣冠報主身
酒壚風竹漫藏真
古來麟閣峰嶸客
多是江湖骯髒人

送陳太僕德英歸省閩中四首

三千駞乳蹴天闊
光射房星北斗間
總道君王賜顏色
特教洗沐武夷山

其二

武夷靈山天下聞
曲曲峰巒生紫雲
萬疊摩空將獻壽
一星南極正垂文

其三

金魚象笏孔鸞袍
卿月青天度嶺高
孝子忠臣今疊見
山林鍾鼎與蕭騷

其四

南歸應上越王臺
繡壁金城一面開
莫道浮雲能蔽日
燕關紫氣正東來

庚寅歲九月廿六日寓治平寺高齋紀

事

高齋盡日看雲生枕上平湖一片明二十年來長嘯客山中松柏鮮知名

新築越溪莊薛與忠過訪喜賦三絕句
複嶺重湖錦繡中翔龍舞鳳下虛空倚天一劍
風雲壯指掌全吳氣勢雄

其二

萬壑千巖當我門風流寧帝浣花村浴鳬飛鷺停書舫草服黃冠啜瓦盆

其三

桑者閑閑竹嶼深春風蠶月柳成陰黃鸝紫燕鳴相和此是雲山韶濩音

古泉新齋對丹楓作

紙窓棐几竹間房一樹丹楓倚夕陽啜盡茶甌猶不去野人偏自戀秋光

秋日過千上人山寮作

石菊菖蒲淨小寮跏趺相對篆烟消冥心久入空門但不記人間有市朝

途中作

春盡官河春水生兩行垂柳欲藏鶯離家一月

腸千結解道梁園病馬卿

雅宴集七

雅宜山人集卷八

明吳郡王 瓮 撰

七言絕句三

臺灣國家圖書館 NATIONAL CENTRAL LIBRARY, TAIWAN, R.O.C.

贈錢光祿元抑掛冠還山十首

春明門外玉河橋軒騎如龍半下朝總道群公

餞光祿山林鐘鼎各逍遙

其二

太常曾奏數行書野鶴山雞只自如玉冊金章
光使節赤墀青瑣夢蘧廬

其三

腸千結解道梁園病馬卿

雅宴集七

雅宜山人集卷八

明吳郡王 瓮 撰

七言絕句三

臺灣國家圖書館 NATIONAL CENTRAL LIBRARY, TAIWAN, R.O.C.

贈錢光祿元抑掛冠還山十首

春明門外玉河橋軒騎如龍半下朝總道群公

餞光祿山林鐘鼎各逍遙

其二

太常曾奏數行書野鶴山雞只自如玉冊金章
光使節赤墀青瑣夢蘧廬

其三

羨殺漕湖即鏡湖桃花流水入虛無南歸不向
君王乞元是滄浪舊釣徒

其四

芙蓉闕下解朝衣白石山中長蕨薇借問季鷹
思玉鱠何如方朔隱金扉

其五

漢主龍飛乘紫霓嚴生苦憶桐廬谿錦袍不易
羊裘暖一壑應將千乘齊

其六

潤酒一杯琴一曲圖書千卷竹千竿江東自古

多高逸不見吳門梁伯鸞

其七

天下山川數會稽千巖萬壑使人迷黃冠豹賜
雲霞主別有仙書降紫泥

其八

稜稜骨肉稱山林流水間雲淨道心芝草琅玕
能久壽洞天福地合投簪

其九

玄晏先生好著書懶心久與市朝疎君看黃鸝
冥冥去肯羨群鴟腐鼠餘

其十

寵也江湖落魄生玄心時夢采真行何時共隱
屏風疊騎二茆龍朝太清

虎丘送許仲貽

旗亭卮酒送君還去鳥流雲信宿間日暮銷魂
此爲別望君重上虎丘山

偶題

飛花一片逐行雲三月韶華忍見君恨殺越來
溪上柳萬絲難繫鳳皇群
送參政泉州胡公五絶

東望海門多五雲牙檣錦纜日邊分仗鉞乃知
牧伯貴賜袍新出孔鸞文

其二

虎符連鎮浙西東千里山河錦繡中漢代文宗
讓司馬河南治行有吳公

其三

吳門車馬若雲屯看送關西胡使君曾是玉皇
香案吏名山處處勒新文

其四

文采風流天下傳中流盡鵠仰神仙千篇詩草

遺吳郡百里棠陰盡海壠

其五

五嶽七星瞻我公
樞衣質難數趨風
百年志業宮牆外
千里雲霧涕淚中

桃源縣見桃花作

桃縣桃花千樹新西風惡浪大淮濱故園春色
穠於錦腸斷天涯旅泊人

贈丹泉子二首

丹泉上與銀河通百道飛流元氣中復洞懸崖
雷隱隱玉叢瑤草雨濛濛

其二

大滌山人餐紫霞不湏勾漏訪丹砂倚天翠壁
猿垂飲噴壑銀濤鳥戲花

雪

姑射仙人衣鶴羽空山行雪思泠泠平沙歷亂
開銀磧削壁嵌釜掃玉屏

阻風清河寄日宣

誰解清河是濁河出門旬日倦風波越溪柳色
重重翠憶汝臨流弄白鵝

憶山莊蠶事作

素業湖邊十畝桑柔枝沃若競提筐黃鸝紫燕
相將語應識山人舊草堂

寄元賓祈父時二子館于陸墓

長蕩遙連齊女門春來花柳似雲屯羈人枕上
江南路昨夜相逢陸墓邨

清明

湖上千家插柳枝清明風日落花時鞦韆蹴踘
無情緒禪榻茶烟有鬢絲

寄題袁向之齋中合歡葵

舞衫疊翠雙廻影宮額塗黃兩闌新寂寢揭雄

玄草室合歡花笑獨眠人

歲暮

青山釀雪長陰陰歲暮蕭條棲北林朱門獸火
炙天熱不動哀生高臥心

夜

空山欲雪夜燈孤敗絮蒙頭擁竹爐斗室圍圜
翻耳熱不知窗外有重湖

月

娟娟霜月夜寒侵宿莽澄湖入望深白矣山中
雲卧客一床林影類棲禽

越溪莊作

翠竹黃花湖上村
西風喬木撼柴門
誰人解識支離子
草屨牛衣自牧豚

雞鳴山夜聞笛寄日宣

雙笛飄飄入紫雲
空山哀調不堪聞
可憐明月人千里
摘得梅花特寄君

歲首諸子燕集

歲首江湖雪霽來
柴門野客物華催
相過莫厭杯千匝
此是春風第一迴

初夏

夏木沉沉綠簷濃
後峰鶯語應前峰
石牀曲几閒調息
消盡浮雲意萬重

夜

山腰小閣夜焚香
烟滿平林月滿床
十里春湖明滅外
竹枝歌散一天長

新茶

吉日分蜂穀雨晴乳茶芽
筍試新烹五侯甲第誇
鸞鼎不識人間有大羹

三月十三日晚霽與日宣倡上人循吳

山麓徐行看杏花作

漠漠春陰睡思慵興來扶策過前峰日斜更倚
風篁磴試望誰家花正濃

其二

宿雨初收麗晚霞江煙澹薄籠紗山家翠壁
團春色野客敲門看杏花

雨

南園踪雨看移橙石逕蒼苔舞鶴迎一片笙簫
聽漸遠畫船歸盡晚川平

上巳

錦繡山河碧玉天傾城士女簇花鉢年年祓禊

春湖曲解道江南樂土偏

雨過

軒窓雨過綠交加山鵲羣飛噪晚霞爛熳一番
春夢覺東風時掃日南花

弁公房看牡丹

水瓶香鼎晝垂簾一樹名花繡佛前不似洛陽
姚魏色太清宮裏玉華仙

還山

十日春城醉牡丹酒痕狼籍舞衣殘今朝還入
空門侶自拂徐揮講涅槃

同王子美湖上看月二首

百尺星橋卧綵虹青天飛鏡水涵空憑君看盡人間月誰似湖山枕簟中

其二

酒榼茶鎰步步隨春江花月夜何其故人明日京華去任說山公倒接羅

鶴窩

紅杏花東理鶴窩短墻踈竇護雲蘿百年丘壑應憐汝萬里煙霄可柰何

晴

山齋晴日煖蜂遊撲地飛花點點愁隔塢紺桃驚一簇却疑春在水西頭

春夜醉臥備公房口號

酒後參禪最上乘空山獨夜思騰騰分明記得前生事曾是楞伽寺裏僧

越溪莊十絕句

湖上堂開桑竹林山人日坐翠巖陰百年落落皇王事一壑冥冥遲暮心

其二

山水廻環隱者栖丹青畫出越來谿千重柳色

鶯難見夾岸桃花客到迷

其三

勾吳名山如錦屏百里合沓迴青冥龍翔鳳跱
盡奇態日夕嵐光朝戶庭

其四

星橋南挂象天河春水桃花湧漫波一曲漁歌
江海調不知清廟有雲和

其五

翠栢丹楓參政祠衣冠賓從相當時唯餘天鏡
樓中月還與山人照酒卮

其六

古丘盤屈臥龍長何似藍田華子崗落日登臨
一長嘯却驚空谷有鸞皇

其七

吳臺越壘屹相參錦繡山河幾戰酣千古霸圖
狐兔穴野人長弄百花潭

其八

草堂正面湖之陽白日千帆明鏡翔丹崖繡壁
芙蓉坼錦浪文鶯杜若香

其九

茶磨楞伽倚翠微雨花長共白鷗飛東林爲故
淵明酒狂客時過舞衲衣

其十

越王城邊高柳陰中有幽人涵道襟酒杯書卷
林間樂煮石餐霞塵外心

冬日二首

列岫盈窓紫翠屯孤烟時起瀼西村日長幽鳥
如琴筑院院松蘿靜掩門

其三

媚眼風光恰似春白沙黃荻水粼粼軒窓遍啓

拋書坐鬢鶴襟期土木人

臘月二十四夜觀野燒二首

山頭野燒似星攢羸得兒童動地歡歲暮風烟

江海思越城橋畔一憑闌

其二

千家然火照田蠶翠壁丹厓燭影含旋喜春風
催節序不知身世老江潭

昨與袁與之談荷花蕩之勝與之云未
識遂賦六絕句呈覽或可當卧遊耳

荷花蕩裏采蓮歸九龍山頭暮靄微輕身倚檝

下前浦花氣人香逐浪飛

其二

青山如屏碧水廻萬朵苗苔參差開歌船舞棹
垂楊畔十里繁華錦繡堆

其三

藕枝如玉翠蓮房白白溪魚紫荇香落日舵樓
傳玉掌中平列萬山蒼

其四

蕩裏人家齊賣蓮十五女兒工數錢柴門一片
花如錦野老風前高樹眠

其五

吳王城中十萬家赤日搏空蒸紫霞山人散髮
弄秋水自狎鵝羣兼看花

其六

蔣福山瓜頰玉如冰盤削出錦筵舒持杯忽憶
東陵子昨日王侯今荷鋤

春日吳子雨過山居作

雨重烟濃山更深半窓樓閣晝陰陰道書一卷
香凝榻巖翠千層鳥墮林

湖上逢曹子繩之

童子論交二十年舊游濩落已茫然石湖三月
鶯花雨忽漫相逢野寺前

西陲告寧喜家兄還朝五絕句

五月神京喧出師 天王赫怒勦獯夷近臣拜
捧金龍勑大將高懸白虎旗

其二

我明赫赫雷行天萬里折衝香案前半夜胡兒
鳥獸散邊人馬上髑髏懸

其三

紫微舍人尺五天西征書記何翩翩即看玉節

臺灣國家圖書館 NATIONAL CENTRAL LIBRARY TAIWAN, R.O.C.

臨關右旋喜朱衣朝日邊
其四
自古咸陽稱帝州終南萬疊黃河流使節方生
覽形勝書報山人聊叶遊
其五

秦中壯麗多奇夫深山大澤蛟龍徂籌邊儲將
正今日還有封囊薦剡無

曉起飲蕉露作三首

紅蕉含得金莖露翠葉疑擎仙掌盤一勺靈漿
和玉屑清風颺颺擬騎鸞

其二

每羨靈仙握石髓嘗聞丹洞吸朝霞我亦山中
餐沆瀣他時五內發金砂

其三

管城知非食肉相王烈嘗逢石乳流山林鍾鼎
亦何意玩世總作逍遙遊

石民望朱日宣正上人雨集草堂摘芙蓉作二首

名花綽約映彤簾一院苔痕翠雨霑野老過墻桑落酒山家留客水精鹽

其二

玉箸流膏紫蟹肥山堂開醕白雲飛柴門靜掩無塵到舞鶴當晬弄雪衣

董子元宅有牡丹名舞青娥賦詩奉乞見說名園多異花春風春日闌妍華若爲乞得肯娥舞分取巫山一片霞

張子月鹿彭子孔嘉金子元賓吳子祁父過越溪莊命酒芙蓉灘作

千朵芙蓉開錦屏長林暮靄青冥冥嘉賓映坐鸞鳳集野老扶藜土木形

秉燭花下再賦一首

銀燭紅粧相映輝
美人嬌醉舞羅衣
空濛合恰似巫山行雨歸

湖上

群峰合沓錦屏圍
樹色泉聲帶晚暉
盡日拏舟無一事
平川十里看鷗飛

西齋雨坐與日宣三首

西齋晤語靜焚香
寂寂山家秋晝長
千朵芙蓉映修竹
一羣沙鳥浴廻塘

其二

屈指重陽只三日
無那風雨喧
秋江茱萸滿枝菊
半吐況復新芻香滿缸

其三

肺氣秋來覺漸蘇
此生無忘甘江湖
左手持螯右把酒
仰天擊缶歌烏烏

越溪芙蓉盛開病不可風童子曰摘三
花作供二首

美人縹渺欲凌波
日對三花可奈何
爲爾多情更多累
紅妝惱殺病維摩

其二

葉葉花花曉露新天姿奇艷絕風塵還疑金谷園中種何似昭陽殿裏人

冬日過高齋

暫往常爲竟日留此身無繫只虛舟青山百疊湖千頃肯易人間萬戶侯

蚕忌

鶯老花殘不記春閉門蚕忌動經旬寧知畫閣鳴箏女墮地粧成錦繡人

草堂竹

紫端新浴墨波香竹覆南軒翠陰涼一縷爐烟

凝不散數聲鶯語哢偏長
戲箇補之與之

伏枕聞君樂事偏鉢蟬金鴈搃堪憐何時共醉桃花鴉解盡春衣當酒錢

落花

花枝瞥眼又闌珊誰乞黃金反少丹一院殘紅堆不掃春風開落兩廻看

課農

風雨冥冥花未濃野人湖上課春農酒酣不見高陽侶愁殺山齋獨聽鍾

踏青

茶磨山前水似苔紅粧隊隊踏青回衣香花氣
熏人醉蝶蝶蜂兒撲面來

嘉靖癸巳三月晦日將往白雀寺與碧
峯禪師虞山泛舟二首

層巒疊壁映朱簾風軟塵香四月天十里山塘
看不足翠屏合沓午雲鮮

其二

遠公相對靜移舟山似芙蓉水似油白雀白蓮
堪結社送余還過虎溪頭

宿白雀寺二首

木魚聲起梵音長子夜焚香禮道場病客齋心
渾不寐萬緣都掃事空王

其二

繙遍華嚴幾卷經殿堂突兀帶春星此身已習
禪林俗破衲枯藤野鶴形

王翁竹泉過訪頗談仙莊之勝贈五絕

句

白鬚瀟灑葛巾長可愛仙翁鸞鳳章十里相望
雲不隔丹泉綠竹午橋莊

其二

短棹經過荷茗爐
荒村古寺訪潛夫
仙莊自秘長生訣
笑我青山調水符

其三

丈人折行意交傾
伐木丁丁山鳥鳴
玉塵徐揮風骨爽
碧瞳相對道心生

其四

偶隨白鹿下仙莊
衣上猶餘竹粉香
見說萬松森絕壁
清風終日奏笙簧

其五

人世分明有洞天
野人逸興忽翩翩
嵇康又願從王烈石上同餐玉髓泉

六絕句

臺灣國立圖書館 NATIONAL CENTRAL LIBRARY, TAIWAN R.O.C.

遶郭圍屏十八里
尚湖華蕩舒其前
山明水麗照斜日
一片天池千朵蓮

其二

芙蓉疊壁錯奇錦
琉璃千頃搖青空
把酒掀簾一長嘯
真堪狂殺米南宮

其三

隨山高下野人家春夏林深不斷花可柰流鶯
千百轉陰陰綠樹映紅霞

其四

朱樓紺宇鬱相參倒影斜飛墮碧潭落日畫船搖曳處土風還自樂江南

其五

晴空飛雨灑輕帆倚棹遙臨拂水巖十里煙嵐翠欲滴令人思且桃花豎

其六

故人相送且夷猶煙渚微茫起白鷗他日更期

徐孺榻上竟還醉上酒舟

送陳子良金陵二首

風雲盡入一匹素練長江分段間紫氣

勸牛斗箭角爭歌送

其二

金城玉壁帝臺經年不鳩鵲樓看君草就三都賦遜爾同爲五嶽遊

雜言山人集卷八

雅宜山人集
四冊

臺灣國家圖書館, NATIONAL CENTRAL LIBRARY, TAIWAN. R.O.C.



雅宜山人集卷九

明吳郡王寵撰

賦頌序扣

迎春賦

欣陽和之迴馭穆上皇於東方瞻山河以占氣
冕朝霽而蒼蒼澹萬里之風煙靄容與而含光
何芳春之乍臨而膏沐之滂滂也於時皇風載
夷長吏崇規矧三吳之靈境表都會於南陲山
川環帶風氣華靡百花洲上春雲麗烏鵲橋邊
春日遲春雲春日共交輝無數樓臺向景披紛

臺灣國家圖書館 NATIONAL CENTRAL LIBRARY, TAIWAN. R.O.C.

九衢之紆直貫金城而交馳抗飛梁於臨首跨
綠水之逶迤若個陌頭無擁匝若個遊人不解
眉共傳春色天涯至爭道春光今日宜龍嚮寶
勝飛雙隊鳳吐流蘇拂四垂粲綵花之歷亂紛
羅葉之歲蕤窮剪綴於萬態絢丹碧之陸離玉
釵弄影娉婷女紈袴棲香輕薄兒高調遏雲而
羣奏繁絃應手以逞奇莫不目眩神竦耳觸心
悲則有王孫接騎公子交嬉千金換馬尾搖絲
八寶裝鞍光照地飛鞭誤觸綺羅車敲鐙誰知
臺府吏慕鴛鴦之野偶願鸞皇而接翅弄袖妝

妍傾身佯醉臥目成之我與又恍惚而靡遂雲
開朱閣對芙蓉日射彤簾藏翡翠芙蓉翡翠一

時新總是江東絕世人動館娃之春思慕西子
之芳塵蟬鬢新傳宮掖樣雲光恰似洛波神每
嬌羞而掩態或搖曳以呈身翩翩飛燕能輕舉
嫋嫋遊龍不可親默含情而未吐恨鬱思以何
伸徂道春歸春意濃寧知春到春心亂嘆佳期
之寂寞悲年華之屢換朝朝璫圃愛花開夜夜
闌堂看月滿花月娟娟能幾時榮華冉冉嗟將
半信春思之飄揚亦春愁之瀰漫年年風景倍

傷春歲歲彫零無故伴於是儕本賤人沉淪江
海見沙際之春歸驚天南之歲改紫禁春光不
可攀朱顏春色那能待悵日月之易道撫功名
之安在齊雲樓下幾逢春徂是當年原憲貧差
池春羽慙黃鳥憔悴春衣懸紫鵠吁嗟平弱柳
絲絲拂建章宮花朶朶艷長楊人生不及春花
柳長得天池繞鳳皇

觀物賦

家兄有金鑪朱几各一予觀而愛之因命賦焉
其辭曰

信茲物之佳麗超羣美而莫當液金精以鍊質
騁寶刀而呈祥文韋並發規矩齊良爾其委蛇
甲帳燕寢洞房或玄談於素室亦雲會於朱堂
隨宜不滯應用無方薦右座之錦席飄南海之
奇香丹縠掩色紫蘭罷芳瑤華之器君子之光

參差賦

余聞王卿子美文子壽奉皆善吹簫賦以贈之
曰

彼江南兮紫管洞冥罕節兮條迺提會兮象牙
爛朱脣兮金鍍承公子兮光御發宮商兮清秋

卷明月兮翔東矣要眇兮雲中擣佳人兮燕後
宮臨曲池兮伏丹櫂吹激楚兮順揚風霓裳飄
飄兮鸞皇若逢紛余去故而就新兮四海焉窮
蹇誰留兮中止忽婉孌兮聲靡眷寶結兮同心
矢偕老兮君子終啴嗟兮縱所之朱顏倏忽兮
能不悲人生幾何兮朝露晞歡樂不常兮日月
馳安得千秋兮永若斯亂曰繁音促薄兮蕩人
心罔象相求兮窮高深神歸來兮勿周章彷徨
四出兮恐弗勝聊逍遙兮澹容與哀中則兮樂
不淫

感舊賦

正德辛未寵師事林屋先生于包山精舍凡再
閤暑寒而退迄今庚辰八年于茲矣乃復來山
中作感舊賦其辭曰

紛余慕夫好修兮潛大道以游神漭江河之浩
滌兮悵欲渡而無津彼哲匠之巍峩兮揭日月
于八垠折疏麻之瑤華兮將以贈夫斯人亟惄
惄而仰鑽兮又靡知其所止紛蚪龍之下上兮
尺蠖蟠旋于泥滓車旣怠而馬煩兮阻山川而
徙倚忽日月之我道兮去冉冉而不已經疇昔

之故居兮志歎憾而願此漭淹畱以無成兮將復修吾初服佩長劍之陸離兮冠切雲而轟轟民生各有所樂兮放吾道于空谷吸朝霞以爲粢兮夕復食夫秋鞠苟矩矯之攸存兮與來者之可追吾令羲和弭節兮將以窮乎我師路曠曠其阻修兮殫吾生以求之亂曰驂駢斯皇莫予好也洵彼前修爲我導也海嶽斬巖何當造也長夜漫漫志慙躁也矢心白日遵長道也

拙政園賦

侍御王公敬止世吳人也寓籍于燕弱冠登進

士官侍御史出按遼陽以不阿法抗中貴謫上杭丞再丞岐之都許驛徙知永嘉判高州竟致官歸吳焉公疏朗峻潔博學能文辭遇事踔發當孝宗朝峩冠簪筆儼然柱下有古直臣風一不當當路意三投炎海折翼而下可畏哉戒途之難也公則蒞焉若遺逍遙以嬉乃築室闔閭之城背解市面水竹斬蕪糞莽取勝自然頗愛潘安仁閑居之篇附于拙者之政寵遂賦之以謌厥事焉其詞曰緊蹇蹇之王臣秉靖恭於爾位企遐風於往哲干青雲而高議際明時以

自奮謂譯譯其無忌冠切雲而直指惟一人之

余媚鎔鋤利而鉉刀揮毛矯都而嫫母恚信人

情之翩翻羨愛釁其奚自睇天門之遙遙臣得

罪而遠去狺犬吠而掉尾虎磨牙而蹲踞快一

斥之不復薄炎荒而窮馭占巫咸兮則瞢决唐

生之猶豫爾乃稅鞅故國徊翔首丘豈宇宙之

迢遙何余栖栖而倦游我蔭有廬我耕有疇彼

季子之奚人逃卷衣於長洲洵伯通之不羈賦

五噫而聿遁經山川之故墟眷君子而夷猶撫

嘉木之蓊翳接吳會之長流羅以爲囿言旋于

休乃有滄浪之池夢隱之樓臺以遐觀堂則若

墅竹栢得真橘柚皇封郁李張梨櫻胡棠棣菡

萏荼縻丹爪綠辛華實駢羅溝塍錯互於是風

妍景熙六合澄朗時鳥變聲鮮雲如掌曳山簡

之接蘿披玉恭之鶴氅良儔言集恣意偃仰修

山陰之故事和蘇門之遺響朱果在摘頰鱗桂

罔醑醕載浮圖書弘敞信巧拙之何居澹玄心

於天壤眄鴻飛之冥冥知下上之決漭彼爰居

之逍遙奚鐘鼓之爲饗吸元化以潛神漱瑤津

而獨往永寤歌於聖明錫萬年之鳩杖

送大學士延陵吳公展墓還 朝頌

大清宣統九年

遙遙延陵千禩篤祜有幸其興作我明輔我輔伊何畯德以升維鼎有鉉天子所馮維北有斗元氣酌斟掌制代言式玉式金臣拜稽首籲天而呼臣則何能先臣是謨襲訓蹈方以幸無事祿弗代養臣心如剗有最者原交走兎狐乞臣之身我糞我驅帝曰咨嗟若洞在余汝往欽哉遄而來而璽書煌煌相臣啓行其從如雲東南干征祖考咸喜孝孫歸止神旗豹尾六轡耳耳天平之阡其氣轡葱翁仲石馬有光如

虹日吉辰良協于蓍龜鳩我祝宗麗牲于碑孝孫來享載弁球球肩膚腴骼邊鋗以羞有玄有清其酒思柔降登受胙賚爾思成翼翼孝孫維王之楨錫之萬年秉國持衡爾駕爾車天子爾思孝孫稽首握鬯涕洟豈不永懷畏此簡書肅我徒旅敢遑寧居前驅舉燧後乘抗旌注心紫闈結慮承明如渴如飢輒我皇情胡不夙夜傑臺倍程維我相臣旣孝旣忠秉心塞淵以奏膚公孰不有君孰不有父允矣哲人萬邦作矩昔周之宣爰有吉甫燕喜孝友載歌于雅於朱

我明主聖臣良穆穆皇皇于周有光小子作頌
誕告多方

方齋袁君六十壽頌

嘉靖丁亥方齋袁君年旣六十其子袞與寵同
學書相愛徵所以壽君者於寵君少時與家大
人同學於張先生氏絕相愛也家大人嘗言君
之雅馴自童已超儕輩遠甚同學生不下數十
百人獨君爲高第弟子巖巖翼翼同學生皆嚴
事之惟謹稍長卽把握門戶以儒行飾賈業頗
事廢舉操奇累羸乘時變化有計然之畫以故

臺灣國家圖書館 NATIONAL CENTRAL LIBRARY, TAIWAN ROC

贊用鼎盛而君獨晏如雍容談詠不礙圖史中
歲仕爲崑山鑒學訓科即謝去事母極孝與弟
懷雪君雖白首猶如童時下上出入怡怡也可
謂敦媯孝友篤行君子者矣有子二人從子四
人皆畯挺奇拔鵠峙鸞翔古之八苟五寶莫可
儔焉維君蘄立夙成劫劫自對襟光蓄祉以麻
後昆天之所以申錫於君者焉可涯已是宜頌
頌曰

河流經天岷嶧吐之有榮琳琅藍田沃之天錫
袁宗維君鍾之君鍾維何亦旣孝友奮自童髫

要千白首娟潔好修握我矯玖玉立而頑野鶴
昂昂魁殊秉哲百夫之良如墉斯崇如棟斯強
載拓高門閥譽騰翔羣髦挺發振振麟趾神啓
其胄享有多子駿躍天衢一日千里袞袞公侯
爰上其始繄君之遺碩大迺延辟彼良農藨蓑
寔先食報于德於萬斯年彼蒼可徵燭微洞玄
豈曰難謀仁者獲焉小子作頌敢告司筵

秦漢文序

嘉靖癸未天水可呆先生來刺我邦憲古振文
式崇化本數進諸生館下追琢襲厲範以矩矱

越明年出所編次秦漢文授之讀旣受卒業寵
跽而請曰是編何居先生曰五經其炳矣日月
宇宙弗可湮已近古而閑麗者其秦乎其漢之
西京乎今士以文進古之制也而業之者弗古
是程吾惑焉攬摭經傳苟以微于有司其尤疵
者口耳平帖括剽裂乎佔俾秦與漢無庸及焉
吾怪其涉之流而不飲其源也將浚之使邃闊
之使廓而毋用是謾謾促數也文其有倡乎寵
曰然則左傳國語尚已何遺焉先生曰左傳國
語其旨奧其辭簡其爲書也聯屬而成章經之

翼也小子識之爾烏得而選諸寵曰然則西山真氏之所輯者不旣謹乎先生曰夫文也終始有體節奏有變繁簡有裁經緯有章辟之樂焉一音弗備樂弗諧矣吾竊疑其析而不屬也離而不理也懼學者之窺其一而遺其二也寵曰然則東京以後不亦有可錄者乎先生曰氣未見其渾也體未見其雅也間有之吾懼學者之作法於涼也故略而僅存焉寵旣聞命爲之刊其訛而是正之郡人湯氏愿而好修請以梓梓成寵敬以所聞者載諸首

送大司寇莆田林公還閩序

正德辛巳今天子旣嗣大歷服曰咨宰臣
旣命予有家亦資予良弼越在閩粵之野茲惟
共工乃諧僉曰休哉則使使自京師東南馳數
千里起家拜公爲工部尚書嚴督之駕公疏辭
天子弗允再疏辭再弗允連三疏辭黼席益仄
使節交至越明年嘉靖壬午公力疾驅道遷刑
部尚書俾帥若屬以掌邦禁居無何公謁告入
乞身于朝天子挽之益牢公弗克起又明年
癸未七月上可公行於是天下之士相與議公

之出處臆決唱聲各持一談曰方今天下皆進
而公獨矯之以退天下皆闊而公獨斲之以方
要亦異夫人而已矣則又曰君仁臣恭禮之經
也一龍一蛇時之化也公何心哉其視天下如
浮雲之飛揚往來於太虛也而天下望之如鳳
皇之翔于千仞搏扶搖而弗下也公何心哉之
二者皆非也公之心天下之心也夫自結髮入
朝弼亮三世德邵功焯屹爲元臣旣卷而懷王
鼎重輕彷徉海隅以俟其清旣而際明君覆文
石斡旋天機經緯六符調之齊之大羹其和迪

我高后繼明紹熙丁載一時也而公豈自失
厥會耽高尚之名而薄金匱之業哉故曰之二
者皆非也繫公之行殆必有掣干事而局干時
者矣掣則肘不可以運掌局則道不足以廣謀
孔孟其猶病諸而獨今之君子乎此所以不得
已而行而不能以三年淹也寵不佞何足以窺
公而衆言淆亂敢以是折衷焉謹序

送天水胡公序

叙曰自秦郡縣天下而有郡縣吏秦吏大抵皆
酷也漢良吏爲盛班固氏傳循酷而吏道備矣

余讀循吏傳論考其世未嘗不喟然嘆也蓋鈞姦擿伏取威對聲赫赫平若揭日月而行者世所稱良也至若風學敦禮植本培化使民回心而嚮道漢吏亦無幾焉夫以循名者猶然而況其下乎我皇明受命溥將疆理萬國循吏如林然窘於期會書牒者繁焉故聖人作而化窄禮樂衰而風微薦紳先生所扼腕也嘉靖癸未吾師天水胡公自皖守徙吳吳啓於泰伯春秋時有李札子游輦輿故其民以廉讓文學相高猶有先王風也然瀕海下濕土浮而民惰卒難帖

服亦其地然也公下車葺泰伯之宮崇子游之祀廣厲學宮躬帥諸生習射鄉冠祭之禮飭匏絃管祝金玉之言磬折盤辟示以揖讓執經講解與相問難酬答褒其異者降爲主客之儀不朞月而吳之風決決矣夫吳號難治以金穀溢騰賓傅狼藉吏隸舞法謗刺叢興也而教化獨闕焉豈非墜本抑末顛倒無當哉公超然遠覽獨追古之人而與之上下摹畫奮以泰伯子游爲必可師而進我吳于三代之列故化易行而功則倍信道不惑之驗彰明也使吏天下郡縣

者皆如吏吳之吏王道成矣迺夫廉以遠利明
以讞獄詳以理賦嚴以督姦儉以節費恤以柔
民皆炳然爲天下稱首而求所以綱維鼓運回
幹轉易則唯古之道也故略而弗著焉乃丁亥
之秋 聖天子擢公爲山東左參政吳民丁壯
號哭老人兒啼曰公去我乎民將安歸於是其
門人王寵識公爲政之大者以序其行以爲他
日傳循良者告也

送王子祿之會試詩序

尸子曰凡水其方折者有玉其貞折者有璣也

蓄寶之淵必異常流彼漫渙而崩奔者是礫石
也已故寶彰于蓄士見于歲豈待登清廟綴玄
冕而後窺其景曜坐明堂籌紫幄而後挹其風
槩哉王子祿之產于名家胚胎前光出遊鉅人
斧藻令德羈貫隸學官弱冠舉于鄉聲華漸起
顯庸可俟王子方挾冊從諸生講受侃侃翼翼
矩折規旋濯纓清流掃軋塵雜汎濫羣籍操追
古人視世之穢汙淟涊不啻鶻雛之騰于九霄
而下睨鷗鳶也即使王子服官盛時鵠起當路
其必爲矯矯激揚玉潔珠光而不爲脂韋突梯

自混瓦礫斷斷明矣歲己丑天下士羣試禮部
王子以戊子嘉平月先事北征告別于嘗所來
往各爲歌詩以贈之余與王子有一日之長偕
引首篇易不云乎素履往無咎王子慎之哉

送給事中陸君浚明校文還朝序

嘉靖戊子 皇帝復大寶之七載也天下士當
羣比于鄉廷臣建議以人才國家所急而烝自
有司匪明匪慎畯良曷登請以京朝官典文衡
便制曰可于是工科給事中吳郡陸君浚明承
命典淵之試事事竣還朝其游王寵揖而祝之

曰給事 天子肘腋臣也典文重寄也淵天下
名藩也是三者世所華蓋焉而萃之于君君自
諸生卓犖淵偉已隱然望東南旣連起危科讀
書中秘天下想聞其風聲以是握鑑而照操衡
而度淵之士無留良矣休哉乎陸君寵竊聞之
上臣事君以人其次以身以身者一世之臣也
以人者百世之臣也然惟宰相爲能以人唯有
司爲能以人有司羅天下之才以致之宰相宰
相度德程能以詔王廢置而布在庶官庶官以
和百揆以序是宰相與有司之權鈞重也卽有

司非明且慎焉天下之才不必盡得相雖聽聽
於上無能爲也則有司綦重讐之棟明堂梁清
廟楩楠豫樟千尋之名材羅于肆下而工師可
擇即所采者皆液構空中輪囷離奇規矩弗能
經斧藻弗能施工師亦柰之何哉夫能取者必
能用陸君今日爲良有司能取天下之才矣他
日履台握斗進退庶官以弼成我 聖天子之
治將不爲賢宰相矣乎是又可占已詩曰于以
采繁于澗之中于以用之公侯之宮陸君以之
又曰思皇多士生此王國王國克生維周之楨

濟濟多士文王以寧我明以之

送楊子任序

士君子窮足以樂斯達足以行心志匪曠形骸
匪適標格匪勝名理匪暢羈愁恚懃冰炭相搏
衡門之下若拘囚然斯亦奚足與有爲耶東方
生云築土爲室編蓬爲戶彈琴其中詠先王之
風亦可以樂而忘死矣余性佚宕不耐齷齪守
閭井築居石湖之上悠然以山水禽魚自娛楊
子子任辱與余遊數年矣子任閭爽駿發絕無
城府醇雅醞藉余神酣焉日與余搜窮巖剔幽

鑿棲古寺攀危磴挾書冊鼎鑑枯蔭於喬林
之下琅琅諷讀長吟遐嘯聲答崖谷或劇談古
人功德照焯名節慷慨輒窮日纏纏弗休罷則
釀酒相勞氣酣耳熱輒自奮他日果得侍明
天子履文石之陞當鯁挺特拔標古人而趨無
容容作轍下駒余所否者有如此酒聞之者或
以爲狂爲僻爲迂余與子任輩樂也子任以嘉
靖辛卯應應天鄉薦北上春官別余于舊隱余
酌之以酒而告之曰子任今果行矣幸無忘石
湖之言

五扣贈別袁子永之

嘉靖乙酉吳邵袁子永之年二十有四領薦應
天第一旣而岱計北上客有觴于道者曰子行
矣應龍天飛飈雲爲翼惝恍欵忽靡于無極余
焉測子之所際邪願扣子之志汎觀流示華實
殊軌秦奧異轡久要之言徵于遠詣可乎遂言
曰夸夫徇權曲士射利驚擊鶻起濁世一致取
樂當年奔慾逸駟窮靡極曼以明得意子共躋
諸秦子反視仰膺若無聞者

客曰奮跡南紀悲聲紫闥天子久坐羣公扣

詣射策形墀爛若星月雄壓九服縮頸吐舌高
步玉堂致身畿甸履台蹠斗唾手可掇請爲子
祝炙手附熱袁子曰遐舉乘風顯宦待時余何
心哉

客曰星緯曜天川嶽炳地哲人含靈金精玉思
總統前聞妙握能事虎觀增光石渠長價掃蕩
雕蟲力振大雅一言九鼎百代凌跨茫茫周秦
高視不下淵雲之徒鎔冶渾化願子登壇取威
定霸袁子色喜曰華矣雖然僕願食其實也

客曰經緯六符均調八氣大厦構天寰海仰庇

玄澤滂流仁風遐被翊我昌明勒功金匱子孫
黎民尚亦有利君子樂之是謂得志辭未及終
而袁子曰善

客曰太山峩峩孔林載登其堂石磬瑤琴
欲往從之道阻且深東望徂徠實勞我心願子
停輶爲我躊躇竹簡璧書庶幾啓予勿謂聖遠
人抱玄珠袁子奮然曰美哉言乎蔑以加矣山
有木工則度之我有心客則獲之請綴厥詞以
爲我規投文一囊而車騰馬馳矣

雅宜山人集卷九

卷九

雅宜山人集卷十

明吳郡王寵撰

雜文

明故承直郎應天府通判祝公行狀

曾祖煥文贈山西布政司左叅議

祖顥山西布政司右叅政

父獻

公姓祝氏諱允明字希哲蘇之長洲人也祝之先出古太祝以官氏或曰武王封黃帝之後于祝蓋以國氏也春秋時稍見於鄭衛漢有九江

臺灣國家圖書館 NATIONAL CENTRAL LIBRARY, TAIWAN, R.O.C.

雅宜山人集卷九

卷九

雅宜山人集卷十

明吳郡王寵撰

雜文

明故承直郎應天府通判祝公行狀

曾祖煥文贈山西布政司左叅議

祖顥山西布政司右叅政

父獻

公姓祝氏諱允明字希哲蘇之長洲人也祝之先出古太祝以官氏或曰武王封黃帝之後于祝蓋以國氏也春秋時稍見於鄭衛漢有九江

臺灣國家圖書館 NATIONAL CENTRAL LIBRARY, TAIWAN, R.O.C.

祝生歷唐宋多名士而江閩之祝最著其籍長
洲也自元大德元祐間有碧山府君者由松江
來爲漕府經歷陞平江路總管有五丈夫子季
九鼎因家焉生子潛潛生景彰景彰生煥文煥
文生顯明正統間起家進士官給事中累陞山
西布政司右叅政生瓛娶兵部尚書華蓋殿大
學士武功伯徐公有貞女生公生有殊質絕倫
五歲作徑尺大字讀書過目不忘九歲病瘍髮
處有古詩一編因循和之名已隱起稍長益闊
其子博洽其子貴自六經子史外玄詮釋典辭官

小說之類無所不通旣天才卓踔橫從四溢重
以內外二祖咸富代魁儒龜錯夾持凌濶穠沃
覃思發藻虎躍龍翔蔚然名家超追百代太僕
少卿李公應禎風裁峻整慎與可人時以中書
舍人奉使過吳妻之子焉弘治壬子王文恪公
典文南畿公遂膺薦文恪以得公爲華累試南
宮輒不利然聲實益恢典述崇積閉戶掃轍萬
言騰涌儒林傳譯寶于隨和當道奇其才將特
薦預史事公以獵資僥榮不屑也又數年選知
廣東興寧縣興寧民尚譁訟訟牒旁午公至懲

其一二尤無良者姦黠歛迹故多盜竄處山谷時出焚劫爲民害公設方略捕之一旦獲三十餘輩桴鼓不警土俗婚姻喪祭多違禮疾不迎醫而尚祈禱公皆爲條約禁止暇則親蒞學官進諸生課試講解嶺之南彬彬嚮風矣嘗攝令南海治之如興寧丙子己卯再鄉試公皆參典文衡得士之盛與有勞焉在嶺南幾五年以當道刻薦陞應天府通判專督財賦公悉力經總民不擾而事集居無何乞身歸築室吳城日華里益事著述洞觀天人或放浪山水間翛然樂

也書法上軌鍾王下視近代晚歲益出入變化莫可端倪酒酣縱筆神鬼怪幻墨客填門購之厚直以嘉靖丙戌十二月二十七日卒距其生爲天順庚辰十二月六日春秋六十有七妻李氏封孺人子男二人曰續由進士官給事中累陞陝西按察司副使次側出幼未名女一人嫁潮州府經歷王穀禎孫女三人公爲人簡易佚蕩不耐齷齪守繩法或任性自便目無旁人然默而好深湛之思濡毫展卷游心玄間賓衆雜遷凝神反視川奔雲爛捷若宿構殆天所殊畀

乎生平雖湛浮不羈亦以濩落難偶大觀逍遙
傲睨當時軼出塵塗非可與拘方之士道也母
徐夫人歿事繼母陳極盡誠孝與人交坦坦無
他腸延獎後進不憚折行尤不喜蓄藏咄嗟揮
霍糞土金帛若其經緯術略局于薄宦曾不僅
試莫能殫述端可慨已所著有祝子通若干卷
祝子罪知若干卷祝子雜若干卷蠶衣一卷浮
物一卷成化間蘇材小纂若干卷野記若干卷
語怪若干卷語怪四編若干卷江海殲渠記一
卷金石契一卷寧志五卷詩文集六十卷後
謹狀

集若干卷寵不以辱公知愛最深輒與其子憲
副君叅摭遺行二以備采擇辭不誼次莫可
發揚功德惟大君子賜之銘以傳世信後幸甚

謹狀

方齋袁君室韓孺人行狀

君諱鼐字臣器吳邑人曾祖諱某祖諱某考諱
某母俞氏生母趙氏君少警敏授書史輒不難
皆誦師里儒張南伯先生同游者無慮百輩獨
蘄出不羣家素儒伯氏教諭君尤踔厲自喜乃
弗售君計門戶支柱棄去卽賈服甫冠失怙殖

滋落君與其季懷雪君兩尋相持抱掃地赤立
侮証日杳拮据有無外彌內縫茹荼履葛矢以
亢宗奉趙氏尤謹毛瑣事弗咨弗敢行善先意
色養母子洩洩樂也久之益厚藏堂構整秩里
中誦之然弗與弟析白首彌驩中歲諸子挺發
皆童艸絕姿珠駢玉列驚異長老君禮謁鉅人
名師益廣蓄古圖書傳記羣之閑館豐之鼎儀
息游肆讀各有次所君所居爲吳利區率訾算
角逐焉其奇羸不大競禮讓文術君獨楚楚好
修矩閑尺檢儼以典雅自將數過從四方賢士
士人稱述名言故實慷慨急難纏纏弗能休人
有過輒面折不作淟涊忍態人故目之曰方齋子
好吟咏頗識奇字嘗仕爲崑山醫學訓科尋謝
去晚歲結里社以道義相勗月一再集雅歌接
壺雍容醞藉方意其遐享而遽以死也悲夫孺
人諱某姓韓氏父彥哲官德州同知母蔣氏年
十九歸于袁生而凝厚愷祥稱名家女事舅姑
孝處妯娌和方齋君與其季友愛雅稱吳中攜
柔將美孺人與有力也體素羸多疾內政斬斬
弗少弛教諸子慈不愆義初方齋得瘍疾危孺

人憂之五日不食以嘉靖庚寅二月十七日死
方齊疾益篤以五月二十三日亦死兩喪相繼
婚友匍匐驚赴皆哭之出涕曰二善人亡矣嗚
呼痛哉方齊生成化戊子二月廿二日享年六
十有三孺人生成化乙酉十月廿二日享年六
十有六子二人長卽袞領應天府戊子鄉薦娶
盧氏次裘吳縣儒學生娶陳氏女四人適周孝
沈山范相一尚末字孫男二人夢麟夢鯉女二
人尚幼寵與袁同閑兩家世相驩家大人視方
齋君兄也於寵爲丈人行諸子辱朝夕游往來

門屏甚狎悉其行不誣君與孺人雖不究遐齡
高朗令終逝矣同歸子姓駿發咸抱國器何憾
矣袞裘崩裂摧頸痛毒彌結豈爲二老人勤一
生以迪子迄享其成而連以不祿卽鍾鼎之養
奚何逮焉此其心殷殷莫解可哀矣袞裘十以
辛卯十二月十七日葬寶華山先塋之次以孺
人祔惟先生憐而賜之銘以揭二老人之懿行
以慰袞裘之悲使永永托不朽卽袞裘亦何憾
焉謹狀

太學生吳君墓志銘

嘉靖二年九月十五日太學生吳君卒歟之三
月得其年十一月六日葬薦福山感慈塢之原
先是君顧言曰以王寵銘寵與君居同閨也君
齒列丈行寔子弟畜我晚更折年輩取下日亟
過從訖數年雅相驩甚君生平名能交鉅人偉
儒自結髮游悉琅琅可數天下有聲者也寵尋
稚懼爲君羞而獨以其死累余其曷敢辭君諱
權字次明世吳人也高祖可安鳳翔府同知曾
祖伯經太醫院醫士祖澄父朴字世文母周氏
繼王氏盧氏世文君無子選羣從中立君爲後

幼而朗澈受易於賀其榮先生弱冠進隸學官
爲弟子部使者寂其文簡之廩食數薦京師卽
數弗利以年資入貢太學未卒業而死君綜博
信古耻齷齪事經生佔畢爲文簡奧精深刻去
枝蔓弗以媚時詩清越可誦書法宗顏魯公尤
善鑒古器物書畫飲酒博謔輒纏纏談所經見
奇誦瓊麗有味乎其言之也聞佳山水奮袂導
往罍俎採肉頤指而撰雖老以儒窮而賓筵狼
藉謠舞擊罿乃有豪貴人態娶李氏繼錢氏子
男二人長增娶賀氏先君卒次封聘楊氏皆錢

出女一人嫁聞詩李出孫男一人支才五歲距
其生爲成化丙戌十月九日春秋五十有八君
任曠不拘酒貲外未嘗問家人生產死而弱息
疊疊無以朝夕天旣嗇其身而忍不豐其後乎
則第爲之銘銘曰

德則孔嘉而命弗加而年弗遐顛天乎累嗟兒
呱婦髽攀彼靈車天曷劉斯尚綏有家

序班湯公合葬墓志銘

寵與湯君儒暨其子盤均隸博士爲弟子湯君
雅馴闇闇內修人也盤駿踔父子並著名字先

是儒喪其父鴻臚公上葬堯峯未有銘后十年
喪其母鄭碩人將合葬乃自爲狀謁銘於寵寵
臺灣國家圖書館 NATIONAL CENTRAL LIBRARY, TAIWAN, R.O.C.
讀其書則喟然而嘆曰夫文猶水平水無源潢
潦爾矣文無自診悠爾矣夫文猶水平湯氏再
世藝文朗秀而斐則先鴻臚之自也鴻臚公世
吳人諱珪字文潔別號素軒雅善詞翰嘗以詩
謁徐定國定國異之 純皇帝時定國推轂爲
鴻臚寺序班直 文華殿光顯矣居文華以親
老弃其官歸性篤孝親沒尤嚴蒸享年七十
有七碩人胄長洲諱安字妙安婉若而嫋相鴻

臚公爲好述。富年八十有七。生子一儒。吳縣學
生。娶陸氏女二嫁。賀放計。昺孫男一盤。領應天
辛卯鄉薦。娶陸氏孫女一嫁。陸鏗。曾孫男一元。
曾君子謂鴻臚公。於是乎君子矣。以親故靡戀。
纓軒翛然。卷懷卒以遺其後人。詩曰。孝子不匱。
永錫爾類。鴻臚公有焉。鴻臚之父。濱號順菴大
父。彥祥。贈大興縣尹。母袁碩人。公本袁出。卽袁
碩人之猶子也。順菴翁乞以爲子。生正統甲子
閏七月十六日。卒正德庚辰十二月二十四日。
碩人父信母盧氏。生甲子八月二十日。卒嘉靖

庚寅十月二十日。葬之。日爲壬辰十二月廿九
日。銘曰。

業業文華。三光系微。載筆入侍。璆琳朱衣。旣
華止言。遄其歸。有懷二人。寧耽瓊闌。發不盡藏。
殖祉彌昌。廻昌厥胤。胤球玉琳琅。烝烝鴻臚。淵畜
流光。我作銘詩。勒之玄堂。尚後有徵。千祀考祥。

張君汝益妻李孺人墓志銘

嘉靖己丑四月庚寅。上海張君汝益喪其妻李
孺人。十以卒之年十二月甲申。葬曹烏涇之原。
祔先姑氏兆。謁銘於寵維汝益與寵。世雅善寔。

耳悉孺人之賢不誣迺按其兄祠部君宗文所爲狀叙而銘之孺人諱素明世松之華亭人曾祖謙祖常父東封祠部主事母戴安人幼則凝重寡言笑父母特愛之選所歸得少叅張公冢子鳴謙汝益氏旣歸事姑陸恭人及少叅公之母潘孺人肅有婦道時少叅公令鄱陽潘老弗能俱留孺人侍少叅公喜曰吾弗能躬養吾母得吾婦侍無憂矣無何陸卒哭之盡哀獨奉太孺人操家斬斬有節法少叅公宦遠無內顧心繼陸以孔孺人事之如陸侍潘凡十載潘卒孺

人哀之亦如陸少叅公歷宦澤潞湖湘間孺人問訊饋遺使道路相望公旣歸老孺人益專意養及臥疾夫婦相與悲號醫禱無不至踰一年衣不解脫夕不假寐公卒奉孔恭人尤篤孔得疾侍婢莫敢嚮邇孺人親爲洗滌弗厭孔卒孺人以勞遘疾越七月竟死哀哉孺人平居有禮事少叅公之弟與其妻皆如舅姑禮相其夫事可不可多所贊決處夫之弟與其妻歷二十載無忤言其賢類如此寵結髮與汝益交汝益種學績行高自對立以丙子領鄉薦將顯名當世

寵每恧焉退見其子仕才弱冠也補博士弟子
尤俊朗可念則孺人之所以相厥夫迪厥子其
賢又可徵也已孺人生于成化丁未十月三日年
四十有三生男五人長即仕次化儲引歲燕貽
女一人受姚蕃聘銘曰

婉婉有儀高門于嬪事我三姑偃僂屈身左右
君子爲時聞人亦旣多男有瑤有珉胡命弗遐
汔顯而屯尚有袞貽貴爾幽窀

從母朱碩人墓志銘

吾從母朱碩人嫁于梁爲冰溪君之配年七十

有七而卒吾母同產兄弟五人皆出我外大父
翁妣陸氏碩人最長吾母季也吾母年三十有
七而亡吾時童髫未甚哀也稍長始知悲慕每
自痛生平不知有母子之樂見人母子慈戀嫋
煦相保持未嘗不愴然心摧也獨時時見碩人
儀容聲咳髮鬚吾母之存而今又已矣吾痛曷
有旣耶碩人初歸梁方恭盛賓客鼎食冰溪躡
蹠自便不甚事事碩人襄之外內斬斬有理累
乳皆女不宜男側室竟生二子晚歲冰溪君卒
碩人依季女以居益精內典日掃一室焚香禮

佛口不茹葷足不闖戶如是者數十年二子長
訏娶某氏早卒次子坤娶某氏生子某碩人愛
之如已出坤事碩人如所生母子雖析處慈孝
訴訴如也女二長適劉其次適顧言碩人所依
以居者甚得子婿禮某等將以其月某日奉碩
人柩安厝于其鄉合水溪君兆寵爲之銘銘曰
莫莫葛藟施于樛木洵美碩人綏此百福克有
令子亦旣有孫本支蕃昌以亢梁門我銘其幽
以詔後昆

弔吳公業文

弘治間故禮部尚書兼翰林學士謚文定吳公
以天子官師掌制內閣道德文章伏天下天
下縉紳士大夫之欲銘功德炙聲光者踵交躡
于門然其家一如未貴時不翕翕熱雖文定之
教使然乃子弟之賢可徵已嗣業視文定爲伯
父尤名能守家法而文采醞藉弗墜益彰稍束
髮即屬其碩士秀民以嬉磨礲浸灌務敦儒素
視聲勢烜赫一切掃刮絕去簡夷混同無賤貴
皆可詣詣逮文定卒不覺有絲毫異嗚呼亦賢
矣哉世以氣力相取下席有尺寸之塵雖平居

故歡比反眼若不相識撞搪凌轢以爲快樂者
皆是也及一旦失勢奪怙則更竄縮避毒迺不
若齊民焉嗚呼是特反覆手耳日相環於天下
而人不悟顧蹈襲爲常何哉聞嗣業之風亦可
以自媿矣嗣業美風儀倩盼而鬚鬢停玉立儼
若儂輩然性逸曠喜自便飲酒舞歌履舄交錯
梟盧斗嘯罰籌如鶴連日夜不厭卒以此得疾
死死時年四十八余少交嗣業淺嗣業則爲余
盡哭之過時而悲弔之以文曰握手醉言肉肺
肝以相示也簡禮任率恣詆調以爲樂也挾目

必合合乃忘其所之也斯人則亡疇復得夫此
類也二孤纍纍孰撫其遺也偉矣簪纓孰振其
宗也落魄浮沈嵇阮爾徒也蛟龍岌纏頡斯爾
逼也腥鱠腐鼠臭穢彼類也嗚呼嗣業何日而
忘也

吳增哀辭

吳增吳人也父燿字次明吳爲吳望姓業儒醫
次明種學績行能文辭所與游盡名人偉儒增
其家子也初次明生子連弗育幾數乳乳增輒
育稍長暫白而豐蔚然見頭角望知爲名宗兒

也既家世流風厥父更踔厲弘肆賓言溢座狼籍文采增則內師外沃浸耳注目勿訓以迪秩秩自將朗潔娟好稍離保媼弗弄弗媿人咸舉手賀曰次明子後後乃秀無憾也同閨賀博士故薦以女吳賀居共堵且睦賀無子強增以歸授室一年而死遺孤甫七月嗚呼哀哉余悲次明之始于艱而終不得其倚也痛增之洵慧而夭折也余視次明大行次明折年輩以相取下故得驩父子間而今又交傷之也作哀辭以遺之以舒其悲思以昭增德云鷺皇稿稿兮巢有

雛毛羽蕤蕤兮五色雲呼雲呼雲呼
黑兮眉目殊嬌友噴噴兮撫撫兮璫瑜珥兮
庭下趨一日不見兮將誰呼有兒在室兮泣呱
呱爾父爾母兮獨何幸十有七兮即長途籲天
靡從兮五內刺修兮錯兮罔賢愚福禍無端
兮理則迂魂飄飄兮竟何徂骨肉在茲兮將誰
徒死者其已兮不可俱割哀忍痛兮善自扶庶
亦不亡兮視此孤

張先生傳

張先生者吳閩門里人也吳爲東南會閩則扼

要據便輜遠大永之百物其丈夫習化居罕文而多薄先生長于市人獨深藏好書不耐閭里浮沉故亦高貴縱不問生產作業坐一室左右筐篋而校摩之假易所無輒手自謄寫攻苦食淡洋洋如也家嘗治畱工騎榮糞掃先生筆于檐下坐自如予適來請之廼悟起其沈精弗撓類此居無何或挾之游于蜀先生奇其行心獨樂之之東陲西遡岷江幾萬里往來登覽悉論纂葺山川風土之勝橐中裝空無一錢還尤篤孝文垂白饗祭未嘗不淚霑衣也弟頗驚時

作誖言輒解以和兩人終不得盛氣語大抵朴茂醇篤類古之長者以其學教授里中門下積十數百人有疑難走往質之卽刺刺語弗能休或抽其架上書指示無不滿意去我冠猶纓蓋儼然稱師者幾十餘年後生小人亦頗嚴憚焉

年七十九卒先生名翼字南伯云

贊曰自周官法壞而閭師之職廢率桀驁無耻者充焉豈其人哉豈其人哉若先生者殆古所謂三老孝弟者與明王在上可以邊豆于庠矣余故摭其行義著于篇

張琴師傳

張琴師吾同閨人也楠其名大本其字大本無它長獨於琴則專握門戶浙東西之操缦者咸奔走之名琅琅聞江湖間也然不大業家年五十四以窮死悲夫大本嘗謂余言始習琴於陸墓張氏陸墓張氏吳之最名能琴者也大本羈貫而操張氏師年已七十餘矣遽曰孺子繼我孺子繼我遂倒其譜授之既乃涵精探思窮幽析微宵吟晝揮手與心維儼乎其若幾乎其若迷積之三十年而汪洋恣睢窅眇希夷濁清

疾徐惟我之施鸞鶯鏘鳴若或鼓之鬼神嘯啼不可端倪蓋於是而陸墓之傳益恢以奇也豈韓子所謂造其堂而躋其裁者耶嗚呼琴亦藝也古聖人兼焉今之君子不暇焉然其磨礽游至有類夫學道者之爲吾是以有感也而大本坎壈困蹠纏其身以死若造物者尤焉吾是以重有感也今天下名都沃區侯王肺腑游琴其門者如麻出則陪輿入則交鴈突梯滑稽軟媚脂韋以私其金錢以席其寵靈而藝不必大本若也聞其名皆嘵嗟縮恧即遇之羞不敢露下

乃大本則弛置自便都不識覩伺人飲酒呼歌揚揚如也唯其獨得於中而與世殊殺其窮而死也則宜

贊曰雞鶩爭食靈鳥不顧有嗟其音爰合韶濩洩彼天和師曠往憩洞庭斯張帝聿其怒于博于鑽棲之故伍琅玕之林崕嶮之圃

張鼎用字說

吾師古閩先生張公以明經奧學閑德夷量流聲當道來範我邦三吳秀民叢至雲蒸咸願服需衣冠肄業館下感道懷和千里風動厥子鉉

玉質象賢歧嶷斬斬旦夕在門昵我兄弟禮冠三加爰字鼎用命寵作說以章祝規乃不獲辭而爲之叙曰夫鉉之於鼎以貫耳也引重致用非鉉不舉鉉可忽乎哉周公曰鼎玉鉉貴之也今夫鼎有耳其隆有腹其容有足其崇巖廊之下清廟之旁天子省犧宗伯視調以饗上帝以養聖賢我后之靈上格于天穆穆賓師肅秩禮筵乾坤清夷九土晏然阿衡元臣扶日察璇匪唯鼎功鉉有勞焉故黃帝采銅于首山文王奠位于郊廟萬祀永寶神明相之張君鍾武夷之

靈秉巽德之晶敬承我師蒙養以貞不出戶堂而屹乎重器矣既乃磨礽乎日月根柢乎仁義濡漫乎典墳鍼錫乎英傑奮發乎文章時則有烏獲孟賁扛之明堂軒姬之主有不肅以袞冕歌以樂章禋郊假廟永爲我光者哉吾固爲張君願之也是爲祝

四子述壽論

天水胡博士先生吾師可泉大參公之尊翁也先生嘗宦蜀爲博士挂冠還山若干年矣今茲歲在戊子齒躋八袞門下士吳郡黃生省曾某

生聚王生穀淳文生彭凡數輩圖獻萬年之觴于堂下而閑以遼邈也乃相與揚榷讚述各吐胸臆黃子曰雍州之域土厚水深古稱陸海表以大華終南朱圉烏鼠之山帶以濁河涇渭之川表裡經緯阨塞險巖其丈夫多魁碩頑山立而都顛實揚休佚弗撓先生稟靈含和尤掇厥英詩不云乎終南何有跡有堂君子至止敝衣繡裳佩玉鏘鏘壽考不忘先生以之是宜壽矣子曰赫赫駿命物界之幅晵取有餘淫用不足優哉優哉可以卒歲先生抱玉佐之略昔

臺灣國家圖書館 NATIONAL CENTRAL LIBRARY TAIWAN R.O.C.

曜世之寶韜其景炎弗登干朝浮沉下庠鳴鐸
一隅暮出蚤歸養之脩如深耕而廉穠閑積而
薄發天之蕃錫吾不知其所届是宜壽王子曰
天降時雨山川出雲江河之濶浸淫九里玄功
冥冥匪人覩聞先生廸成哲嗣作王之楨文惟
國華德寔士程累典大邦出啟雄藩循良之風
扇于東南慕義者謳吟飲德者尸祝考績論烈
烏乎無自哉聞之對陰德者必荷顯祿其先生
乎是宜壽文子曰西北神明之隩厥多僊靈窟
處林棲呼翕吐納蒸之以靈芝潤之以醴泉熙

神練色千歲童顏摠轡于瑤水之陽弄景乎仙
掌之巔無爲自得體妙心玄先生其蟬脫塵埃
之外皭然與日月齊光者乎烏可以常算紀袞
哉於是有王生寵者顓蒙幅塞文質無所底聞
四子之論莫能贊辭遂撰次而書之以爲先生

祝

山中荅湯子重書

昨奉教誨鋪揚偉麗怵心劇目信文之爛發者
也且高叙山林之樂推獎不肖似欲趨而納諸
風騷之域自顧惡劣展卷發汗然僕之逃窮伏

喫越在草菴心自樂之足下果余亮否也揔髮以來連不得志于有司樊維檻束動觸四隅似亦可憤然惟喜曠蕩不耐齟齶身世浮沈其拒而不受于懷也若隄之障水莫能暴齒我生不有命在天戚何益也但家本酷徒生長鄆市入則楣柱塞目出則蹄足攝履呼籌握算之聲徹晝夜每一焦煩心腸沸熱以故山水之好倍于儕輩徜徉湖上樂而忘返莊周言逃蓬蘽者聞人足音則跕然喜懼雖日羣鹿豕壤斷徑絕愈覽心神俱爽耳且生平無他好頗耽文辭登臨

稍倦則左圖右書與古八晤語縱不能盡解片言會心莞然獨笑飢而食飽而嬉人生適意耳須富貴何時誠夕私賀恐後之如今也尚安望哉子重乎非足下誰則知者頃來放浪無似日增駢蠢漸不覺有官司城府時行村野間聞間師里胥行談途議則怛然驚疑他日雖欲衣冠揖讓更從諸君之列恐踰銷蠶率重爲執禮者譏笑矣神志散漫言不詮次刺刺覩縷聊酬來訊不宣

文內翰天池浴日硯銘

志彼湯泉膏於若木有韁其光羣曜屏伏守谷
抱玄琬琰在匱於文仲子提携天祿

硯銘

紫玉廟玄津流吐續藻翔龍蚪燭昭代垂元休
矢余志無爾羞

圭墨銘

錫爾玄圭荒彼黑壤

題聞德齋壁

古人謂一丘一壑可以忘世事者隘之然使歸
白離人機勝焦然坐馳若係逸駒雖彷徉四海

意愈感矣君子內葆而顛實反鑑而天朗解梏
而神全虛游而我得斗室千里也奚其隘矣其
隘袁子掃軌靜函圖史溢棟昆季友朋一時
鴦余嘗游袁子之齋曠焉塵釋方以爲莽蒼之
間也世乃以尋丈度廣隘豈余與子之所廣隘
耶

王履吉墓志銘

嗚呼悲哉王君已矣不可作矣君文學執能卓
然名家而出其緒餘爲明經試策宏博奇麗獨
得肯綮御史按試輒褒然舉首一時聲稱甚藉

隱爲三吳之望三吳之士知君者咸以高科屬
之其真知者謂能肆情詞藝非直經生而已然
皆非君之極致也乃君之志直欲軼古人而逾
之自非通古今凋一世不足以充其所受也是
可以一時一郡論哉君資性穎異將以勤誠於
書無所不窺而尤詳於群經手寫經書皆一再
過爲文非遷固不學詩必盛唐見諸論撰咸有
法程余年視君二紀而長君自卯角即與余遊
無時日不見見輒有所著日異而月不同蓋浩
乎未見其止也而豈意其遽疾而死也嗚呼惜


哉君正德初與其兄履約並以雋造選隸學官
姪聲儼迹翹然競爽既而履約舉應天鄉試尋
舉進士而君每試輒斥以年資貢禮部卒業太
學又試又輒斥蓋自正德庚午至嘉靖辛卯凡
八試試輒斥而名日益起從遊者日衆得其指
授往往去取高科登顯仕而君竟不集以死嗚
呼豈不有命哉君高朗明潔砥節而復方一切
時世聲利之事有所不屑猥俗之言未嘗出口
風儀玉立舉止軒揭然其心每抑下雖聲稱板
憂而醞藉自將對人未始言學蓋不欲以所能

尚人故人亦樂親附之性惡喧囂不樂居屢井
少學於蔡羽先生居洞庭三年既而讀書石湖
之上二十年非歲時省侍不數數入城遇佳山
水輒欣然忘去或時偃息於長林豐草間含醺
賦詩倚席而歌邈然有千載之思迹其所爲豈
碌碌尋常之士哉是其志之所存必有出於言
語文字之上者曾不得少見於世而僅僅以文
傳而其所傳又出於文場困躉之餘雅非其至
者嗚呼豈不重可惜哉君孝友天至居常能愉
悅其親而順之於道與兄覆約少同筆硯食息

起居未嘗少離既各授官而聯姻共食視室處
之時恒倍也君卒時履約方官京師及是以都
御史出鎮鄖陽便道過家以葬君原俾徵明爲
銘君諱寵字履仁後更字履吉別號雅宜山人
父貞以履約貴封中憲大夫太常寺少卿母朱
氏繼母顧氏贈封皆恭人君生弘治甲寅十一
月八日卒嘉靖癸巳四月三十日享年四十娶
徐氏子男一人子陽太學生娶唐氏解元伯虎
女孫男一銘曰 緯慧而明亦藝而貞胡不潰
於成而卒困以衡吁嗟乎其名

前翰林院待詔將仕佐郎兼修
國史長洲文徵明著并書

淮宜山人集卷一終



臺灣國家圖書館, NATIONAL CENTRAL LIBRARY, TAIWAN, R.O.C.